

BIBLIOTEKA

Zakl. Nar. Im. Ossolińskich


XVII

1,289















SIMONIS STAROVOLSCII

De Rebus

SIGISMVNDI PRI-  
MI, POLONIARVM

REGIS INVICTISSIMI VIR-  
tute & auspicio, gestis.

LIBRI QVATVOR.



CRACOVIAE,

In Officina LAZARI, Matth: Andreouic n.  
excussit. Anno 1616.



IN ARMA  
Regnorum Poloniae, Sueciae,  
& Magni Ducatus Lith.



I<sup>m</sup> KROLEWICA POL

**A** Les gnatu Iouicæ lo te credis aperto.  
Messes fasciculo in prosperitate parans.  
Armatus Miles probat id, trinæq; Coronæ:  
Vt cum pace femx ardua regna petas.  
Ergo caput nexu concordii iungito binum:  
Vnitum robur prospera sceptru genat.

XVII - 1289 - III




SERENISSIMO PRINCIPI

CAZIMIRO

Potētissimi Regis Poloniæ

& Sueciæ, Sigismundi III.

FILIO.



Mplū & illustre munus  
est SERENISSIME PRIN-  
CEPS, inter homines, v-  
num præesse pluribus;  
eosque rationis mode-  
ramine ad omne genus  
honestatis flectere, ac in

officio virtutum continere. Nam quod  
supremum illud Numen in toto vniuerso  
præstat, dum astra vsibus hominum facit  
deseruire; hoc in suo Principatu ille, dum  
salutariter & ad vsum Boni publici omnia  
inclinat, & dirigit singulos. Proinde diui-  
nitas quædam elucere videtur in eis, qui



## Epistola

difficilimum hominis in hominem habentes imperium, laudabiliter hoc munere functi, & defuncti. Age verò, etsi permulta historia Polona, Regum Regniq̃ue Optimum in se, præclara facinora contineat, quæ posteris vsque seculis sacrata seruat: tamen haud omnino contemnendum inter ea splendorem habet Iagelloniæ stirpis virtus augustissima, ex cuius serie vt vita ille inclytus, sic armis & moribus optimus Princeps SIGISMVNDVS PRIMVS Proauus tuus enituit: qui quantus vir belli domiq̃ue fuerit, plenæ sunt librorum officinæ, plena fora, pleni hominum acerui; quem vt beneficum & salutare quoddam numẽ aspiciebant omnes, & venerabantur, inter amorem timoremq̃ue dubij, Dominumne salutent an Patrem? quoquò enim se vertit, iustitia eum & pax sequebatur, salus Reipublicæ concomitabatur. Hic igitur quàm magnus? quàm felix rebus gestis?

non



## Dedicatoria.

non opis est meæ sufficienter explicare, sed saltem admirari: Etenim regnum turbidis illis temporibus & seditioni factis firmiter ad senectutem vsque tenuit, & suis postmodū successoribus administrandum reliquit. Prospera multa bello gessit, & victorias inclytas peperit, exteris etiam nationibus admirandas: Crucigerorum namque cœtum, longa mole fundatum: & Polonâ potētia vix euersum, tota Prussia eiecit: Valachos fregit, & fortiter cōminuit, immanes Scythas, Turcas & Moscouitas regni fines infestantes reppulit, & in triumphum duxit; omnia deniq; cælo & titulo suo digna edidit. Vnde Elogium ei omnes, qui de reb<sup>9</sup> sobrie iudicāt à Boleslao Criuousto acceptant & ascribunt. Maiorē virtute & fortunâ Principē Poloniā nō habuisse, nec fortasse hac temporum iniquitate habituram. Quocirca huius ego excelsas & diuinas propē virtutes admiratus, præcla-



## Epistola

ra facinora veluti flosculos resperfos, ex scriptitantium hortis, Parentisque mei, memoria colligere, & peculiari volumine complexa sub, Tuo inclyto patrocinio celebrare institui. Tuo, inquam, qui stirpem & gentem tuam, sacratissimis diuinarum legum institutis cumulatè exornatam in ijs agnosces, & honestâ æmulatione perculsus, ceu Themistocles Miltiadæ trophæis excitatus, serio agitare, magnus magis incipies, tuosque Polonos (proh iam ignavos) ad honestam ambitionem & nomen, vel his stimulis eriges. Nam semper Regum exempla subditi æmulantur, nō modoque maiorum facta crescere & inclarescere sinunt, sed cupiunt itidem & ipsi apud posteros in bona fama & gloria esse. Hoc ipsum velim & te quoque amare ac cogitare Princeps Serenissime: namque alia alijs communia & adipiscenda, bona autem fama, non nisi magnis quibusque & in fa-



## Dedicatoria.

in fastigio collocatis conuenit. At nunc  
puer ad summa quæque nate, laudis cupi-  
dinem in doctrinæ studio, ex qua magni-  
tudo animi oritur, repone; & paululum  
acquiesce, affatim Deus & fata, materiem  
gloriæ tuæ in spem Patriæ, & Boni publici  
incrementum, bonis quibusque iniicient  
& suppeditabunt. Vouco.



## Ad Lectorem.

**Q**uod alij sparsim aut summatim, hoc ego planè  
& plene tibi perscripsi, Candide Lector, non  
vanitatis aut ambitionis causa, ut multi iudicant  
priusquam legerint, sed ut res nostrorum hominum li-  
teris Latinis (licet eximios multos hæc ætas scripto-  
res ferat) illustrarem, quas præ reliquis sufficientius  
elegantiusque Ioachimus Bielski patrio sermone com-  
plexus est. Velim itaque eas à te æquo lectore æqui-  
ter legi & perlegi, sed & oculos serò intendi in finem  
meum & scopum; qui non alius est, quam ut ab exem-  
plis factisque illustribus maiorum, posteris hisce turbu-  
lenti temporibus, potentiam & prudentiam suam for-  
ment. Addidi præterea, Magnanimi illius Iuoniæ  
breuem dominatum; in quo mutationum exempla, &  
hunc nascendi pereundi, fatalem gyrum, tuo commo-  
do pernosces.



SIMONIS STAROVOLSCII  
DE REBUS  
SIGISMUNDI PRIMI,  
REGIS POLONIARVM INVI-  
ctissimi, virtute & auspicio gestis.  
LIBER PRIMVS.



LADISLAUS IAGELLO,  
Rex Poloniarum fortuna-  
tissimus, is qui primus an-  
tiquorum superstitionis er-  
roribus detractis, lumē ve-  
ritatis nostræ Lithuanis in-

fudit, eosque Regno ac insignibus Polonorum  
adiunxit; morti iam vicinus, & spiritu ac vita ab-  
eūte, eximia indole filios VLADISLAVM & CAZI-  
MIRVM, Proceribus Regni commendavit, & vt  
alterum in Ducem Lithuaniae, alterum verò in  
Regem Poloniae sufficerent, rogavit: atque im-  
petrauit. Ac VLADISLAUS quidem, non Poloniae

B

modò,



modò paternū regnum obtinuit, verū etiam Pannoniæ electione delatum: fuit enim adolescens ingentis spiritus, & scientia rei militaris adeò clarus, vt Turcis & barbaris quibusq; maximè formidabilis extiterit, cum quibus secundis aliquot præliis habitis, vitam demum in acie ad Varnam posuit, & religioni pro qua & arma susceperat, libentissimè donauit. Huic postmodū frater CAZIMIRVS successit, & longo tempore Polonicum Regnum administravit, relictaque felici ac numerosa prole (VLADISLAVO Hungariæ & Bohemiæ Rege: CAZIMIRO, cui Diui prænomen virtus & merita pepererunt, ac nunc Vilnæ innumeris claret miraculis; necnō IOANNE ALBERTO, simulque ALEXANDRO, SIGISMUNDO, Regibus Poloniæ, & FRIDERICO Cardinali) victoriis & vita illustris supremum diem obiit. Hi omnes & si magna ac laudabilia facinora gessere, tamen Sigismundi Regis facta, admirationē inprimis asferre assolent, qui cum alia multa memoratu digna gessit, tum magnum atque opulentum illum Moscovitarum Prin-



rum Principem Basilium singulari virtute perdomuit. Magistrum Prussiae sustulit, & amplum illum Ducatum sibi posterisque firmiter subiecit. Quocirca res eius, etsi non plebeiae voces, sed seria Annalium testimonia celebrent, & posteritati idiomate vernaculo iampridem commendatas habeant; tamen ut eò magis, praestantia maiorum nostrorum facta ab interitu vindicemus, posterorum verò vel his stimulis ad tam alta & seria animos emulatione erigamus, quantum in me fuerit, illustrare hunc magnanimum bello Ducem atque optimum pace Regem, institui.

Mortuo itaque ALEXANDRO Polonorum Rege, Sigismundus frater, Syllesiae tunc Princeps imperium animo agitabat, & ut perueniret Vilnam citato cursu properabat, à qua duodecim tantum miliaribus aberat, cum ei Michaël Glinfcus septingentis equitibus stipatus obuiam gratulabundus processit, seque à Proceribus Lithuaniae iniquè esse delatum, quasi de possidendo Ducatu quidpiam moliretur, excusans, pollicitus.



pollicitus est hæreditario Principi se fidelē subditum futurum. Cui Sigismundus, *suam eum gratiam iam pridem consecutum esse, ob egregiæ virtutis famam respondit, modò in ea pergeret, maioraque meritis præmia, quam sibi animo proposuerat expectaret, si promissa fidèter præstiterit.* Pergenti tandem Sigismundo vniuersa Optimatum turba honoris gratia obuiam est progressa; MAGNUMQUE DUCEM LITVANIÆ, illum salutauit, ac circumfusus multitudine in urbem honorificè deduxit; vbi paratis omnibus ad exequias Regi defuncto necessarijs, regali pompa ac sumptu in Diui Stanislai Basilica funus persolutum. Interea verò turbæ ac fluctus in Poloniâ, vt in naui rectore vacua: bonique omnes in præsentis & futuro metu, iustitia tunc & legibus (vt in Interregnis fieri solet) silētibus, & præsertim in eligentium dissensu, à quibus post multa tandem dissidia, dies electioni dicta & locus captus Petricouiæ; vbi magna expectatio, concursus, aperta & occulta vota aut metus. Sed dum hic electio pendet, Lithuanix optima-



optimates eam occupare, & sui beneficij Principem habere, præter fœdus voluerunt, indictoque ordinibus Vilnâ conuentu, Sigismundû Ducem Lithuanix appellârunt, & crearunt, adhibitis ceremoniis ac solennibus patrijs. Albertus Tabor Episcopus Vilnensis, diadema ducale rubei holoserici & vnionibus distinctum, more vetusto capiti eius imposuit. Michaël verò Glinfcus Marschalci officio fungens, gladium euaginaturn porrexit, præstiteruntque exin proceres ac terrarum legati obedientix iuramentum, cum quibus extemplo Sigismundus in Podlachiam iter arripit, nixus vt putabatur occulto fauore & gratia nobilium, quos in partes sola parsimonia traxerat, cum superiores sua liberalitate nimium publicum ærarium extenuauissent, maximè autem Alexander nuperrimè defunctus. Ergo & Procerum quidam, operam ac fidem, turbarum pertæsi, obtulerunt in conuentu particulari Mielnicensi congregati, vbi omnium non studia sed aperta suffragia in eum ibant. Incitabatq; eos ad id non ipse solum æui



maturus, & virtutum (vt res gestæ testabatur) spectatus, quod præcipuè in optima electione obseruandum est, sed & caritas subditorum in genitum & sanguine Principem, tum & illa certa iam Lithuanici Ducatus possessio. Itaq; coniecti in eum oculi vulgi & Procerum Petricouia huic rei degentium, qui de communi consensu, ipso die Conceptionis immaculatæ Virginis, per Archipræsulem Gnesnensem REGEM declararunt & salutârunt. Moxq; Vincentium Prerembscium Vladislauieñ. Ioannem Lubranscium Posnanieñ. Matthiam Dreucium Præmisslieñ Episcopos. Andream Samotulsciũ Posnanensem, Ioannem Tarnouium Belzensẽ, Palatinos: ac Ioannem Lasium Cancellarium, viros doctrinâ & prudentiâ conspicuos ex publico decreto, post vota & acclamationes fausta precantium ad eum mittunt; qui properis itineribus profecti comitia Mielnicię celebrantem inueniunt, & mandata exponunt, populi studia & in virtutes eius inclinationem, illumq; ipsum vt carissimum & dignissimum hæredem Principem



Principem deposcūt. Ille talibus nuncijs latus,  
protinus in Poloniam proficiscitur, summo om-  
nium gaudio & consensu excipitur, Vistulaq;  
ad Roziniciū superata, amplissima nobilium  
& Senatorum corona cinctus, Cracouiam in-  
greditur mense Ianuario ( fuit autem hic annus  
ab ortu Christi Dei nostri septimus & quingen-  
tesimus supra millesimum ) & mox coronam  
Regni solenni ritu accipit, inungente Andrea  
Roza Archiepiscopo Gnesnensi, & astantibus  
Principum Christianorum seu vicinorū Orato-  
ribus, inter quos & fratris Vladislai Bohemiæ ac  
Hungariæ Regis Stephanus Telecki erat; aderat  
quoque & electioni Osualdus Karlacius ab illo  
missus, iura & sceptrā regni Sigismundo licet in  
libera electione concedens & confirmans.  
Postridie autem coronationis, paratur in medio  
foro paulò eminentior locus, purpura pictisq;  
sericis instratus, & in eo sella regia æquè exor-  
nata; quam Sigismundus, cultu ornatuq; regali  
decorus, ac longè virtute conspicuus, conscen-  
dens, iuramentum fidelitatis, & clauēs vrbis à  
ciuibus

*Thozini**1507.*



ciuibus pro more recepit, priuilegijs, libertatibus, honoribus, equestriq; prærogatiua quæque donando. Iam verò solennitatibus huiusmodi & Coronatione Regis absoluta, Stephanus Vladislai legatus petita à Sigismundo venia rectà in Valachiam profectus, pacem ac societatem inter Reges & Bogdanum Valachiæ Palatinum, Poloniam inuadere parantem componit, publicis monumētis firmat, & regi suo subscribere cupienti in Hungariam defert; Ad quæ ex eodem coronationis conuentu, à Sigismundo ablegati, Ioannes Lubranscius Posnaniensiu Antistes, Stanislaus à Chodecz Regni Marschallus, Ioannes Lascius Cancellarius, & Christophorus Sydlouecius Castellanus Sendomiriensiu viri in agendis rebus latè cogniti, pacta cōmunia, communeque auxilium in eos qui Regnorum finibus bellum inferre tentarent, & illa hostiliter lacescere vellent, statuerunt. Sigismundus quoque ipse antequam Vilna in Poloniam diuerteret, fœdus cum Scytharum Perecopensium Duce sanciuit, concessis ei quindecim florenorum



renorum millibus stipendij loco annuatim, ea  
conditione, vt semper sit in armis paratus, quo-  
quò modo necessitas Regni postulauerit, ho-  
stesque perpetuò Polonorum, tanquam pro-  
prios inimicos infestet, & à finibus propulset.  
Hæc dum in Polonia aguntur, Scythæ Zauol-  
genses interregnum adhuc & cōfusionem du-  
rare rati, quod sæpè illud hebdomadas, menses,  
annos manet, incursionem in Russiam, Podoli-  
amque faciunt, longè latèq; depopulantur, ex-  
indeque magna præda onusti abscedūt, ad quos  
reprimendos & insequendos, quantocyùs Ioan-  
nem Camenecium Castellanum Leopoliensem,  
Rex cum quingentis equitibus misit, sed & in-  
colas Podoliæ addidit. quibus ille auctus, dies  
noctesq; non intermisso itinere Miedzybozium  
venit, & tribus ferè horis quiete, cursu cōtinuo  
fessis, concessa, cœptum iter haud segniter per-  
sequitur, & barbaros assequitur, impetuque in  
eos facto, pugnat feliciter ad Voromanam, cæ-  
dit, vincit, superat, prædamque omnem & ca-  
ptiuos diripit. Tunc in acie occisorum plus duo

C

millia



millia numerata. Interea ingens rerum perturbatio in Lithuania exoritur, contentione magna, inter duos clarissimos eius gentis viros, Michaëlem Glinscium, cuius meminimus supra, & Ioannem Zabrzezinium Palatinum Trocēsem, inualecente. Ac Glinscius quidem genere opibusque illustrior, nam mediam ferè Lituaniā ipse occupabat, sed animi magnitudo & auctoritas in vtroque propemodum par erat, vnde altiores cogitationes iste, subornatæ ad hæc, non solum æmulationē inter illos accēderant, quod Glinscius ambitionis manifestus esset, sed etiam inimicitias perpetuas pepererant, adeo vt non veluti hostes, sed tanquam inimici inuicem odio arderent, animisque exasperatis, alter alteri semper aduersi infestique aliquid moliretur, accessit & agri diuisio in vicinia, quod vterque sibi vindicatum, manu magis quàm iure ibat. Itaque Sigismundus, litis dirimendæ causa diem vtrique dicit, sed crescentibus simultatibus dissimulat terminū, eosque interim secum conuenire cupiens, inquirere in primis studet, quæ de Glin-



de Glinſcio Proceres dixerāt, vel criminati ſunt, quaſi affectaret dominatum Lithuaniae eiectō Rege. Quos ipſos rumuſculos etiam olim apud Alexandrum Regem extinxerat ille, non modò gratia ſua, ſed etiam virtute, rebus aliquot præclare geſtis. Nam Tartaros & alios hoſtes regis ſæpe feliciffimè fudit, & Lithuaniam tutatus eſt. Hanc igitur omni ſtudio affectans, cū mente agigaret de modo & ratione poſſidendi, etſi ſedulò ſilebat, tamen vultu manifeſtus erat grande aliquid & ſuſpectum moliri, præſertim nobilibus & vicinis, qui eum ad Proceres, & hi ad Regem, in cuius feruenti gratia erat, deferrebant. Verum quò magis ille omnem Sigismundi de ſe ſuſpicionem adimeret, Budam ad Vladiflaum profeſtus, ſuo interuentu, reconciliari ſtudit, & cum legatis reuerſus, literas Regi obtulit, quibus petatum, vt cauſa vtriuſque cognita, ſuſpiciones de illo ſi poſſet tolleret, nec tantum virum cauſa nondum cognita, opprimi pateretur. Sed cū Rex nescio quā occultā cauſā in Zabrzezinum promior, poſtulata Michaelis



indies differret, indignatus ille, ( quoniã quantum fauente Rege autoritatis ad Zabrzezinium accesserat, tantum suæ existimationi detractum putabat ) meditari cæpit, quonam modo dignitatem suam tueri possit: ipse enim cunctis Ducatûs Regulis nō anteire modò dignitate, verum etiam imperare quodam modo consueuerat; nec ferre æquo animo poterat quenquam sibi apud Regem auctoritate & gratia præferri. Quocirca multa in causa sua cum Sigismundo locutus, hactenus questus est, vt diceret: *Tentaturum se ea quorum olim me, teque ô Rex pænitebit.* tandem domum iram coquens ac vindictam meditans pergit, & porrò hominẽ certum cum literis, ad Basilium Moscouiæ Principẽ ablegat, itum tutum & reditũ sibi per ditiones suas postulã, & arces quas in Lituania possidebat, partim hæreditarias, partim à Rege suę curæ demandatas, suæ tuitioni cū seipso ac rebus omnibus tradens. Moscus talibus nuncijs lætus renunciari iubet, *periucunda sibi accidisse, quæ ultro obtulisset, et ob eam rem gratias agere,*



*gere, sed multo placere ut quæ largiter promittit, ea, vel sola nominis existimatione adactus, præstare & cogitare serio velit.* Mouit enim eum tanti viri auctoritas, quem acceperat, præter egregias belli artes, complura etiam oppida & arces, in Lithuania tenere. Quare, præstito ut postulauerat, coram Nuncio iuramento, literas clam ad eum remittit, & de rebus ad bellum pertinentibus cogitat, currus, machinas, milites & commeatus parat, vereque incunte fines Lithuaniae ingressus, se hostem Sigismundi profitetur, & belli causam asserit; quod non eo quã par sit honore Helena soror, vxor autem fato absumpti Regis Alexandri, à Polonis prosequeretur, & Moscuiæ cõfinium, Regis inductu à Scythiis vastaretur. Quod Simulac ad Sigismundum perlatum est, pace cum Pannonibus, Valachis, Pruthenis composita, habitoque raptim delectu, Vilnam haud vanè territum mouit: nam Michaël naturâ & ingenio vaser, solita ambitione & fastu, fastidientium Roxolanorum animos Polonici & antiqui Imperij, in partes trahit, & turbidos non  
 C 3 uaque





uaque cupientes, in possessionē Basilio Moscorum tradit. Rex autem, dum arma, iuuentutem, pecuniā, & machinas præparat, de ratione belli intentiùs cogitare cæpit, & mox Tartaros Perecopenſes, quibus cum inducias ſanciuerat, mercede accerſere inſtituit, miſſis quindecim aureorū millibus. Quorum Dux, quā primū ſtipendium ad eū delatum, cum octuaginta ſuorū millibus, aduentū maturauit. Rex etiam properauit, ex vrbe repente cum ſuo robore egreſſus: tantumque Baſilio terroris iniecit, vt audito Regis aduentu, nō priùs finem fugiendi fecerit, quā ad ſua vnde diſceſſerat, in Moſcouiam vſq; perueniret. Quapropter Sigismūduſ, neminem obuium habens, deſatigatū curſu & æſtu nimio exercitum, Vilnam tanquā victor reducit, Scythasq; dimittit. Et ſic nihil memorabile ea expeditione geſtū, niſi quod nobilitas Lithuana, deuſtatis Moſcouiæ finibus, arcē Czykouienſem quam magna viſ armata, aut incondita tuebatur, receperat. Sigismundus verò in Poloniā regreſſus, Cracouiā hyematurus conceſſit; vbi  
dum



dū Comitias Regni generales celebrat, Michael cum septingentis armatis Grodnā profectus, vt per exploratores Zabrzezinium inibi esse cognouit, quo illū aduentus suus lateret, tenebris nocturnis vsus, properè cum suis aduolauit, inque ipso cursu, pellicē illius obuiam cœpit, quę quicquid arcani magnique sciuit, metu tormentorum enarrauit. Igitur edoctus oppidū intrat, circumuentū è lecto rapit, & protinus interfici iubet; cuius ille caput à Turca recisum, multis probris affecit, & in hasta alta suspensum, mirabile & miserabile omnibus spectaculum subiecit, circūlatumque ad terrorem, in lacū quen-  
dam, quatuor miliaria ab oppido, in humanus proiecit. Sicque æmulum sustulit, & fælix hac fæda labe, ad alia scelera animū adijcit; & con-  
fectatus regem hoc facinus haud impunè ferre, vim vi repellere conatur, sed primū nobilitatem conciliare, quam promissis & pollicitationibus suam ferè fecerat, & plenis velis per plebeias illas vndas ferebatur: vt tamen magis obstringeret, munera & honores singulis, aut de-  
dit.



dit aut promisit. Ergo desciscunt, & adhærent passim, se & sua, plerique arces & oppida etiam tradunt, illeq; ipse assensu eorum haud mediocriter confirmatus ( nonnullos enim & regulos ad se inclinare acceperat ) plura opportunè in conuenticulis differens magnitudinem suam vel ambitionē, inter imperitos aut turbidos tuebatur & promouebat, ratus eam arripiēdam fortunam, quæ sese vltro offerret. Et quò res suas magis firmaret, fratrem Basiliū in partes vocat, à quo arces, & oppida regia simul recipit; inter quæ & Minscū, præter spem oppidanis resistentibus obsidione tenet, cuius oppugnatione aliquoties tētata, cum ferro expugnari nō posse videretur, irritò incæpto Kleckum copias reduxit. At Basilius frater, Kiiouiam lectis cum pedibus diuertens, Zatomiram & Ouruciū oppida, quæ eius imperium pertinaciùs detrectabant, succensa expugnauit & diripuit, & nec sacris parcens militi in prædā concessit, quo minus finitimi, iniecto metu resisterent. Nobilitati verò, vt fratri adhererant & pareant vbique sua  
fit



fit priusquam vim suam experirentur: quòd si renuerent, vocem iecit, sese vel inuitis illis imperaturū, sin verò rerum potitus foret, sedem Imperij à Lithuanis in Russiam, vt olim floruit, trāslaturum, Monarchiāque Kiiouiensem renouaturū. Hæc dicta, & prompti facere erant: multisq; promissis onerati, & dominatū Polonorū perosi, in verba Michaëlis iurauère, qui interim ipse Anastasiam Slucensiū Ducissam, tenet obsessam cum infante Georgio, ratus eam sic posse vel in matrimoniū (quod vnum petebatur) consentire, vel ad deditiōem pellicere, & ex eo sibi multū potentia accedere; sed illud prius vt securius magis exoptare, ideoque munera, legatos, literas, missitare. Cæterū abnegat illa precib⁹, minis, & terroribus immobilis. Spe itaque deceptus, excanduit iste, circumspectisq; Slucensiū munimētis, & quæ essent expugnationi idonea prouisis, arcē & proxima ædificia succendere iussit: sed hæc obsessi strenuè tutati restrinxère, & magnam insuper stragem in oppugnantibus edidère: plerosq; enim gloria ducis



seu auaritia præde acrius nitentes, & ad propugnacula propius succedentes sagittis, ac minoribus tormētis ex occulto vulnerabāt. Tūc seridiam in iram Michael datus, salutis suorū parcendum statuit, solutaque obsidione, globatim per oppida & ditiones illius milites vastatū emittit, vicosq; excindere, vrere, trahere prædas, permittit, atq; imprimis Turoniam in opinato impetu expugnata in prædam concedit, arcem vero valido præsidio firmat, incolis præstantioribus qui pagatim viuunt in fidem receptis. Inde Mosirum mouet, & partim vi, partim proditorum cura capit, militesque imponit, Pinscum ipse adpugnaturus. Et interea Ostaphæus Daszkouic, vir in armis late clarus, & olim Kozaccorum Zaporozenfium ductor, à Basilio Moscouitarum Principe, ad quē descuiuerat, missus subsidio Michaeli, venit, equitumq; millibus circiter viginti Russiam ingressus, inter Smoleuice & Minscum oppida, castra communita posuit, missis ad Michaelem qui rogarent, cum copiis ad se venire ne cunctaretur, de tota belli ratione vna cōsultaturus



taturus. Sed quoniā Kozaccorum mentionē fecimus, res hortari videtur, qui ij sint, & cui subsint, paucis exponere, tum propter singularē illorum in armis virtutē, tum propter nominis notitiam. Kozacci igitur seu Velones sunt milites sui iuris suęq; spontis, leui armatura vtētes, lancea, framea, arcu, & sclopeto, non simul aut singuli omnibus, sed pro copia & opportunitate; idque in nauiculis nando, insidentes equo, aut pedes. Dicti, quasi nihil de ornatu, honestate, & moribus curent, sed victu ipso contenti in armis excellere possint, seu inopiā potius raptitia præda subuenire valeant: ab his quoq; dicuntur Kozacci & inter Polonos leuiter armati, sed morem tantum pugnandi non vitę mutuantes. Illorum autem, quidam sunt Zaporosienses, (& hi præcipui) vltra limina Borysthenis in insulis habitantes, qui magno cū strepitu ex montibus decurrens, mirabili opere naturæ limina (vulgo porohi) saxosa, & nauibus inuia efficit, velutiq; per mensæ planū transiēs, quoquo longius, eò inferius decedit, quæ illi cum suis nauiculis



culis, quas Czaiki dicunt, per funes ascendētes & descendentes penetrant. Quidam autē Nissouienſes ad fluuium Niſſam habitantes, ſeu in parte Ruſſiæ inferiori, quorſum flumina è longinquo decurentia concurrūt. Et hi vtrique diſſionis Regiæ. Vltimi ſunt Odonēſes, ſuper Tanaim ſeu Don fluuium habitantes, qui ſubſunt Moſco. Horū omnium primordia ſatis quidem exigua fuēre, ſed licentia crescente, creuēre & habitatores, idq; eò magis, quòd inſulæ illę quas incolunt, ſeu quò confugiūt, tum terreſtribus tū naualibus ab incurſionibus, licet nulla ſint manu ſtruēta propugnacula & ædificia, maximè tutæ habeantur. Igitur multitudine freti, peritiaq; nauigandi, cum eorum nomen abundè potens pollensq; eſſet, Scythiſ & Turciſ ſæpiùs prælio ſuperatis, pluribus elati victorijs, cepēre finitimas barbarorum nationes incurſare, & multis eorum mercatoribus direptis, non paucis etiam funditus exciſis oppidis, eò cū præda, tanquam in arcem validiſſimā, confugiunt, cōmeatu antè comparato: deficiente autem, piſcibus

æſtu



æstu ficcatis sese sustentāt hyeme etiam; qua instantē, nauiculas & tormēta bellica in tuto ponūt, præsidio lectissimo relicto, ipsi vero Kiiouiam, Krzyczouum, Cyrkassos, cæteraq; regia oppida, vicina petunt. Atque his artibus eò potentia peruenēre, uti res eorū finitimis, Turcisque ipsis pariter formidolosæ essent, essentque multo magis, si ebrietas apud illos exularet, & iuuentus sanctioribus institutis disciplinæ, ac continentia formetur, essetque breui futurum, ut nō solum vicinos hostes facilè submouerent, sed etiā laudem & palmam potentissimi imperij penes Polonos relinquerent. Sed & modò bellatores præstantissimi, ipsique Polonia Reges, eorū insigni opera vtuntur. At Michael Moscorū copijs auctus, deq; summa belli cum Daszkouicio colloquutus, cōfestim Orsam cum exercitu mouit & positis in loco munito castris arcē aggressus, incolas qui in eam se receperant, adeò conterruit, ut deditione facta, vix primā oppugnationē tulerint. Idem & Krzyczouiēsis, Homiana, alięq; plurimæ, præsidio admissō continuò fecēre, &



nobilium bona pars populariumque, imo & reguli nonnulli, cum Drucēsi & Mscislauienti arcibus adhesere vltro. Ergo hac potentia fretus Sluckum iterum vano nisu obsidere parat, Anastasiā suæ fortunæ fauore ductam, in matrimonium consensurā ratus. Verum hæc toties tentata aut iam molestata, recusauit, & eundē animum, vitæ potius quam pudicitiaē perdendæ sibi esse testata est. Quocirca Michaël, vt rem frustra à se tentari vidit, ad Nouogrodikum castra metatus, cohortes palatū dimittit, & excursiones cædibus atque incendiis perpopulatus Vilnā vsque protendit. Cæterum postquam animaduertit se non eas vires, quibus Regi resistere possit habere, arcibus quas ceperat valido præsidio firmatis, in Moscouiam cum Daszkouicio remeauit, sed fratre Basilio cum thesauris & suppellectili præciosa præmisso : vbi amplissimis honoribus affectus, de expugnando Smolensco cum Principe Moscouitarū Basilio seriò agitabat, & putabat, illo obtento, reliquum belli facile futurum, eo quod multos Lithuaniae regulos in partes traxisset



traxisset, & nobiliū plurimi inclinatis animis, clā  
sibi fauissent: tū & ager Seueriēsis ducatus, fru-  
menti, pabuli, atq; omnis generis frugū, ad alē-  
dos exercitus maxime ferax esset. Sed audito  
Sigismundus; nō passus eius furorem seu potius  
ambitionē latius euagari, Nicolaum Firleium  
Poloniæ Polemarchum, cītis cū militibus, tan-  
quam opprimēdo bello præmisit, & ipse vt pri-  
mum potuit coactis copijs, sese suppetiaturum  
itineri cōmisit, profectusq; Breste, que ad bellū  
gerendum pertinere videbantur, summa cura  
parare cæpit, quo tēpore Michael. accepto gran-  
di & recenti à Mosco exercitu, tertio Minscum  
tormētis indefinenter quatiebat, castellanis ob-  
naturalē sitū & validos aggeres, audacius repu-  
gnantibus, abnuētibuscq; dominationē illius. qui  
cū oppugnationē atq; arma illius, aliquot diebꝰ  
excipiunt, per exploratores accipiunt Regē cum  
exercitu subsidio aduentare; gauisi ergo & cōfisi  
fortius repugnant, eruptiones faciunt, & quos  
aduersę factionis homines, res novas moliri pos-  
se suspicabantur, ad quindecim cōprehensos, in  
custo-



custodiam tradūt; Quo cognito Michaël, con-  
territus ad Moscum maiora auxilia postulās ab-  
legat, his autem copijs vincere haud ōnino spe-  
rans, quia falsò in castra allatū erat, Sigismundū  
magno cum equitatu, obseſſis subsidio aduola-  
re, atque haud procul inde abesse; qui modo  
quinque nobiliū millia, cum stipendiarijs è Po-  
loniaeductis, Breste conscripserat. At Moscus  
literis Michaelis acceptis & lectis, nō defuturū  
se in rebus tam necessarijs amico optimè meri-  
to, & pro se hæc agenti, respōdit, sed illico sexa-  
ginta equitum millia, ducibus Iacobo Zachari-  
no & Daniele Sczenie submisit, qui coniunctis  
cum eo castris, & Smolensciano agro subacto,  
si possent, vniuersi certaminis fortunā, cum Si-  
gismundo tētarēt, qui iterū ad Nouogrodikum,  
vbi nobilitas Lithuanie conuenerat progressus,  
copias lustrabat, in hostem profecturus ipse: to-  
tamque regionē illā, aduentus sui fama tumul-  
tuantem, sola præsentia sedauit, & imperauit fi-  
nitimis cōmeatus; à quibus omnia impigrè &  
obedienter præstita. Motisque inde castris, Min-  
scum



scum recta profectus, Michelē à tergo inuadere parabat, arcis oppugnatione implicitū, ve etiā intercludere cōmeatu in castris circumfessum, priusquā eē copiae illi coniungerentur. Cæterū non expectato ille Regis aduētū, mox ab obfidione discessit, & Boiissouiam trepidā fugā recessit, atque inde Borysthenē versus: quo transmissō, & præsidio ad ripam valido collocato, castra Zacharino & Sczenie coniunxit, spacio miliaris vnus à fluuio, cū ingenti pugnae ardore Sigismundum præstolaturus. Qui fuga ipsius & consternatione cognita, protinus in aduerso litore, manū conferturus apparuit, sed præter opinionem, littus è regione infessum repperit, tamen, eductis in ordinem copijs transgredi contendit. Quo viso Glinscius, producto & ipse in aciem exercitu, ad resistendū se illico parat, ac primū littus viris, tormentis, missilibus complet. Signo igitur dato, regii magno impetu in flumen ruere, & ad ripam contendere omnes, sed repressi, transitu prohibentur: pugnatūque aliquantō diutius, atque acrius: his locum tue-



ri, illis transire omni nixu contendentibus. Igitur Sigismundus aliquot turmis, alio in loco citra flumen missis, vadoque transmissis; hostium latera inuadere iubet: qui celeriter & feliciter transgressi, magno impetu in hostes inuecti, insignem pugnam ediderunt, clamorque decertantium, pudore simul & gloria, vtrinque animos acuate, ad cœlum ferebatur, exhortatione, lætitia, ac vario affectu permixtus. Sed cum plures hostium acies, his sese circumfudissent, nec viderentur diutius eorū vim sustinere posse, Sigismundus qui formam pugnae contēplatus, in colle ripæ aduersæ stabat, conuersus ad circumstantes *Milites* inquit, *maçti virtute estote, & quā me vadentem videritis sequimini ducem*, moxque subditis equo calcaribus, flumen ingreditur, & ingenti impetu in hostes fertur, quem omnes sublato clamore (pabulatores etiam) sequuntur, & eorum qui iam cessuri videbantur, confirmatis animis, prælium redintegrant, & congregiuntur, quos Rex ipse obequitans, tum hortando, tum castigando, in pugnam



gnam adeò accendit, vt hostes impetum eorū non sustinentes, protinus loco cesserint, & salutem turpi fuga quæsierint. Hi verò eò magis cōtendebant, quòd in conspectu Regis dimicabatur, qui continuè pugnantes, nunc hos nunc illos, in prælium acuebat; sed vt primū vidit longè hostes cedere, insidias veritus, ab ijs persequendis, & sole iam ad occasum inclinante, suos continuit. Aciebus autem ad pugnam insequentis diei, cum exercitu Zacharini & Sczenie dispositis, qui suos instructos, in castris continebant, ipse pransurus hora noctis iā ferè tertia in castra sua redijt. At Glinscius iterum prælij iusti euentum experiri volens, Ducibus illis Moscouitarum, certā victoriā & felicem euentum pollicebatur, cohortabaturquè vti summo mane collatis signis, cum Rege dimicarent, gloriæque pariter & prædæ consularent. Cæterū illi, siue hesterni prælij exitu exterriti, siue res Domini in vltimū discrimen adducere veriti, alta nocte trepidā arripiunt fugā, equis qui de vulnere inuitiles erant, quique animum iam agebāt



militibus, in campo relictis, consternati sylvas, locauè paludosa petunt. Quos Sigismundus celo albescente, magno animo insequitur & assequitur, ceditquè, capit, ac vincit, Glinscius tamen, in eo tumultu paludū beneficio, atque interuentu noctis, manus hostium effugit, & coactis dissipati exercitus reliquijs; multis populationibus & incendijs, agros Seueriēsis Ducatūs euastauit. Imminentibus autē regijs, Starodubū concessit, quem nisi anfractus & inscitia viarum recepissent, regij ònino cepissent. Fugatis igitur & superatis aduersariorū copijs, cum Sigismundus Optimatum suasu, Smolenscum cum exercitu concessisset, & in suburbio castrametaretur; accidit, quòd eques quidā (Ioannem Pierzchlinium dicunt) equi proteruia in mediū Borysthenē illatus, & vorticibus siue voragine haustus, post vnicam fermè horam, Rege, totoquè exercitu spectante, qui indignam hominis mortem dolebant, ex aquis incolumis prodijt, & bis modò aquam inbibisse asseruit; nā grauitate armorum conseruatus, quibus vsque ad talos loricator



ricatus erat, pedes per imum iuit, & exiuit, qua  
de re ipse postea perliberaliter est à Rege habi-  
tus; Qui inibi regni negocijs occupatus manēs,  
Nicolaum Firleium & Constantinū de Ostrog,  
duces copiarum, cum parte equitatūs Moscos  
vastatum misit, qui & in Glinscium populātem,  
auertendo animaduenterent. Odio nanque is&  
immanitate præceps, quò magis magisque à Si-  
gismundo & Polonis animos popularium alic-  
net, atque atrociūs terreat, non solūm agros va-  
stāt, incenditque prædiola agrestium, sed pagos  
atque frequentia oppidorum loca, æneis tor-  
mentis vbiq̃ue & vndique quassat, nō sacris, nō  
profanis abstinens. At illi hostium loco, vix ipsi  
inter se ad manus non veniunt, & non consilijs  
modò; sed animis etiam dissentiunt. Cumque  
altercando plurimū extraxissent temporis, cum  
re infecta & absque insigni facinore ad Sigismū-  
dum redeunt: orta enim inter eos non æmula-  
tio modò ob rei militaris gloriā ( hæc enim ne-  
minē sine concertatore finit ) cuius partes pri-  
mas sibi, vterque arrogabat, verum & simultas



ingens, ob veteres olim inimicitias & mores inter Polonos ac genus Litauum: quorum Polemarchus Constantinus, rerum gestarum magnitudine, omnes copiarum duces, sua tempestate superabat. Nec fuit certè aut erit, qui militari astu, aut peritia ex Roxolanis, virum æquabit, nō dicam superabit. ¶ Is dum Ioanne Alberto regnante, traiceret è Smolensco exercitum in Moscouiam & funestos illos Wiedrussios, vbi mox certatum, grādi prælio victus victusque, post triumphalem illusionē tetro carceri intrusus, manus post terga plūbo obuolutas habuit, pedesq; cathenis arctè strictas; sed fortuna currum à carceribus ad metum, sine offensā aut euerfione perducente, liberatur, & fulcrum rebus Moscorum labentibus adsumitur, nam Basilii, ( Tartaris ferro & flammis cuncta excidentibus ) tantę moli hostium impar, & consilij inops, ad modestiam flectitur & liberari carcere Constantinum iubet, quem liberali largitione illiberalis affectum, iureq; iurando obstrictum, in amicos transcripsit, & exercitui præscripsit aut præfecit



præfecit : quo succinctus ille cōtra Tartaros sepius prosperè pugnavit, & victrices in Moscouiā copias Basilio reduxit; tandem certis conditionibus cum eo depactus, iam Sigismundi tēporibus, ad suos redijt. In illis ipsis vero cāpis, tria veteranorum millia amiserat, quingenti autem dilapsi, cum Stanislao Kiszka, Smolensci Palatino, & exercituum in Lithuania, campestri præfecto, manus tergo instantiū euaserunt. Cum hac enim exigua manu, falsis inducijs lacesitus Constātinus, prædatum in agrum Wiedrussouensem iuerat, cui inopinātī, quadraginta Moscouitarum millia superuenerāt; quū apud eos Regni iuuetus omnis, edicto arma capere, absque mora & stipendio cogatur. Et nox tunc alta erat, ac Luna lucens, cum ille serium aliquid animo voluens; ex obseruatoribus & subsessoribus viarum, hostem subito adesse cognouit. Itaque quales aut quantē illius vires incertus, Nicolaum Hlebouicium: ex fidis amicis exploratum misit, qui, ilico rediens, grādem multitudinem, & egregiè instructam, prope adesse nunciat.



nunciat. Tum audito percussus ille, & quasi Genio inspirante aut perturbante desperatus, vocem è pectore emisit. *Jam iam video commilitones mei, quo nos fata & ordo rerum miserunt. Tamen auertant superi à genere nostro tale dedecus, utin hostes ultro profecti ipsi pugnam detrahasse videamur, sed protinus morituri, aut etià morituris obuiam procedamus. Sique in factis non erit nos vincere, at saltem, ne inultis, sed facinore aliquo memorabili edito, occumbere superi concedent.* Moxque copijs omnibus in aciem eductis, ad duo miliaria per sylvas, & merfa humo loca progressus, in planum & conspectum hostium deuenit, quos itidem instructos & ordinatos inuenit; adquè confirmandos suorum animos, hac breui vsus est exhortatione, *Si eandem operam ac animi magnitudinē, quam superioribus bellis mihi strenuè declarastis, nunc repræsentare velitis, Milites strenuissimi, nihil certè restaret aut obstarèt nobis, ad consequendam hodie Deo benè viuente victoriam, quam toties Numini huic nixi & confisi, ex insidioso & infideli hoste retulistis, moioresque nostri semper*  
*retule-*



retulerunt, & tot sæculis inclaruerunt, ut rerum monumenta, seriaq; scriptorum testimonia nunc etiam videre liceat, ac olim multò magis licebit.

Nam sicut sol in aurora tenuior assurgit, & magis magisq; eleuatus inclarescit; ita ex virtute, & meritis, fama cum æuo ipso augetur & crescit, quam vos amare, & cogitare velim fortissimi viri, partamque toties armis gloriam semper tue-ri. Sed præcipuè die hodierno, quo de salute, gloria, ac præstantia rei militaris nobis est agendū, testandumq; , utri nostrorum meliores aut maio-res fama milites essent. Iam verò famæ iactura generosis animis omni incommodo & calamitate grauior esse debet, maximè quibus proprium & genuinum est alta ac honesta proponere, res se-ras constanter agere, & gloriæ cupidinem usq; cum concertatione profiteri. Quod nobis hodie vel nolentibus etiam, exoptandum restat; nam ut videtis res nostra, eo loco sita est, ut vel viri-liter pugnandum, vel turpiter sit nobis cedendū: sed profectò, posterius istud, in Martiali populo nostro, laudisq; cupida gente Polona, est semper vitatum, & vitandum; honestius reputans, pro Patria in acie mori, & nunc ac magis olim, in

F

fama



fama bona & gloria esse. Eò vos intrepidus vel natura à tali gente, vel cōsuetudo à Ducibus ducant, & fortes constantesq; reddant, etiam aduersus extremos metus; quos tamen non in periculum mitto, sed ad gloriam futuram præparo, & ipse adsum, comes eo, omnis euentus & fortuna particeps futurus, quæ ut ignauos reijcere solet, ita fortes & audentes iuuare cōsuevit. Quare per gloriã gentis, per virtutis pristinæ decus, per salutem denique vestram quæ simul cum victoria, in Dei manu posita est, vos rogo & obsecro. Insilite fortes, & audaci animo, quos indepti estis, aggredimini hostes. Fecitque ipse & alij impetum, quem ingentibus animis, sustinebant Moschi, stetitque vtrinq; immota acies diutius. Marsque ipse dubius & anceps erat, cum repente vnus è ductoribus Moscouitarũ, hasta transfixus, equo moribundus corruit, per multique fortiores cum eo, Constantino ante suorum oculos, pugnam acriter edente: casu quorũ hostes consternati, & virtute regionum, quã paucitas ipsa excitabat, perfracti, primum loco cessere, mox terga simul cuncti vertere, trepida fu-



ga dilapsi, & Constantinus dissipatos iam victor insequabatur; donec in transitu fluminis Wiedrussij, conspecta illi insequentium paucitate, vt nulla recentia subsequi præsidia viderunt, quæ in proximis occultata syluis rebantur, exemplo arma in nostros, pudore ipso excitati vertunt, & offirmatis animis, ad singulas cohortationes ductorum, pugnam fugientes instaurabant. Sed quia defatigatis nullū respirandi tempus datum, puncto temporis dissipati, ceciderunt aut fugerunt omnes. Et Constantinus illorum fuga circumdatus & viribus auxilioque destitutus, à Basilij milite capitur ipse, & reliqui cū eo à multitudine intercepti. Kiszka autem cum aliquot veteranis, syluas petens propinquas, hostium manus euasit: & postea Constantino ad penates reuerso, vterque sub Sigismundo Rege militarūt. ¶ Nicolaus vero eo maiores concipiebat spiritus, quod fortes atque asperos Polonorum duceret milites, qui partum multis bellis decus, ereptum iri sibi indignabantur. Itaq; Sigismundus. Stanislaū Kiskam, (de quo mentionem



tionem fecimus) virum fortem atque impigrū,  
cum aliquot equitum turmis ad Vesmam ar-  
cem, quo sese hostes receperant, misit. Qui op-  
pugnatione illius, (nam alluente Borysthene  
difficilis erat) absque peditatu omīssa, circum-  
iectos tractus illius campos, longè lateq; popu-  
latus, postquā per exploratores cognouit, ma-  
gnam sibi hostium manum propè imminere,  
qui denuò coadunati clades suas expiare aut  
compensare adnitebantur. omnibus pro tem-  
pore prouisis, confestim ad Regem, qui id nun-  
ciarent ablegauit, & rogauit sibi maiora auxilia  
submitti. Ipse autem assiduo prælio laceſcebat  
hostem, eo consilio, vt donec sibi à Rege subue-  
niretur vel tergo circummissos, transitu Bory-  
sthenis, iniecto metu prohiberet; vel etiam eos  
qui aduersi erāt procurſantes eminus repelleret,  
& assiduis in arce vigilijs affligeret. Hæc cum  
Sigismundo significarentur, Firleium cum par-  
te equitatūs, celeriter emisit, & effecit, vt ho-  
stes aduentu illius non expectato, magis de fu-  
ga quam de pugna cogitarent, & salutem pu-  
dori



dori anteponerent. Kizka verò, consternationis causam ignorans, & subsidij aduenientis inscius, cum illa suorum manu, terga dantes confectari cepit, & nouissimos ad Drohobusum affecutus, necessitatem attulit, captis cæsisuè, qui peruicaciùs restiterant: ob propinqua tamen suffugia, insidias veritus, vltra persequi noluit, composito quæ agmine copias in castra, & ad Regem reduxit. Idem & Nicolaus Firlei, cum suis fecit, quibus iusserat, vt instantibus tergo resisterent, refugos non sequeretur; nam accepit grandem Moscouitarum exercitum (ad centum millia dicebantur) propè imminere, & iã iamq; adesse, sed qui tamen pugnam, cum Rege in aperto, haud comittere audebant, modò per angustias saltuum compositi, audentiùs quidã in collibus visebantur. At Basilii fortunæ euentum expertus, sed & cladibus conterritus, de inducijs cum Rege, quo spes suas prostratas erigeret, agitare instituit, adfirmans operam interea se daturum, vt cum legatis magnis, quos missurus erat, certis conditionibus, fædus per-



petuum componeret. Quò Sigismundus audito, conuentum Principum virorum habet, & quid agēdum aut faciendum sit, deliberat: vtq; vidit maiori sumptu quam vtilitate, per syluas & paludes copias ductari, & hostem iustum prælium detrectare, libens lubensq; inducias dedit, & eò maximè quod regni negotia sui præsentia indigerent. Itaq; inducias dat Basilio, per Ioannem Sapieham Lithuanix Cancellarium, cum lege hac, vt Glinscius perpetuò in Moscouia exularet, & arces quas tum iure hæreditario tum bello occupatas in Lithuania habuit, ex hinc iam Regix essent, captiui verò omnes sine precio, inuicem dimitterentur. Basilius induciis acceptis & iuramento super Euangeliorum libros de more antiquo cōprobatis, omnes cum Constantino ad Wiedrossam captos, liberè dimisit, cum quibus simul & legatos ad Sigismundum misit, vt pacis fœderibus obsignatis arces Glinscianas Sigismundo dominandas dedant, consanguineos verò illius & affines, in Moscouiam accipiāt. Sed horum plurimi, dulcore patrij soli



trij soli capti, in Lituaniam rediêre, & vna du-  
centi ad Druckum arcem Cōstantini venêre an-  
teacta deprecâtes, cum Ostaphæo Dascouicio,  
bellicoso Kozacco illo, de quo suprâ. His om-  
nibus Sigismundus veniam, rogatu Constantini  
& præmia, honores etiam tribuit, & immunes  
patrijsque legibus viuere iussit, & quosdam in  
militiam cum illo ipso Dascouicio allegit. De-  
nique vno edicto, etiam quibus nondum igno-  
uerat redire in Lihtuaniam, ad opes, honores,  
imperia, permisit; nam hoc in summis suis lau-  
dibus ponebat, quod comis in omnes & huma-  
nus, nunquam acerbitatem aut vindictam exer-  
cuisset: atque ecce specimen, breue sed pens-  
tandum. Manus ad mensam aquis abluturus,  
anulos pro more cuicunque tenēdos dabat, &  
euenit, vt dum pransurus, ex famulis cuidam  
porrexisset, interq; conuiuandum oblitus non  
recepisset, aulicus ille, per summum scelus aut  
auaritiam, haud amplius restituit: & post annū  
elapsum vel amplius paulò, ille idem Rege inter  
abluendum, anulos porigente, manum acce-  
pturus



pturus extendit, Cui ille subtractis : *Reddite,*  
inquit, *primò Nobis, quos anno superiori tenē-*  
*dos dederamus.* Hem, factum fœdum & impor-  
tunum, & vt rem dicam conuicio aut flagro di-  
gnum. At ille tamen, ad eò nec in iram, nec in  
vindictam exarserat, vt non nisi ioco aspersum  
aulicum illum, nulla vel re, vel voce acerbiorē  
læsū dimisit : Sed vnde digressi. Pace Sigismū-  
dus cum Mosco, ex mente composita, vt vete-  
ranos in agris bruma appetente disponderet, Vil-  
nam regressus, miro ciuium desiderio est exce-  
ptus; nulla re omīssa, quæ ad cōcelebrandum  
eius reditum excogitare posset. Vbi ipse pro fe-  
lici rerum successu laudibus & hymnis publicè  
perfolutis, quorum insigni opera vsus, militibus  
præmia distribuit, & honores; quorum verò  
proditione in patria tumultuatum, mulctare &  
punire instituit. Interque primas ferè publicas  
actiones habuit, eos qui Glinscij partium erant  
euertere; Fecit autē initium à Gastoldo Litua-  
niæ Thesaurario, in arcem Trocēsē eo misso.  
Additus Michaël frater, equorū Regionum præ-  
fectus



fectus, Glinſcij gener, & tres alij ex Aula ſua,  
tum propinqui eorum aut cliētes. Et quia Tar-  
tari, Tauricani Podoliæ Lituaniæq; tractum ex-  
cuſſionibus interim plurimis vexarunt, ferro &  
flammis cuncta excindentes, cum parte copia-  
rum Conſtantinum ad reprimendum & cohi-  
bendum impetum eorum in Volhyniam miſit;  
qui magna celeritate uſus, tardiùs barbaris  
prædam grandem trahentibus, inopinatò cum  
ſuis ſuperuenit, & quotquot inuenit ad vnum  
cecīdit, vt ne cladis eorum nūcius in Tauricam  
rediret; ſed iam à Polo Kozacco, viro in armis  
plurimùm excellenti, comminutos, qui inſidias  
eorum ingenio & ſagacitate, vim virtute repri-  
mebat, & multas de illorum palantibus turmis  
victorias cōſequebatur. Quorum etiam diſcur-  
rentium, phalāgem magnam, Lucas Morauięc,  
cum ducentis peditibus obuiam habens, & lo-  
cum quò cederet, nō habens, ob circumiectos  
ſaltus & paludes ſtrenuè in fugam conuertit,  
magno & Polono animo reputans, honeſtiùs  
eſſe pugnando pro Patria mori, quàm turpiter  
G fugien-



fugiendo viuere. Itaque astu pulcherrimo, cur-  
rus ad fluuium Sluccam disponēs, barbaros ag-  
gressus fortiter perfregit, & arte quam viribus  
magis superauit; quos iam abeuntes, equites  
Anastasiæ, ex arce Slucensi consecrati, in loca  
palustria & lutulenta pepulere, & plerisq; occi-  
sis cōplures cepere. Sub initium anni insequen-  
tis, legati Moscouitarum magno comitatu, Vil-  
nam ad Sigismundum venerant, iuramentum  
foederis perpetui consignare, & curare, vt pro-  
pria ipsius manu communitum, publico testi-  
monio ad memoriam sempiternam confirma-  
retur, cui ipsi sese sanctissimo iureiurando, inui-  
cem & pro Basilio constrinxerunt, quem idem  
ipsum suo tempore atque loco, in coram regijs  
præstiturum adfirmabant. Fecit Sigismundus,  
qui nullo modo, regni vigilanter & pacifice ad-  
ministrandi, studium intermittebat, vocatosq;  
in ædes vbi paratum & instructum erat conui-  
uium captiuīs (octuaginta præstantiores fuere)  
donauit, & muneribus affecit. Iam ergo pace  
pactis firma, & sic durante, cum nonnulli è re-  
gno



gno mercium causa, in Moscouiam proficiscentur, & in vrbe ipsa Moscouia, quæ à præterlabente Mosco amne nomen accipit, agerent: fortuitus ignis, quem in diuersorio Vilnensium exortum constabat, urbem comprehendit, & vento adiutus, mediam penè absumpsit. Idcirco permotus Basilius, consultò iniectum existimauit, & complures mercatorum pœnis afficere, capiteq; truncari iussit. reliquis satis supplicij censuit, carcerem subisse, & pecunias effudisse, cuius summa quadraginta florenorum millium æstimabatur. Sigismundus verò, conuentu ordinum Petricouiae dimisso, legatisque ad Pontificem, Moscum, & Principes Germaniæ (inter quos & Petrus Tomicius erat, Regni Secretarius & Canonicus Cracouiens. fide, pietate, probitate, atque innocentia singulari, tum doctrina & iuris Pontificij scientia inprimis excellens) qui res communes agerent, dimissis, ipse Cracouiam profectus, Principis Mekielburgensis filiam in matrimonium assumere, suasu optimatum instituit, qui



maritandum laudabilius putabant, vt domestica cura vacuus, publica liberiùs consulat. Missique iam erant, viri animi & consilij magni, Ioannes Lascius, & Christophorus Szydlo-uecius, ille Cancellarius, iste Camerarius Regni; quibus & Antistes Posnanienesium additus erat. Sed Posnanix reuocati, bello Valachico interim orto, quorum Palatinus Bogdanus, numerofo exercitu collecto, Podoliam atque Russiam ingressus, multos vicos exussit, multos homines occidit, & incredibili celeritate, multis in locis incautos oppressit, causas belli asserens; primò, quod Pokucia tractus, Valachis iure antiquo debitus, à Polonis iniquè possideretur: secundò, quod Elizabeth soror Sigismundi, ab Alexandro Rege nuptui sibi promissa, non esset elocata. Demùm, quòd subditis suis multa fuerint detrimenta à conterminis illata, iustitia autem nunquam exercita, sed assiduæ inde inter populares similtates, inimicitia, iniuriæ, & hæc denique arma. Quæ tamen priusquàm Sigismundus inferret, aut prouocatus referret, pro suo ingenio



nio leniter ac tardè omnia agere, legationibus  
quàm legionibus velle rem conficere, quod li-  
cet in Schismate, Christiani tamen essent, &  
murus seu paries aduersus Turcam. Sed post-  
quàm aduertit, id malum indies serpere, & im-  
punitum Bogdanū maiora damna inferre, iam-  
quē Cameneciam atq; Haliciam obsideri, con-  
citus ex templò obuiam pergit, & domi rebus  
constitutis, sumptaq; suorum manu, Leopolim  
proficiscitur, ducibus copiarū eòdem conueni-  
re iussis. At Valachus audito aduentare, haud  
cunctanter aggreditur Leopolim, ratus eam re  
inopinā turbatam, facilè ante Regis aduentum  
expugnare posse: Sed Machinis æneis ad Halici-  
am amissis, irritò incæpto, post triduam oppu-  
gnationem, abscedere coactus Rege cum copi-  
is imminente, modo leuioribus aliquot prælijs  
habitis, proxima vrbs illius ædificia aut prædia,  
succensa euastauit, & composito agmine co-  
pias in Valachiam reduxit. Inque ipso reditu,  
Rohatinum oppidū, proditione captum, mul-  
to incendio inflammauit, & ne sacris quidem



parcens fæde diripuit. Sigismundus autem fe-  
bri correptus, quia ipse consecrari hostē haud  
poterat, numinibus aduersis Leopoli substitit,  
Nicolaum verò Camenecium Palatinum Cra-  
couiensem, multâ militari famâ virum, ne ho-  
stis pro arbitrio regni sui fines penetret, cū co-  
pijs dimisit, ex voto sistendi altare argenteum,  
ad D. Stanislai monumentum Cracouię. Trans-  
misso itaque ille Nestro, longè latèq; terrorem  
incussit, per soli hostilis interiora vagatus, &  
Carnouce, Dorohimum, Botusany, Stepanou-  
ce, Chocimiã, munitioraque alia Pocucię pro-  
pugnacula, & finitima Valachię, intra paucos  
dies debellauit. Quorum terrore alia, & alia  
sponte incolarum in deditionem veniebant,  
humanitatis enim lumē in perditis rebus expe-  
rire maluerant, postquam virtutis documenta  
fatis perspexerant; Camenecius etiam præcepit  
suis, vt à maleficio abstinerent, & vniuersæ mul-  
titudini parceretur. Cumq; iam Sosauiam ca-  
put regionis expugnaturus obsideret, Valachus  
quidam nomine Basilii, liberè se illi vltroq; adiuxit,



adiūxit, & magnum nomen & si exiguas vires attulit, peritia tamen militiæ & locorū, aliquod ad victoriam monumentū, qui alium è nobilibus familijs Basilium, quod sibi rapuisset uxorem, adduxit, & palo infixit; ipse autem postea satis liberali latifundio & stipendio à Sigismundo affectus, in Polonia vixit. Camenecius autem neminē ex aduersarijs, obuium habens (nam Bogdanus ipse in syluis latitabat) instituit copias in hyberna deducere, oppidis valido præsidio firmatis. Et cum iam Nestrum transmissurus in scaphas conscendisset, subitò exercitus Bogdani, in quo & Turcarum duo millia erant, è syluis emergens in acie apparuit: quos regij, qui cis flumen erant conspicati, mox prælio instruuntur, & ad dimicandum ingenti ardore & velitatione prouocant. Verum illi de industria retrocedere, & fugam simulare instructi, vt eo facilius insectantes circūuenire insidijs possint, quas per saltus gnaros occultauerant nesciis. Sed in laqueum quem regiis nefarium parabant, ipsi supra vota inopinatò inciderunt: nam

Came-



Camenecius, militari astu & peritia optimè instructus, viso hostes temere cedere, insidias agnouit, ab ijsq; persequendis suos continuit, sed fortissimo quoquo in primo & postremo agmine collocato, turmas aliquot circa montes, leuiiores, transmisit, hostesq;, clangore tubarum exterritos, à latere inuadere iussit. Factum & alacriter & feliciter, cum Valachi ipsis insignibus violati fæderis conspectis, serio in fugam consternantur, & armis abiectis abeunt, temerataeque pacis pœnas, multo sanguine suo pendunt. Captiuorum illustriores, triginta Leopolim ad Sigismundum missi, quinquaginta verò in acie, hostiarum more mactati, eò, quod Bogdanus etiam, tot Polonorum nobiles ad Tréboulam, captos Podhaicys, interfecisset. Quorū tumulum Camenecius, antequam in Valachiam mouisset, gratissimo munere in defunctos, cum suspirijs & lacrymis exosculatus. *Fratres, inquit, laborum & gloriæ nostræ participes æternum valete, & me sanguinis vestri vindicem, cum Deo benè iuuante paratum scitote, qui quamdiu*  
*in vita*



*in vita mea fuero, omni nixu conabor & curabo, ut tot quoque sanguinis Valachici viros, unâ interficere, & velut immolare super unum locū possim, priusquàm in regnum & ad Regem meū reuertar; sed vobis Deus meliora, in alio & meliori quoque regno. Simul his dictis, atque ijs amplissimis verbis collaudatis, nobiles qui secū militauerunt, pluribus verbis exhortatus, ad strenuè fortiterq; pugnandum & vlciscendum, indignam commilitonū mortem. Fractus itaque animo & viribus Bogdanus, agnouit non multitudinis inconditæ temeritate, sed paucorum vigilantia & consilio victoriam contineri, eamque ipsam iustis factis & fide augeri, quæ & milites fidentiores reddit, & homines, subditosq; ipsos amiciores facit. De pace igitur apud Regē, per Vladislau Vngarię egit, affirmans fidē se paratum dare, quam vellet, & vbi ipse vellet, apud sanctissimas etiam aras & templa. Quare, missi in id à Vladislao, Osualdus Karlacius, & Ioannes Bornomissa; à Sigismundo Ioannes Lascius Cancellarius, Andreas Koscielecus, Geor-*



gius Crupscius Castellanus Belzensis, & Petrus Tomicius Archidiaconus Cracouiensis; à Bogdano, Theodorus Isaacius, Capitaneus Nouagrodensis, Ioannes Petrica, & Logoffettus è captiuis vnus, Cameneciam conueniunt, pacem & pactionem componūt, vt Bogdanus damna Regi illata resarciat, & fidei obedientiæq; iuramentum, legatis in coram præstet; ad quod accipiendum Sigismundus Tomicium in Valachiam, simul & in Hungariam à Vladislao fratre subscribendum, ablegarat. Quo etiam tempore legati Imperatoris Romani, vt res Pruthenicas agant, ad Sigismundum venēre, & hi vterq; Vitalis Furst, & Ioannes Kuchmaister, Iurisdotores fuēre. Fridericus etenim Crucigerorum magister, facta ad Imperatorem & Germanos Principes defectione, tributum Regibus Polonis debitum, ijs diebus denegauerat; quem in fidem & tuitionem ille accepturus decreuit Sigismundo communicare, & super hac re iudices siue arbitros legere, suum, Pontificium, Regium, sodalium, & quæcunq; ij dixissent esse.

per



Per eosdem quoque dies, & Pontificis Iulij secundi, legatus, Iacobus Pifo, vir inprimis eruditus, Cracouiam venit, bella & pacem inter populos Principesq; Christianos componens, & monens, vt hostem immanissimum Turcam, qui loca illa Christo Deo calcata aut cruentata, impunè illudit ac prophanat, simul iunctis viribus aggredierentur, & imminenti periculo barbarorum occurrerent. Vtq; inprimis Sigismundus cum fratre Vladislao exercitum in Thraciã traicerent, ad interitum Mahumetani nominis, quibus ipse socios nauales, & modum pecunię certum, gentium Christianarum misertus, promisit. Sed hæc Pontificis monita, vix non ludibrio apud nonnullos habita; qui propter turbulentapriuatorum cōmodorum dissidia, hanc orationem cōmuni & suo malo aspernabantur, religione socordiã aut desidiã violata. Cuius rei Poloni anxij in conuentu publico, ob id ipsum Petricouiæ indicto, legato Pontificio responderunt. *Sigismundum consentienti Iulio & Christianitati non deesse, neque forre in re tam pia ac v-*



*tili cunctatorem, potissimum cum hanc ipsam militiam ad totius orbis salutem & quietem pertinere agnoscat; At oportere, ut Pontifex primò, òne studium suum & cogitationes, in discordijs Principum tollēdis, & pace populorum constituenda consumeret, quibus dissentientibus, solis Polonis rem tantam tentare, esset omnino ob viciniam periculosum. At tamen Vladislai fratris sententiam, & placita, in tam præclaro proposito, libenter scire desiderare, proindeq; ad eum mittere, Ioannem Lascium Regni Cancellarium & Nicolaum Firleium Palatinum Lublinensem. Cum hisce mandatis legatus dimissus, ad Vladislaum primò, deinde ad Pontificem redijt. Imperatoris autem oratoribus, seu futuris illis arbitris, dies dicta & locus Posnaniæ assignatus: vbi tempore præscripto confederunt delecti ab Imperatore Abbas Fuldenfis & Marchio de Mansfeld: à Sigismundo Ioannes Lascius Archipræsul Gnesnensium, Vincentius Culmenfis, Ioannes Lubranscius Posnaniensis, & Lucas Varmienfis, Episcopi: Andreas Samotulius Posnaniē. Lucas de Gorka Lęczycieñ, Castellani,*



stellani, & Ambrosius Pempouius Margeburgæ  
Præfectus. Additi & Sigismundus Targouecius,  
Garfias Hispanus, Dominicus de Secimino, &  
Nicolaus Cepel, Iuris Doctores: à Sodalibus  
autem, Antistes Sabienus cum Prioribus cætus.  
Pontificis vero legatus (is erat Achilles de Gra-  
sis) in Hungariam primò relegatus, ad promo-  
uendum Turcicum bellum, die pacta interesse  
haud potuit, sed illis iam arbitris cum re infecta  
dilapsis, ad Sigismundum redijt, mandata Iulij  
& consilia Vladislai exponens; quorum summa.  
*Pace cum finitimis composita, vt arma pro reli-  
gione sumeret, & Vladislai iam cum Deo bono ge-  
rentem, animosè iuuaret.* Sub finem præterea  
orationis suæ, inconstantia sodalium refutata,  
ius Regni in Prussiam Pontifice sic cēsente com-  
probauit. Quorum Magister Fridericus, spe pa-  
cis præcisa, ( cum ne inducię quidem, quas illi-  
us Missi, decennales pētebant, fuerint ab arbi-  
tris concessæ ) vt & bellum & tributum eo an-  
no euitaret, in Saxoniam ad fratrem Principem  
concessit, vbi & vita decessit. Achilli autem re-



sponsum. *Licet assidua & formidabilia cum Tartaris, hostibus fidei immanissimis, & Moscovitis in Schismate, barbarie obrutis, bella habeat & magno cum discrimine gerat, fratri tamen in laudabili proposito non defuturum, imò maiorum instituto ad sanctissimæ religionis propagationem regni sui opes universas polliceri, seqq; huius gloriosissimæ expeditionis, vel ducem vel comitem esse, non recusare. Sed multò placere, ut ad tempus iustum reponatur, donec inter Principes viros certò conveniret. Et simul ad quosdam legati dimissi, ut post gratatam pacem, Regem ad omnia paratum, & bellum, contra religionis nostræ hostes atrocissimos, si cælitibus placet, suscepturū nunciarent. Paucis post diebus, oratores Daciæ Regis accessere, Helizabthem Sigismundi Sororem in matrimonium postulantes: sed virgo marinas tempestates verita, recusavit, & legati perliberaliter muneribus affecti dimissi, pactis sponsalibus haud confectis. Venerant quoque & è Moscouia iisdem diebus legati, ius finitimis & iustitiam, petitū: & per Cōmissarios qui rem introspicerent absoluti.*



soluti. Tum à Duce Scytharum Perecopensium  
Mindikiereio, qui æstate ea Tanaim transgressus  
Nohayscenses, olim ab ijs superatus, inopinatò  
superueniens, bis grandi prælio vicit, & supra  
septuaginta captiuorū millia, cum exercitu vi-  
ctore in Tauricam reduxit. Quo successu elat-  
us, resilit mox à fædere Sigismundi, & Lithua-  
niam atq; Russiam ferro & flammis peruaftans,  
multa hominum pecorumq; millia, haud pro-  
cùl Vilnam vagatus, abduxit, nemine iter suum  
demorante. Postea Valachiam depopulatus,  
parem hominum numerū, cum cætera præda  
auexit: sed cuius filius Bitikierei, cum aliquot  
suorum millibus, & ingenti captiuorū nume-  
ro, in transitu Nestri gurgite haustus esset. Hos  
præda graues, & tardius seu liberiùs redeuntes,  
Kopac Valachiæ Polemarchus, à tergo obequi-  
tabat minitabundus, octingentos equites ha-  
bens, & plures interea accedebant, præliandi  
cupidi, qui vltimum agmen opprimiposse arbi-  
trati, maiori ardore quàm prudentia pugnam  
cum barbaris cōmisere, sed à multitudine, pau-  
ci in



ci in orbem circumuenti, cæsi ad interneçionē cum suo Kopacio omnes, qui in dēfissimos ipse irrumpens, congestis telis & suffoso equo labitur pro patria, cum patricijs moriens, qui itidē fortibus ausis in vltimo discrimine propugnabant: in quo ignauissimus etiam quisq; , desperatione ductus, hostes sæpenumerò, ne inultus cadat, insolitæ virtutis dextra, concidere solet. Igitur Bogdanus clade suorum perculsus, quanto citius ad Sigismundū mittit oratum, vt si Tartari præda domum abacta, iterum (& fama erat) Valachiam incursare reuenirent, auxiliares copias tributario contra paganos, dare ne grauetur, & oratores suos in Moscouiam transire liberè permittat. Et hisce, cum rogatis concessis, oratoribus nondum dimissis, Imbraim Turcici Imperatoris legatus, venit à Sigismundo excipere iuramentum induciarum, quas ille cum Andrea Zakrzeuio, Regni Prothonotario facesserat in annum, sed protendi vlteriùs Imbraim rogauit; verùm Sigismundus expostulantibus Christianis, & bellum haud dubiè molientibus, recusauit,



recusauit, & sese eidem quoque expeditioni accingebat, Pontificis maximi hortatu, obq; eam rem Conuentum Petricouiam, Proceribus indixerat. Sed vbi, non studia modò, verùm aperta etiam eò suffragia ibant, vt Rex sine Principum Christianorum adminiculo, rem tantam aggredi non auderet, quam viribus proprijs exequi cum dignitate non posset, pollicitationibus verò cæterorum, quibus Vladislaus patruus, ad Varnam illicitus cecidit, non omnino fideret; licet hoc ipsum veram, solidam, & constantem omnium opinione gloriam in se haberet, quòd pro religione, dignitateque Christiani nominis, reformidato omni vitæ periculo, cum hostibus Christianorum regna affectantibus, decertaret pius; tamen, si aliquid secus quàm oportet acciderit, consilium nostrum temerarium, & offensio ab ònibus existimabitur, & Regio nomini haud mediocrẽ maculam dedecoris inuret. Placere itaque multò, vt donec Pontifex singulos ex Principibus, ad auxilium mutuũ ferẽdum concitaret, Sigismundus pelliti Scythę rabiem,



à finibus regni propulsaret, & cogitaret sedulo serioque, quomodo tantam gentis impurissime audaciam & temeritatem reprimeret virtute, & cōpesceret interitu funestissimo, vt Roxolanorum agri, Podoliaq; contermina, à barbarorum incursionibus, iētibusq; , farta & tecta esse possit: qui Turcis in id bellum consentiētes conatus nostros sua numerositate & celeritate impedire possunt, siquidem & per se propter religionis dissidium, sunt Christianis insensissimi. Iam verò cum tantis hostium copijs, quantæ Turcicæ & Tartaricę sunt simul, æquo in loco decernere cuius rationis sit, quilibet facile iudicare potest, Christianis præsertim dissentientib9. Diu itaq; voluntatis inter se rationibus cōclusum à Patribus, vt Rex Bręste profect9, in cōfinio provinciarū æstiuā haberet, quatuor autem equitū millia, in excubiis Camenecię, qui, si fortè Tartari Selymi iussu regnum infestarēt, sint & patriæ cū Podolica Nobilitate præsidio, & Valachis in tēpore subsidio, donec Sigismūdu ipse cum aulico suo comitatu & copijs superueniret: In eodem publico cōuentu, Vladislai Regis & Frideri-



cí Margrauij Brandeburgenſ. oratores à Sigismūdo Senaruq; poſtularunt, approbationem Principatūs ſeu magiſterij Crucigerorū Pruthenenſiū, Alberto Friderici filio, tributū & iuramentū mox pro more præſtaturō. Data ea abſq; mora, ſed Vratiſlaviā per Petrum Tomiciū ad Vladislauum relegata, Toruniūq; ſtatim ad accipiendum iuramentū, quidam ſunt miſſi: ſed cū re infecta ad Sigismundū reuerſi. Nam Albert, ſolito ſodalīū faſtu elatus, recepta illa approbatione à Vladislao, iuramentū cū tributo haud præſtare voluit. Et ne quiſpiam cū exercitu à Rege, ex comitijs ob id dimiſſus, ſui Principatus fines inuadere poſſet, omnem vndique aditum firmis præſidijs ſepſit. Sigismundus autem comitijs abſolutis, porrò Breſtē mouit, & quōſdam partium Glinſcij, rogatu optimatum carcere ſoluit; quem inibi morantem Principis Tauricani legati conuenēre, ad pacem, & reuera ad pactiōem inuitantes, vt obſides filium cum nepote acciperet, ſibi autem ſoliti ſtipendij quindecim millia aureorum daret, parato cum copijs ire, quoquò neceſſitas Regni poſtulauerit. Quid multa? per-



suadetur Sigismundo, fœdus dat & accipit, stipendiaq; promittit, licet sciat barbarum fidum non futurum: Nam ille eò se continuit, quòd pecuniam non acceperit, hac verò obtenta, ponit personam, sumit vultū & affectum, statimq; cum quadraginta suorum millibus, Valachiam populaturus ingreditur, nixus vt putabatur occulto fauore & gratia Principis Turcarum, cui filiam nuptui locârat. Cæterum Bogdanus, cautus & monitus, arma & manus suorum spectare, finitimorum auxiliū implorare, & solus hosti obuiam audacter ire. Cui Vladislaus mox sexcentos pedites, septingentos autē equites submittit. Sigismundus verò, illa quatuor hastatorum millia, quæ cum Ioanne Tuorouio, & Stanislaο Lanckoronio in Podolia excubabāt, subsidio mittit. Sed barbaris Nestrum adhuc superantibus, nunciatum est Nohajscenses Tartaros, incursionē suo discessu cognito, in Perecopum fecisse, & vxoribus, filijs, fortunisq; omnibus acceptis, pecora etiam secum auexisse, adeò vt pauci mortalium restarent, qui vim aut ma-



nus illorum effugerent Igitur tristi suorum fato perculsi, in Perecopum retro agmine eunt, & Valachis omissis, hostibus bellum inferre parāt, finitimos in belli societatem Scythas, accersendo. Sigismundus quoque his renunciatus, vt oratores Selymi audiret, Cracouiam redijt: & illi multa de pace, eiusq; vtilitate disertè locuti, fœdus perpetuum postularunt renouari, maioribus suis cum gente Polona, olim sanctum & inuiolabile asserens; verum Sigismundus, in communem & piam militiam, Principes viros consentire ratus, vt & ipse aliquid insigne, pro Christiana religione ederet, spe pacis præcisa, legatum dimisit. Initio autem anni insequentis, qui fuit millesimus quingētesimus duodecimus, à Christi natali die, Sigismundus fratris Vladislai suadâ, Barbaram, Cazimiri Cefinensium Principis neptem, multo ingenij corporisq; lepore aut Venere, coniugē despondet, cui Pater Stephanus, Transyluaniae Dux Scepusijque Dynasta erat, opibus clarus, & earum usu. Quâ iam desponsata, & tempore nuptiarum de pacto, Maximilia-



nus Imperator, offerebat, ei in matrimonium, virginem Italici generis, forma insignem inquitens esse, & Regijs planè oculis dignam. Cui Sigismundus sponsam se iam habere, respondit, eamq; ob fidem deferere haud posse, quam solius pudoris legibus, non metùs ullius, adstringentibus, in matrimonium assumere debere: ac proinde obnixè rogare, vt pro veteri amicitia & affinitate, Imperator nuptiarum diem sua præsentia, condecorare velit. Cæterùm ille, talibus responsis permotus, & cum suo studio planè contemni ratus, ex templò Crucigeros in Sigismundum attolere, & Moscouitas quotidie stimulare non desinebat, ipse bellum ob id machinatus; impulitq; sermonibus inprimis Moscos, vt contractis ingentibus copijs, bellum vltro renouarent, & exulceratum sinistris opinionibus animum non nisi multa sua cæde sanarent. Sponsa autem Sigismundi, à Ioanne Lubranscio Antistite Posnaniësi, Christophoro Sydlouecio Castellano Sendomiriensi, & Luca de Gorka, Maioris Poloniæ Generali, grandi comitatu, & regia pompa,



pompa, ad octauum Idus Februarij Cracouiam est deducta, quam & mater Heduigis comitata, cum fratre Casimiro & Ioanne Filio. Hos venientes Sigismundus extra urbem obuius excipit, manu & complexu, per Ioannem Lascium Archipræsulem Gnesnensem consalutans, dehinc ciues vrbis & Academiae professores introducturā, pro more antiquo gratantes, ritu solēni salutant. Tum viæ, templa, domus, ornantur, mensæ & diuersoria apparantur, Rexq; portam & arcem ingressus, nuptias festo apparatu peragit, capiti diadema coram senatu populoq; imponit, & Reginam per Archiepiscopum eundem appellat. Fitq; clamor coronæ, iubilus fausta precantium, & disertæ doctorum virorum acclamationes, patrio ritu congratulantium; & nec immeritò; omnibus enim virtutibus instructa & informata, adeò frugalis, modesta, & casta erat, vt nec rumor de ea tota vita mentiretur, aulaq; illius nil nisi palæstra honoris & virtutis esset, qua ipsa à Deo consecuta est, vt solēnem nuptiarum illius diem, plurimi Principes, varij



varij oratores, Clarissimi Duces, imo Cardinales nonnulli, cum Patriarcha Constantinopolitano, sua præsentia condecorarent: & illius rogatu multis miserrimis delictorum gratia facta, vita, præmia, honores, imperia etiam collata essent, sic, vt passim spargerentur vota & voces. *O bonam Heroinam, aduentu felicem, & dominatu utinam felicissimam.* Perecopensis autem Barbarus, licet ex iureiurando, apud Sigismundum stipendia faceret, nihilominus tamen vere appetente Russiam populabundus, castra inter Buskum & Oleskum oppida metatus, quinque & viginti suorum millia, palatum globatim dimisit, & cunctam regionem illam, metu ac pauore plurimo affecit. Quod postquam ad Sigismundum perlatum est, aulicum comitatū suum, ad stipendiarios, & utrosq; obuios barbaro misit. Verum priusquam peruenirent isti, Lankoronscius Camenecensium Præfectus, in omnem euentum benè intentus, prior audacter aduigilat ipse, comites & milites colligit, & cum hac manu aduersus hostem pergit, phalangēq; grandem



grandem ad Belkam palantem, ingentibus ausis aggressus, totam in loca palustria coactam, ad internationem deleuit. Aucti inde animis incolæ, vndiq; ad reprimendam, efferatam barbarorum rabiem concurrunt, prædam auhentes reprimunt, & nihil reliqui sibi ad diligentiam faciunt, vt fidem & operam suam Regi ac Patriæ probent. Lanckoronsciusq; ipse, cognita illorū per exploratores positione, cum animosâ audaciâ, ne dicam temeritate, situm explorabundus, solus adiit, solus redijt, & illico eos aggrediendos suasit. Sed interim Constantinus, duo veteranorum millia ducens aduenit, qui mox auctus ijs qui se in via & per noctem vltro addiderant, ad sex millia bellatorū in vtrifq; nostrorum castris lustrauit. Et auidè omnibus pugnam deposcentibus, contentio honesta inter centuriones, & manipulos de ordine exorta, vt pote præire seu primam aciem tenere nonnullis contendentibus: & Constantinus hoc quidem, suis præceperat, vt gnaris consuetudinis Scythicæ, qui forti suo congressu, cæteros etiam anima-



rēt. Verūm Poloni armis, equisq; se potiores esse dicebant, Constantini verò equitatum, licet fortem esse, & longo armorum vsu exercitatū, nudum tamen; & qui sola pharetra ac gladio succinctus, impressionē barbari, sustinere non valeret. At Constantinus; *alium esse modum agendi cum hoste phalerato, seu lorice onusto, & alium cum Scythia insidioso, qui tunc primum dū cedit, pugnare cum hoste incipit, vel locum fraudi simulatione fugæ parat.* Et interim cælo iam albescente, exploratores attulere, barbarū castris de nocte motis, ad Visnioueciā appropinquare. Ergo contentione omni seposita, Constantinus aciebus eductis, suos dextrum cornu, tenere iubet; sinistrum verò Polonis, & in eis Nicolao Kamenecio cōmittit. Fitq; conflictus, ad fluuium Horiniam, anceps & cum discrimine; maiore etiam metu Constantini, qui suos fugam appetentes, ægrè ad prælium reuocat, nam Lithuani corpore nudi, nimbum sagittarum; sustinere non valentes, fluctuare multi incipiunt, dilabi alij, & transfugere. Donec Alber-

tus



tus Sampolinus, cum Iacobo Potoccio recentes, instantium tergo barbarorum, impetū præfferunt, Constantinusq; interim, cum præcipuis ductorum suos collegit, & præliū redintegrait. Cuius barbari impetum cum sustinere nequeunt, omnes quotquot sunt in vnam, eāq; magnam phalangem, conueniunt, & nostros sua numerositate circumueniūt, paucis, qui prædam cum captiuis tutarentur, relictis. Fitq; pugna atrox, & cruenta, fortuna belli domina, nunchis nunc illis, victoriam offerente, & duces ex vtraq; parte ludificante. Cum itaq; Marte discernitur vniuerso, vna Polonorum cohors, in hostium castra valido impetu prorupit, & captiuis aliquot dissolutis, noua ac recentia, cum hi alios soluissent, subsidia, sibi ipsis effecerunt. Quod hostis conspiciatus & turbatus, subducere se ac cedere sensim cæpit, regius verò animatus, cædere, vrgere, sternere, & in hostem de fuga iam cogitantem acrius equos promouere. Sed recuperat vires ille, & alacer animi, pugnam iterum restaurat, magno sublato clamore; edūturq;



turq; vtrinq; vulnera multa, ex hoſte plures cadunt, èregijs equi non pauci cõfodiuntur ſagittis: & armorũ, equorũ, militũ, ſtrepitu, clamoribus, aut cõclamationibus cælum cõplebatur. Sed Conſtantine cunctos aut ſingulos admonendo, nihil in rebus tam arctis prætermittere, quòd ſtrenui militis, aut fortiffimi ducis eſſet, quippe qui nunc voce, nunc præſentia, ſæpè etiam gladio ſuis aderat, effecitque vt desperatis tandem barbari viribus, in fugam conſternati abirent, præda omni amiſſa; & nec tamen omninò abirent, ſed interirent trucidati, nam regij locorum ipſi periti, intercipiunt fugientes, alioſque vulnerant, & alios reſiſtentes cædunt. Dux modo ipſe euafit, ſed ad tantam paucitatẽ reductus, vt vix decem equitibus comitatus, in Perecopum effugerit. Captiuorum præſtantioreſ ad Regem Cracouiã miſſi, ignobilioreſ verò ad arceſ relegati, equorum hoſtilium millia decem capta, mortalium verò qui in ſeruitutẽ perpetuam trahebantur, ſedecim millia recepta, & ſigna hoſtilia omnia. Vi igitur desperata  
Pereco-



Perecopenſis, ad fraudes ſe vertit, & Sigismundum ad pacem, etſi parum fidam aut diuturnā, iterum inuitat, filiumq; Dzaladynum obſidem, Vilnam extemplo mittit, & ſe ſtipendia facturum iam fideliter promittit, modo ſibi precium inſtitutum non denegetur. Votiua conditio omnibus viſa, atq; iſſis maximè Proceribus, qui proprias opes cogitando, affectum & curam à talibus abducunt, & tamdiu boni ſunt, quamdiu honores & præfecturas non aſſequuntur; impleti autem, laſſantur & ſe inſectūt. Verūm Sigismundus renunciari liberè iuſſit. *Non capi aut illaqueari ſe amplius barbara Mindikierei fraude, quod ſi rectam & non temeratam pacem ſecum iniret, vltro ſe ſocium fore, ſin aliam, nullo pacto aut precio velle, imo malle illud in militem conferre, qui præſidio Podoliæ eſſet, quam illi perſido & inſidioſo dare. Et eo magis, ne tribuendi barbaris conſuetudo inde oriatur, atque occaſio, idem Turcis expoſtulandi.* Dzaladinus etiam Rege haud viſo, feбри in itinere debilitatus, vita deceſſit. Poſthæc Sigismundus ad ar-



cem ædificandam conuersus, passim noua ac vetera opera, faciebat aut reficiebat, quam breui, tum opere egregiam, tum sumptu magnificam Cracouiæ effecit: votiq; compos ac reus, altare argenteum & cætera ornamenta, cum Fano eximiæ pulchritudinis sanctissimæ VIRGINI dicato & ditato ædibus D. Stanislai addidit, atq; perfecit. Subq; exitum anni Conuentum ordinibus Petricouiæ indixit, in quo edixit legatos ad Pōtificem, Imperatorem, Pānoniæ & Dacię Reges, qui res cōmunes, & pacem agerēt, mittendos. Vbi simul & Vladislai legatus auditus est, is qui post gratatam de barbaris victoriā, Turcicum imperatorē infirmæ valere, & morti Vicinū esse nūciauit, qui si decessisset, mox Vladislaum copias in Thraciam moturum. Ergo ageret, cum Deo benè iuuāte, expergisceretur, & vel solo amore impulsus, fratrem iuuaret, Cæterū Sigismundus, hortatus Vladislaum, ne temerè tam potentem hostem, solus aggrediretur, sed adminiculum cæterorum, & benigni Dei manus erectus expectaret, Donec Principes



cipes Christiani pace interiùs firmata, singuli suas vires in eius perniciem conuertissent, quibus nec ipse refragabitur aut deerit. Aderant quoq; eidem Conuocationi, priores cœtus Marianorum, cum Casimiro Brandeburgi Margrauiò, fratre Alberti Principis illorum, vt pacem & pacificationem cum Polonis perpetuam sancirēt: quæ hisce conditionibus scripta est. *Sigismundo Polonorum Regi, & Alberto Crucigerorum Magistro, Sodalibusque Prussiam inhabitantibus (quod Deus O. M. benè vertat) sine fraude, sine dolo malo, pax inter eos perpes esto. Et qua potestate, aut quo iure Summus Sodalium Pruthenensium Magister Albertus, à prioribus cœtus electus fuit, eodem iure, potestateq; post præstitutum Regi iuramentum, utitor, perfungitorque, & nec Polonos exhinc amplius, ad religionē sui cœtus admittito. Quas vero vrbes, quæque oppida, aut quos fines sodales, in Prussia olim sub Regibus Poloniae tenuēre, vel quo imperio tenere, sub Sigismundo etiam, eodē teneto, populisq; ita moderator: & ollis legibus queis olim viuito. In Russia demum seu Podolia, tractum aliquem*  
sodales



sodales, & Albertus à Sigismundo habeto, cūq;  
barbaris pro religione, assidue pugnato, ac ob eā  
rem aurēum millia duo stipendij ergo, quotannis  
regio ex erario, regijsue ē veſtigalibus dimime-  
rata capito. Sicque pace facta, & rebus cum Si-  
gismundo compositis, Casimirus condiciones  
aut pacta ista, Alberto fratri celeriter retulit, die  
& loco præstandi iuramenti, Poſnaniæ depacto.  
Quod vt Sigismundus reciperet, cum noua nu-  
pta, eorſum mouit: quæ dum inibi agit, graui-  
da eſt facta, & peperit Hedwigim filiā, auix no-  
mine appellatam, atque olim Ioachimo, Mar-  
grauio Brandeburgensi nuptam. Albertus autē  
die assignata, non ſe ſtitit Regi, ſed Episcopum  
Pomeſaniæ mittit, qui aliam diem & locum, e-  
dici à Rege poſtularet. Rex dolum odoratus, ſu-  
bita ira (cui nec ſapientes ſunt ſemper pares)  
moueri primo & indignari, quod à ſuis delude-  
retur tam ſæpè: ſed perſuaſionibus mollitus, &  
conſanguinitatis recordatus, ira omni depoſita,  
ſuſtinuit ſe & moderatus eſt, dilataq; cogniti-  
one Albertum hortatur, vt ſe liberet ſuſpitione,  
expleret



expleret conditiones, & faceret demum quod ex æquo & vsu videretur. Verùm ille Imperatore attolante, qui & Moscouitas in auunculum excitabat, de belli potiùs ratione, quam de conditionibus foederis cogitauit, & vt sic triplicatis viribus, Poloniam aggredierentur simul: iamq; foedus cum Basilio Moscouiæ Principe, percuferat Imperator, vt itidem & ipse in societatem belli, aut potiùs victoriæ veniret; legibus ijs, vt Polonia quidem Augusti & sodalium esset, Lituania Basilij, Teutonicis mōx armis subiuganda. In hanc rem firmandam, Sleynic Missniæ eques, & Lata Bohemus, mercator & ciuis Craouiensis ab Augusto cum artificibus, pro comparandis machinis & arcibus, mittuntur, nauigant, legunt oram Liuoniæ, & Naruam deueniunt; tum à Dynasta vrbis, quis, quo, quare, rogantur. Illi noua & vtilia se adferre dicunt, & aiunt ab Imperatore, ad Principē Basilium mitti, vt foedus in Sigismundum & Polonos iungant. Itaq; Dynasta honore honestat, prosequitur, & additis comitibus ad Basilium mittit: ad

L

quem



quem introducti, mandata dant & accipiunt, deq; re tota peragunt & definiunt. Ille re audita, senatusq; eius lætari, ouare, & cælitus tam opportunum auxiliū à potenti principe, in rebus votiuis missum opinari, & protinus bellum summa vi comparare. Nihilq; iam supererat, nisi vt ipse in Lithuaniam, Imperator in Poloniam, & sodales in vicinam Masouiam cum exercitu venirent, & funus res Polonæ essent. Sed Deo aliter visum, qui conseruare voluit suos, nam & consulta consilia eorum turbauit, & Patriæ proditores, iustis pænis affecit, illeq; idem Lata captus, mortem ipse, infamiam fautores eius subierunt. Basilius tamen, haud spernendam occasionem, & auxilia tam potentium fæderatorum ratus, resilit mox à fædere Sigismundi, cui mox bellum infert, & in Lithuaniam transfert, ac primo oratores ad Imperatorem, proprijs diffidēs viribus, per Prussiam ablegat, diadema sibi regale mitti, & suppetias in bellum expostulans. At Sigismundo, omnia consilia & pacta detecta; & quid isti illiue moliantur gnarus, conuentū ordinibus



dinibus Regni, Radomiam indicit, consultat, atq; inprimis Perecopensibus Tartaris, stipendia dari edicit, vt antequā ipse domesticæ tranquillitati seruiencia componeret, aut disponderet, illi euastaturi interiora Moscouiæ inuaderent. Sic re cum suis considerata, conuentuq; dimisso, in Lithuaniam cū vxore profectus, exequias pompa regali, ritu vero Ecclesiæ orientalis, persoluit Helenæ, Alexandri olim Regis coniugi, quæ erat filia Basilij, Principis Moscouitarū, & religionis Græcanicæ, ideoq; Roxolanis addicta, Polonos maximè execrabatur, & in Moscouiam sæpius, retentâ fugam tentauit. Hæc autem Sigismundo Vilnæ agenti, arcem inferiorem, quæ lignea & affabre ab illo exædificata erat, ignis violentia yltra solitum adfecit, deustis circumiectis ædificijs; quod à curiosis notatum est bella futura & motus designare, quia & parua etiam sunt, magnarum sæpe rerum signa. Moscus autē vere appetente, bellum Sigismundo magnis viribus parabat, atque ipse renunciatus, pariter se accingebat, sed antequam in Lithuaniam mouisset,



vnum ex aulicis ad Albertum & sodales Pruthenenses ablegauit, qui hortaretur, vt Casimiri interuentu conditiones scriptas, explere velit; verum is & illi, pro suo tunc more turbas daturi, ad alios Italiae Germaniaeq; Magistros appellant, & à se parum validi, auctoritatem vel auxilia à Pōtifice, Imperatore, & Principibus Germaniae petunt, Sigismundumq; ad Conciliū Lateranēse citant, sed frustra. Nam Lascius Archiepiscopus, qui tunc Romae legatus agebat, & rebus Sigismundi ac publicis intendebat, cum alijs plurimis rationibus; tum vsu ipso declarauit, Poloniae Reges ius possessionis in Prussia, ex antiquo habere. Imperator etiam, qui ipse ærarij premebatur inopia, auxilia tunc submittere illis haudquaquam poterat, modo animos dabat Moscū attolendo, quem itidē Glinscius assiduè stimulare in Sigismundi odium non desinebat. Principes quoque Germanorum, clade toties suorū in Prussia accepta, ab armis conquieuere, veritine nunc quidem pœnas obsequij luant. attamē, pro ingenio gentis Polonos vindicaturi, duos libellos



libellos qui criminationes & conuicia continerent, in publicum edidit. At Sigismundus interim conuentu Proceribus Lithuanix Vilnam indicto, iussit decem equitum hastatorum, duo autem peditum sclopetariorum millia, à Polonia conscribere in Moscos, iuncturus illis nobilitatem Lithuanicam: adsciti quoq; & Perecopenses in commilitium, stipendio quod denegatum erat, iterum, cum de summa belli agitatū esset, indicto. Et machinæ, currus, instrumēta & tormenta bellica, diligenti opera parabantur, licet & Prussiam inquietam relinquere periculosissimū erat, in qua post suum discessum, ingentius repullulaturum intelligebat bellum præsertim imperatore suppetiente vel excitante. Basilius verò, iure necessitudinis contempto, pacisq; fæderibus spretis, Glinscium cum manu aliqua vere nouo præmittit, & nullo indicto bello finitimos Smolensci agros, propinquamq; Seueriensium regionē populationibus euastat, Deniq; munitionum aliquot, oppugnatione irrita tentata, ad suos comminutus redit, & in vicinā



quandam arcem se recipit, nam præfidiarij cognito regem propediem cum exercitu affuturū, obsidionem indies, magis magisq; contemnebant, & despiciebant securi oppugnationem, imo quotidianas penè & vbiq; eruptiones ex oppidis cum facerent, prælijs ita laceſſebant, vti multos è Glinſcianis vulnerarent, calones autē palantes omnino occiderent aut caperēt, quos ille in loca diuerſa frumentandi gratia, multos dimiſerat. Nec multo poſt Baſilius ipſe, grandi exercitu collecto, Michaeli ſubſidio aduolat, & arcem Smolenſcianam oppugnaturus, caſtra ad ipſas propè ſoſſas admouet, tormentiſq; adhibitis, munitiones (quæ ligneæ tunc erant) tribus menſibus quati aſſiduè iubet. Cæterū omnia oppugnātibus aſperiora indies erant, paſſim enim & totis caſtris, milites glandibus piliſq; expoſiti, veluti pecora trucidabantur, nullo munimenti genere protecti. contra obſeſſi, vel ipſa arce defendente, quam aggeres circumducti horrebant, & munitiones turritæ cum ſoſſis, frequentibus etiam ſclopetis, colubrinisq; inſtructæ



structæ defendebant, securi, nihil trepidare, in sua & præfecti virtute (Solohub is erat, impiger vir, & bellicis in rebus multos annos exercitatus) fidere, & animos supra periculum habere. Igitur desperata Basilius oppugnatione, iam agrestes populabundus ab obsidione recesserat, cum Glinscius accedēs, potiundæ arcis animos, & spem plenam fecerat, modò ea sibi iure perēni concedatur. Basilius audito, lætus, & ad estimationem suam, qua nihil in rebus humanis maius ac optabilius est, plurimum valere ratus, promittit, & dimittit collaudatum, scriptoque incertum approbat donum. Ergo Michaël spei vtriusq; plenus, clam cum hoste colloqui, & de arce dedenda pacisci, stipendia vberiora & aurū præfens promittens. Quod ægrè Solohub ferēs, ipse plenus animi & constantiæ, cōpescere conabatur, & diremptis colloquijs, tormenta verti in hostem iubet; sed milites ignaui, & hi Roxolani, Moscouitis maximè addicti, & quod inclinationi momentum, promissis onerati, se & arcem Glinscio dedunt, (quam Vitoldus ante centenos



centenos annos Lithuanix adiunxerat, Moscouitis expulsis) præfecto frustra reclamante & minante. Quo cognito Basilius, ex castris protinus aduolat, & postridie deditiois equo inuectus, in æde maiori ritu Græcorum diuina celebrari iubet: & hymnis absolutis eam cum reliquis, & arce, ornamentis spoliat, ingentesq; thesauros cum illis ipsis militibus, contra deditiois stipulatæ fidem in Moscouiam relegat, paucis è nobilitate relictis, ijsq; sacramento adactis, quorū nonnulli in fide regia constantes, fortunis omnibus amissis, in syluas diffugere, atq; inde Vilnā deuenere, vbi collaudati à Rege & benignè habitati sunt omnes, constituto etiam satis liberali stipendio, & pagis in Lithuania concessis. Qui paulo ante, veluti Genio quodā stimulatus, illis ipsis præsidiarijs, non munitionibus Smolenscanis, quæ planè inexpugnabiles erant, diffidens, Ioannem Spargaldum, cum quingentis peditibus Polonis, subsidio Solohubo miserat, qui cū eo arcem curarēt & tutarentur: Sed is arce obfessa, vel iam capta, Orsæ substitit, inconsideratissimam



tissimam temeritatem esse reputans, si iam in hostium potestate arx fuisset, vltroprogredi, vt parua illa manu constipatus, cum maxima hostium multitudine, sine vlllo fructu dimicaret. Sigismundus interim cum primum nuncium de arce amissa accepit, nullam moram interponendam existimauit, quin eam hostibus ex templo pulsus reciperet in potestatem. Itaque literas eadem die, ad omnes copiarum Duces, & ad viros Principes, ac vniuersam denique nobilitatem dedit, vt quam primum possent armati Minscum conuenirent, quod & ipse cum suo comitatu, tanta celeritate iter suscepit, vt vix vllum tempus reficiendi corporis gratia, sibi sumendum existimaret, ne oportuna recuperandi occasio, quae aliter reuocari non posset, frustra moranti elabatur. Nihil itaque de suscepta alacritate remittens Minscum primo, dehinc Borissouiam deuenit, Hic dum copias lustraret, Pontificis Maximi legatus (Leonis Decimi) vir multae eruditionis Ioannes Piso accessit, pacem intereum & hostem, quod Christianus vterque esset, agitans seu com-

M

ponens,



ponens, licet in Schismate posterior. Cui Rex, *pacem se non aspernari neq; recusare, sed cum pacis contemptore aut violatore rem habere, quā ille perfidus, dum Principum interuentu, & fœderum nexu, ratam durare non sinit, armis coactus aut adactus stabilem seruabit. Se verò amplius tantam hominis impurissimi audaciam & temeritatem, impunitam sufferre non posse, quæ iam interitu funestissimo, debuisset meritas facinorum & scelerum pœnas exoluere.* Dixit, & generosa ira in hostē acies ipse produxit, exemplo aut terrori futurus; sed renitent & retinent optimates, quod in eius solius capitis salute, tot populorum salus cōtineretur, adduntque quatuor ad custodiam equitum millia, nouem verò & viginti, alacriter in hostem vadunt, veteri & laudabili Polonorum more, venerabili ac mystica hostia mirificè præmuniti, aduersus instantia pericula quæque; Nec absq; futuræ victoriæ præfagio, quod & grandis multitudo coruorū, vulturum, ac miluorum, castra crocitanter comitabatur, & pueri prælium inter se per ludum exercen-



exercentes, partem illam quę Moscouitas præferebat, in turpem fugam illico conuerterunt. At Basilius cura proditorum Smolensco capto, spes suas longius porrigebat, sed & animū eue-xerat, octuaginta millibus in Lithuaniam missis, vt tota excursionibus peragrata Vilnam usq; deuenirent & obsiderent, quoad ille ipse maioribus cum copijs veniens expugnaret commi-nutam. Et interim Glinscius, nemesi diuina op-pressus, Smolensci aut præmij loco, carcerem apud Moscum, turbulentus obtinuit, cum illo denegato rursus de proditione cum Sigismundo agitari cæpisset, atq; eo ipso reconciliari per Vla-dislaum studuisset. Vnum itaque ex fidis amicis misit, ad explorandum in se Sigismundi animū, qui post rei conceptæ explicationem veniam & reditum tutum in patriam postularet. Hæc Sigi-smundus cum patribus extemplò cōmunicat, & quid factū opus, deliberat, lezouiumque ex aulicis, quasi veniam adeundi Pontificio legato petentem, ad Basilium mittit, sed qui literas clam Michaëli deferret, & cum eo de arce dedenda

M 2                      rebusq;



rebusq; communibus ageret. Cæterum, Optimum Lithuaniam quidam infensi & infesti illi, mox à recenti inditio digressi, animum Michaëlis Basilio aperiunt, & execrabili odio incensi, etiam falsa in eum inierunt, vt hominem è medio tollant & reducem in patriam non admittant. Territus ille hac denuntiatione, vt & consilia consulta euerteret, & Sigismundū à Smolensco auerteret, in vincla Michaëlem condit. Iezouio autem crura ferro candenti perforare, & vnguibus clauiculos ligneos infigere iubet feruente super pedes prius effuso. Trepka vero Vladislai legatus, etiam ad Michaëlem ex Hungaria missus, verui adligatus & affatus erat. Attamen vterque, adeò constans hæc inter tormenta fuit, vt non modo consciorum aut commissorum quidquam non eddiderunt, sed nec hilum: & tyrannus constantia illorum victus destitit, hominemq; è famulatio submisit, qui eximeret & liberaret. Michaël quoq; eadem ipsa illorum constantia liberatus, Basilio extitit gratosus, adeò, vt eius curæ moriturus, filios Imperiū-



Imperiumq; totum committeret, & testamēto tutorem generalem legeret; sed cui tamen precium operę mors à carcere fuit. Dum enim Helenam Basilij fratris filiam, post Principis Basilij decessum viduam, paulò acrius castigat & monet, quod parum casti corporis esset, & copiam vsuramq; sui obtulisset Duci cuidam Ouczyna, seuissetq; adhæc passim in Proceres & in vulgus: perdolitum id fæminæ (veteres ab eo iras & calumnias scimus, maximè autem cum sunt sui iuris ac sponsis) atq; mox ad facinus se vertit, patrum, benefactorem & tutorem proditiōnis insinulat, & tempore etiam ipso iuta, in vincula missum carcere custodit, cui & immoritur. Cæterum nec ipsa diu ab hoc facinore superuixit, sed veneno extincta, quæ meruit tulit. Ouczyna quoq; suus amator, fato ad Starodubum captus, carcere similiter vitā in Polonia finiuit. Sed redeo. Cognito Basilius per exploratores exercitu Sigismundi, quod multò sit numero inferior, iubet suos prælio instruere, & velitatione ad dimicandū prouocare: quod si inopinato



procurſu percuſſi, retro agmen connertiffent, properis itineribus occurrerent, & intra Bereſinenſes fauces cum tormentis conſiderent, vbi ſub confluentem Cōſtātinus, caſtra poſita habebat. Signis igitur Moſchi ad fluuium Bereſinā motis, vt primū diluxit, acies in aduerſa ripa producunt, & cornua tubaſq; occanere iubent, quò maiorem metum regijs incutiant, voce cōpellans, increpitans, & fœda conuitia in Lithuanos ( quos maximo & exaſperato odio proſequuntur ) iactans. Tum Cōſtātinus venientem in acie hoſtem conſpicatus, expediri arma in caſtris protinus iubet & manipulos producit, rem in dimicandi neceſſitatem, quod vñ cupiebat, adductam cernens, ſed tamen, felix auſpiciū reputans, quod fluuium vado tranſgredederetur ſecundo, habentem littora tenacia graui cæno, circumq; ſyluas paulatim adcliues & limoſas. Oppoſitus itaq; & celerandæ victoriæ intentus. *Maſti inquit, milites eſtote, quia quē in campis hoſtem indipiſci auebatis, en ante oculos poſitum habetis, & ultro aduentantem ipſi cernitis.*



cernitis. *Agite ergo, incurrite fortes, ruite per-*  
*uix, & eo quo soliti estis robore, aut quibus vince-*  
*re consueistis animis, insilite audaces. Dij auden-*  
*tes & volentes iuuant.* Et iam signa canere inci-  
piebant, cum Moschi regios pugnae auidos con-  
spicati, mox praelium iustum detractare, cohortes  
subducere & acies cateruatim ad Borystenē  
reducere, territi tristi fato Kisielicij; qui pridie  
fortunaē euentum tentans, bis suetas apud palu-  
des leui praelio congressus, mille primo trecen-  
tos, duo deinde millia in acie amiserat, ipse cum  
præcipuis interceptus. In quo congressu Ioannis  
Boratinij, viri acris atq; impigri, tum commili-  
tones animando, tum manu cum hostibus rem-  
gerendo, virtus spectata & laudata. Ingruentibus  
igitur tergo regijs, insidias Moschi struere ten-  
dunt, & simulatione fugæ in planiciem saltibus  
circumiectam trans Borystenē trahunt, rati ma-  
iori cum impressione vadum superātes protur-  
bare posse, qui serio non ausum congredi hostē  
intelligens, effuso cursu consecretantur, inque  
ipso transitu amnis consecretati, extremum agmē  
remoran



remorantur, & cædunt perruptum. Duces autem hostium vado superato & obfesso, prohibere transitione regios, quam liberam dari rogauit Constantinus, & potestatem æquis in locis concurrendi. Hanc illi, medio amne dirimēte inter se collocti, fraude Moscouitica dabāt, à ripa non recedentes, vadari autem alibi haud poterat. Viso itaq; regij hostes citra flumen illi-ci non posse, relictis aliquot leuioris armaturæ turmis, confestim alio in loco pontē è scaphis, tabulis interiectis, super Borysthenem construnt, & primò tormenta cum peditibus traducunt, postea equites hastatos, qui ponte prærupto, eò vti instructi erant ordine, in flumen armati sese conijciunt, & vno tantum vorticibus hausto seu amisso, incolumes nando euadunt, ipsis etiam hostibus spectantibus aut mirantibus. Tum capto properè campo vtriq; Duces acies & signa locant, sole iam exorto & in altū assurgente. Lithuanis dextrum cornu petentibus præerat Constantinus ipse, cum Georgio Radiuillo, Polonis Ioannes Suierfczouius secundarum



darum ambiguarumq; rerum sciens, Aulico verò comitatu Albertus Sampolinus. Hic vt insidias montibus coërceret, ille vt ambiret armis proruentem aciem, ipse vt munia ducis obiret & cunctos forti congressu præiret. Moscouitæ itidem instructi, primam aciem latissimè disposuere, fortissimum & lectissimum quemque in ea locantes, vt omnes regionum ordines armis ambirent, & includerent circum: hos sequebantur tres legiones à tergo, quibus aliquot phalanges, munitioresq; turmæ à lateribus additæ erant. Sic dispositi dum singulariter velitando & singillatim decertant, pugnae generalis præludia facessentes, grandis Moscouitarum intra montes latitantium caterua, subitò à tergo regijs apparuit & instructa acie è monte descendit, vt improvisos pugnaq; implicitos adorirentur. Sed venientes Sampolinus conspicatus, magno impetu, & nec minore animo adortus, initium, sed & felix pugnae ipsius dedit; exin vtrinq; reuocatis è duello præliatorib9, ingentib9, animis & virib9 phalanges cōcurrūt inter se turbanturq; den-



sis hastatorum cateruis, nudæ Moscouitarum cohortes, & strepitus, gemitus, clamor, clangorq; tubarū, cælo toto personabant, namque soli tibicines hostibus quingenti erant, quid fistulæ, tutinabula, sclopetæ & tormenta? quæ omnia in regio quoq; exercitu reperiiebantur. Et pugnatum est aliquamdiu æquo Marte nec incruento, cum neutri cederent, illi multitudine, isti robore & fortitudine superiores; sed cum dilectis scindit Constantinus agmen, equisque maximè acinacibus vulnera ingerit, disijciendo obuios & proterendo iacentes. Tum demum fracti viribus & animo, terga præbuere Moschi, quos equites consecrati intercipiunt, caduntque. Ioannes Czeladinus dū sustentat aciem, suffosso equo delapsus circumuenitur, & capitur cum octo illustrioribus Palatinis, & triginta septem alijs Senatoribus, strenuè dimicantibus. Reliqui copiarum duces, abiectis armis salutem fuga quæsierunt. Direptis ergo impedimentis, cum hostes nullū fugiendi finem facerent, quos ad octo fermè milliaria regij consecrabantur, duces



duces receptui cani iubent, nam pleriq; nocte  
& complures postridie vsque cum captiuis redi-  
ere, consecretantes donec ira & dies permansit.  
Etenim duces aduersariorum, offirmatis ad flu-  
uium Kropiunam animis, prehensare fugientes,  
hortari, rogare, vt locum & salutem tueri, im-  
petumq; insequentium reprimere, si viri esse ve-  
lint, conentur. Et tantam alacritatem suis inie-  
cerant, vt protinus arma verterent in eos, tanto  
ardore, vt tum primùm prælium inisse videren-  
tur, accēdentibus & accedentib<sup>9</sup> ex parte vtraq;  
suis; sed consertis acriter manibus ductores re-  
giorum plus in hortando & bellando valuere,  
quam hostium: quippe qui nunc ipsi ante ora  
suorum ferri, nunc hostē gladio petere, cæde-  
re, ferire, ac fortia facta extollere non desine-  
bant, & effecerant, vt quisq; aduersariorum for-  
tissimus, dum pro salute, patria, & victoria de-  
certaret, interficeretur in acie, regijs partam iam  
victoriam eripi sibi indignantibus. Denique me-  
tu vincente, in fugam difficilem effugio versi,  
quia circumiecta fluuij stagna & paludes, sepe-



vndique abitus; cedunt nihilominus iniquum  
in locum obdensati, angustiasq; cæni perrumpere  
conantur, & dum enituntur, æquis corruenti-  
bus suffocantur, & necantur adeò, vt tota flu-  
entis aquæ gurges, cadentium oppleretur cor-  
poribus & permisceretur sanguine. Clara ea die  
laus parta & antiquis par victorijs, quippe cum  
signa hostium omnia, & nobilium millia duo,  
qui amnem transgredi nequibant, caperentur,  
plebe excepta & illis supra recensitis optimati-  
bus, adhæc equorum millia viginti. Cæforū ve-  
rò in acie, quadraginta millia numerata, totidē  
aut amplius dissipatis. De Sigismundi quoque  
exercitu, ad quingenti viri fortes desiderati, in-  
ter quos & Ioannes Zborouius atque Adauctus  
Slupecius ductores, honesto loco nati. Sed cō-  
plures vulnerati. Cæsis igitur ac fugatis hostib⁹,  
qui pecudum in modum flagris regiones abigere  
in Moscouiam destinarant, hymnisq; & sacro in  
Indiuiduæ Triadis honorem decantato, Con-  
stantinus militiæ Præfectus, captiuos omnes li-  
beraliter ad prandium inuitat, & post multas  
mutuasq;



mutuasque suorum gratulationes, de clementia & lenitate Sigismundi in coram profatus, bono animo esse iubet, & audacter accedere monet, mite & vetustum ingenium reperturos, ad quem eos post mensas, Borissouiam relegat; Qui comiter excipit & pro ingenio benignè habet, quia nouerat Reges, vt fortitudine magnos, ita humanitate & mansuetudine claros vbiq; fieri, etiam & apud posteros olim: neminēq; magnū & laudatum Principem sine istis esse. Quapropter, sacris Deo O.M. ritè factis, Vilnam ipse cū captiuis mouit, Constantino autem illa quatuor equitū millia, subsidio misit, vt recentibus copijs auctus, rectā Smolenscū iret oppugnatū: sed victorię compotes illi, dum spolia legunt, & vulneratos curant, aut recensitis captiuis prędā partiuntur, tardē ad obsidendā arcem & occasione iam elapsa conueniūt, cōmeatuq; consumpto cum re infecta in hyberna redeunt, frigoris atrocitate præssi: ac ni cupido prędæ morā post acies militi iniecisset, cæpta patrataq; expugnationio eandē intra æstatē foret. Basilius autem, qui



tunc Smolensci agebat, clade suorum cognita  
territus, & pænè desperatus, grauitè animo do-  
lebat, se non adesse præsentē & suppetias ferre  
in eo prælio. Fraudes igitur aut vim metuens, &  
simul vrbi Dominæ timens Moscouiæ, vbi the-  
sauri & regia gaza erat, arcē valido præsidio cō-  
munit, & propugnatoribus promissis oneratis  
aut confirmatis, illuc concitus pergit, ne fratres  
quos carcere seruabat, clade illius cognita, im-  
periū occuparent. Quare, timens ne optimati-  
bus aut populo misceātur, captenturue aut ca-  
ptent, suspectos nimie spei interfecit. Mindyk-  
rei verò Princeps Tauricanus, stipēdio in cōmi-  
litum à Sigismundo accersitus, adeò callidè egit,  
vt ne tunc quidē prælio interesset, licet tot lite-  
ris vt tēpestiuè maturaret inuitaretur, sed incon-  
finio Moscouiæ consistens prælij euentū obser-  
uaret, vter autē vicisset, huic subblanditurus o-  
peram suam probaret. Cumq; accepisset Moscū  
prælio & grandi victum esse, interiora imperij  
illius ingressus, Starodubensiū & Wielkolucen-  
siū agros, vastabundus percurrit, singuliq; pænè  
diebus



diebus cum Ducibus Basilij concurrir, prædas  
 pecorū & aliarum rerum agere haud desinens.  
 Tandē cum satis euastata aut peragrata esset illa  
 regio, in qua nihil crudele, fædū, abominandū,  
 in viros, mulieres, impuberes, omisum aut præ-  
 termisum rabiei, exercitū abduxit cū præda o-  
 nusta retrogressus. Et Sigismundus domū reuer-  
 sus, miro ubiq; ciuiū est desiderio exceptus, nul-  
 lūq; fuit alicuius nominis oppidū, ad quod non  
 accesserit omni honoris genere cumulatus: Cū  
 autē Vilnā ipsam ouans introiret, inter cæteros  
 gratulatiū oratores, venēre quoq; & Marianorū  
 ex Prussia ac Liuania gratatum, sed verbis certē  
 tantū, non animo: nā profectō malē habebant,  
 hæc suis confæderatis euenisse. Quare adiectum  
 quoq; erat, cū responderetur illis, *gratā gratu-  
 lationem esse si ex candida & sincera mente erui-  
 tur, sin minus minimè; & callidos peruersosq; im-  
 postores, aut ambitiosos fæderū violatores, à Deo  
 puniri semper, nec in externis successibus felices  
 esse. Aliter cādidas ingenuisq; mentibus euenire,  
 qui Deū, qui fidē reuerentur, hi crescunt, florēt,  
 & perseuerant, cælesti fauore prosequente aut*



*attollente. Cogitarent igitur Sodales & incōmune  
consulerent, sed & re maturè deliberata id face-  
rēt, quod & Deo acceptissimum, & religioni utilis-  
simum putarēt fore, cōditionib⁹ autē non expletis,  
scirent Sigismundum ius suū, armis vindicaturū.*

Et legatis omniū dimissis; suos quoq; mittēdos  
Sigismundus æquū esse censuit, ac in primis, ad  
Pontificē maximum, cui per Nicolaū Volscium  
decem è captiuorū ordine Senatores Moscoui-  
ticos misit; Sed hos Imperator legato creptos,  
classe ex Lubeca ad penates remisit, & quaquā  
modo potuit, Sigismundo obesse aut aut cōtra-  
rius esse studuit. Sed nihilominus tamen, Romæ  
de victoria parta, supplicationes decretæ, & Do-  
ctorū virorū orationes pro Rege ac Polonis ha-  
bitæ, licet & has quibusdā Germaniæ Principi-  
bus, præpedire aut impedire conantibus. Con-  
stantinus quoq; itidē per triumphū Vilnam in-  
gressus, signa & insignia bellica, captiuosq; reli-  
quos Sigismundo obtulit, quorū illa ad D. Casti-  
miri monumentū appensa, isti autem per  
arces dispositi, & Mosco non elibe-  
rante carcere vitam finierunt.




## DE REBVS

## SIGISMVNDI PRIMI,

REGIS POLONIARVM INVI-

ctissimi, virtute &amp; auspicio gestis.

## LIBER SECVNDVS.



**A**T Rex persoluto equitibus stipendio, iussisq; eis ad cōstitutam diē sub signis conuenire, Cracouiā cum vxore Barbara victor in hyberna redijt; vbi dum conuentum edicit, Christophorus Szydlouecius Castellanus Sendomiriensis, qui tūc Viennæ legatū agebat, de amicitia iteranda aut renouanda ab Imperatore agitari nunciat. Is enim quò Carolum & Ferdinandum nepotes, Mariamq; fratris Philippi Burgūdiæ Principis filiam, in altissimo dignitatis gradu constitueret, & opes aut potentiam suam, illorum affinitate firmaret, ad Vladislai  
O amici-



amicitiam animo aspirabat, cui tunc Anna filia erat, & Ludouicus certus ac iam coronatus heres succedebat, sed qui Regni Polonici peruicacem hostem, & Sigismundo fratri infestum, inter necessarios habere (Sigismundo etiam ipso sic volente) haud iustum existimabat, & oblatam conditionem vltro repudiabat. Quamobrem Imperator, aspirante iam Regijs rebus fortuna, cum de se illi conciliando consilium cepisset, per Cuspinianum Viennæ Præfectum, cum Sydlouecio Sigismundi oratore agitari instituit, qui Domino retulit, & excerpta illico parti communicauit, & ipse bonus, vnum idemq; appetens. Nec multi dies intercessere quum oratores Sigismundi & Maximiliani, Budæ apud Vladislauum conuenere, & voluntatis inter se de Principum reconciliatione sententijs sanciuere, vt Sigismundus cum fratre Vladislao Maximilianum Præburgæ dicta die conueniant, & offensionibus oblitteratis saluent, de omnibus quæ ad statum rerum pertinebant coram amicè disceptaturi. Placuit Sigismundo conditio, & maluit excitatas tempestates



pestates, diuina quadam moderatione sedare, quam oppressa Republica, cum discrimine ferro decertare, moxq; curam Regni Ioanni Konario Cracouieñ Antistiti cōmisit, fidei eius & vxore Barbara cōmendata: militie Nicolaū Cameneciū, Palatinū & Capitaneum Cracouieñ. præfecit. ipse autem modico, in pacis amicitiaeq; speciem comitatu ( vix namq; aliquid supra duo millia exceſſerat) sed è præstantioribus familijs, succinctus, ad XII. Kal. April. Cracouia digressus, Senatu consentiente aut concedente, sed compluribus dissuadentibus, Præsburgam venit, anno ab ortu Christi Dei nostri M. D. X. V. à Georgio Episcopo Quinque ecclesiensi & Marchione Brādeburgensi nepote, honorificentissimè Vladislai nomine salutatus, qui ipse appropinquanti, cum Ludouico Filio, ad duo passum millia obuius processit, & magnitudine pietatis illacrymatus, complexū fratrem amicissimè excepit. Quinta autem post aditionem Sigismundi die, Matthæus Cardinalis Gorcinensis cum conciliarijs quibusdam, legatus ad Reges, ab Impera-



tore venit, & paulò Thomas Strigonienſis Cardinalis ſubſecutus, cum Conſtantinopolitano Patriarcha aduenit. Hoſ Ludouic, magna Hungarorum atq̃ue Polonorum frequentia ſtipatus, quo par erat honore proſecutos, aut Regum nomine exceptos in urbem deduxit; cum quibus, dum ſocietatis & affinitatis futuræ conditiones moderātur, Bartolomeus Dux & Dynaſta Monſterbergæ, vt communibus rebus tractandis intereſſet, à Cæſare interea Preſburgam miſſus, in tranſitu Danubij vorticibus rapidis, in profundum abſorptus, nuſquam poſtea apparuit, aut inueniri potuit. Reges verò conditionibus cum legato Cæſareo ſcriptis, admodū cupiebant illū ipſum quam primū videre, velleq; per ſeiſſos agi, quæ de affinitate & cōmuni in Turcam expeditione, agēda eſſent, ſic enim ea cautius meliusq; confici poſſe. Quorū conſilio Cardinalis approbato aut collaudato, idem ſibi quoq; placere reſpondit, & eo ipſo die, ne quid fruſtra tēporis laberetur Viennam proſectus, per nōnullos viros claros, quorū conſilio Imperator utebatur,



batur, illi ipsi renunciauit conuentū interim Auspurgē celebrauit. Qui vbi Regū voluntatem agnouit & suorū sentias, continuò Cardinalem redire Præsburgam iussit, vt aduentu suo celerim nunciato, quæ de pace & affinitate acta erant eruntue, curaret publicis monumentis mandare. Dixerat Cæsar, & Cardinalis reuersus, iterum tractare aggreditur; & facili partiū assensu erectior, pacem æquis conditionibus conficit: paci additur affinitatis vinculum. Anna Vladislai filia Ferdinando Imperatoris nepoti, vel ipsi Imperatori despondetur. Maria autem Philippi Ludouico. Et felix factō Cardinalis, ad Imperatorem nunciaturus, simul & gratificaturus pergit, ac ea ritè obſignata tradit, hortaturq; lætantē (regibus ipsis id postulantibus) vt abire volētes ipsius inuifere velit; sed publicis ille curis distentus aut retentus paulò remoratur. Idcirco Reges diutino desiderio accēsi legatos, (in quē à Sigismūdo Petrus Kmita erat) ad Cæsarem mittunt & orant vt præcipitibus omissis curis, non grauetur secum de ijs, quæ tuta & salutaria ad pacem,



futuramq; affinitatem pertinerent rursus per se agere, & tali societati firmandæ, mutuò & beneuolè consulere, cum etiam ipsi eo insalutato haud quaquā inde abire vellent; diutius verò rebus domesticis euocantibus, expectare nec posse, nec licere. Hæc vt primū Imperator agnouit, mox conuentu dimisso Viennā peruenit, & qui suum aduentū nuntiarent præmissis, solenniterque salutatis, substitit paululū resalutatus è contra. Exin coitioni dies dicta, & locus captus, planicies apertissima inter Burgum & Hamburgum opida, arborq; sub qua esset conueniendū, altissima. Huc primum Reges grandi comitatu perueniūt, dein Augustus Laxendorfo digressus, cum magno Procerū nobiliūq; virorum numero; qui vt primū Sigismundū vno obtutu totum perlustrauit, alacri voce & affectu illicò prorupit, HAEC, DIES, QVAM, FECIT, DOMINVS, EXVLTEMVS, ET LAETEMVR, IN EA. Adhæc Sigismundus: *Faciat Deus, Clementissime Cæsar, faustum & salutare hunc congressū nostrum nobis, toti; Reipub; Christianæ, & prior*  
equo



e quo defiliens exosculatus est Maximilianum: inq; omni colloquio, lætum ac iucundū sermonē iaciens, nō placere sibi de ijs quæ ceciderant aut acciderant, mentionē aliquam facere dixit sed agere de cōmuni subditorū tranquillitate & religionis sanctissimæ propagatione. Postq; mutuos complexus & congratulationes, Maximilianus per Cardinalem Gorciniensem, vti secum Viennam proficiscantur, Reges rogauit: sed metuentibus aut dissuadentibus plurimis, præcipuè autem Hungaris, ne aliquæ infidiæ sibi pararentur in vrbe, Sigismundus, magnis apud cunctos animorū motibus, dixit fidenter se iturū; & iuit; quoq; magis omnem Imperatoris de se suspicionem ac metum adimeret, fratri Vladislao idem faciendum persuasit: quibus postea Maximilianus renunciatis excitatus, maiori honore aut amore Sigismundū profecurus est, quod melior ingenij morisque sui æstimator esset, & tantum fidei ac amicitiae suæ tribuisset, vt se suspicionem, omnes metu, protinùs vno dicto exolueret. Post die eius diei ingredientibus urbē Regibꝰ, Cuspinianus



spinianus Præfectus, comites aut aulicos Regū, quibus cum abundantissimo obsonio, hospicia sunt præbita, numerare iussit, sed pluuia præpediente haud satis rei factum: tamen supra quina hominum millia erant iam conscripta. Qua ipsa in re, Mathiæ Miechouitæ professoris in vniuersitate Cracouiensi celeberrimi, nobile vaticiniū non est omittendum, qui publicè prædixit Sigismundo properè Cracouiam egredienti, ipso tali die & lōge post destinatum, Augustum salutaturum, Præsburgam vbi reges agebant & paciscebantur conflagraturam, mediaque serenitate Viennam intrantibus, nimbū subitò oriturū. Post hæc Reges cum magno & splendido comitatu in arcem conuenēre inuitati, & festo apparatu ab Imperatore excepti, ad quos ipse succinctus nobilitate & Senatu, eleganti oratione, seu vetusta Latinitate vsus excusauit primò, ne, molestè habeant quod domesticis negocijs distentus venire, & se coram sistere aut tam cito poterat, postea de nobilitate generis maritandorum præfatus tēperanter adiecit, quæ sibi videbantur futuræ



futurae amicitiae necessaria, demũ hortatus Reges, vt viribus secum mutuò iunctis, imminenti Barbarorum periculo, in tempore occurrant, ardoremq; in propaganda religione aut tuenda profiteatur. Tum simul & ipse questus est quod per bella interna, & cum Christianis Principibus, laurea sibi eriperetur, quam de veris profanisq; hostibus referre optaret. Et sic eã totã dies in consilijs & tractatione rerum communium consumpta, quã diu deliberato, conclusum, pacem & pacta per Cardinalem confecta, approbare & explere protinũs. Moscum Sigismundo reconciliare, Magistrumq; Borussiae Polonis tributarium Sacramento adigere solito, denique, bellum cõmunibus votis & viribus in Turcam suscipere, atq; in Thraciam ex tẽplò transferre, Die deinde qui Magdalenæ sacer erat. Cæsar, Regibus, Principibus, varijsq; Christianorum oratoribus comitantibus in Stephani augustissima æde, sacris Deo cælitibusq; ritè peractis, medius Imperiali cultu ornatus præsedet, & cuncta in maius extollens per Cardinalem Strigonen-



fem prisci moris imitatione Annam Vladislai, vel  
vni ex nepotibus, vel sibi ipsi in matrimonium  
(omnes enim præter ipsum impuberes erant)  
desponsauit, & Mariam neptem Ludouico lo-  
cauit, simul & Reginam appellans capiti diade-  
ma imposuit. Ex templo verò egressus, ciuium  
plerosq; in honorẽ pompæ nuptialis & aduen-  
tus Regum, equestri dignitate decorauit, non-  
nullis etiam id postulantibus, ab illis eam digni-  
tatem dari, æquo animo tulit, & eorum rogatu  
ampla munera contulit, delictorum gratia aut  
venia quibusdã facta. Inuitatos dein ad prandiũ  
grandi luxu & regali apparatu excepit, atq; adeò  
omnibus qui affuere, abundantissimum epulũ  
præbuit; tum ludos equestres per aliduot dies  
celebres edidit, quibus multi adolescentes ac  
viri Principes certauere, auro, gemmis, serico,  
nitentes; & gaudij, lætitiæ, à viris, mulieribus,  
omni denique ætate, in templis, prætorijs, por-  
ticibus, priuatorumque ciuium domibus signa  
promiscuè præbita: Reges interim ipsi munera  
inuicem amplissima sibi mittere. Inter quæ Sigi-  
smundus



Smundus abacum gemmis & auro cultissimum  
vasisq; omnis generis latè refulgentem, tum pel-  
les sabellinas è præda Moscouitica præciosissi-  
mas Imperatori contulit; à quo inter cætera in-  
uicem sibi oblata, duos celeres equos, vnumq;  
armis auro candentibus indutum, recepit, cum  
voce præuia *Paratum se in ijs discedere, quo ne-  
cessitas Caesaris & occasio iusta iusserint.* Postque  
dies aliquot quibus amore, honore, & obser-  
uantia omni certatum inter eos, Regibus abire  
volentibus, incredibili magnificentia ad Nouā  
ciuitatem (nec procul à Vienna) triduo venati-  
onem epulasq; exhibuit, sed & comitibus hospi-  
cia, cunctisq; obsonia ybertim attribuit; atque  
illic sub discessum in templo Mariæ congressi,  
priusquam currus conscenderent, mutuo com-  
plexu & lacrimis (tales enim Principum in raro  
congressu affectus fieri consueuerunt) diuellun-  
tur, & in sua redeunt. Et Sigismundus ad XV.  
Kal. Septemb. Cracouiam reuersus, atq; miro  
cuium desiderio exceptus, legatos Venetias mi-  
sit, Mathiam Dreucium Culmensiū Episcopū,



Raphaelem Lesczynium Præfectum Sluchouï-  
sem & Ioannem Dantiscum Regni Secretariū,  
vt simul iuncti viribus, Christi Seruatoris nomē  
& numen, irent in Turcas secum propagatum,  
vereq; pietatis hoc ipso præbeant sese assertores.  
Cæterum quia illi finem & euentum belli Gal-  
lici, quod gerebat Maximilianus obseruabant,  
oratores cum re infecta ad Maximilianū primò,  
in Poloniam deinde, ad Regē sunt reuersi, Ioan-  
ne Dantisco Viennæ relicto: qui anno toto cum  
ibi ageret idem retulit quod & ipsi. Cum autem  
Sigismundus Præspurgæ & apud Cæsarē adhuc  
maneret, Scythæ incursione subito in Podoliam  
facta, vicos villasq; liberiùs discursantes, latè de-  
populabantur, & longius, vagati, terrore atq;ue  
formidine cunctos impleuērant populos. Quod  
vbi primū Regni curatores cognouēre, exem-  
plò Ioannem Tuorouium, acrem & impigrum  
virum, obuium misere, cum DCC. equitibus  
hastatis, cum quibus ille celeriter profectus, cū  
cursu defatigatus cōtinuo, Trēboule paululū  
quieti daret, Scytharum millia duo inopinatò  
superue-



superueniens, semisomnes planè inuenère omnes, paucis admodum qui pro statione noctu excubabant, exceptis. Igitur qui per oppidū dispersi somnos sub tectis ducebant, clamoribus pugnantium, vel iam fugientium excitati, etsi rebus suis diffidere cæperant, nihil tamen fortes animos remiserunt; & properè accurrunt, ad tribunum quisque ac Ducem suum, pedes concurrunt, hi verò vt quenq; fors obtulerat, hostibus obuios mittunt & sammittunt, quorū Scythia vbi sustinere impressionē nequit, pedetentim oppido cedit, & Tuorouius vrget cū lectissima equitum manu. Sed vt videt à dextra sinistraque, in campis acrius suos premi, & hostem conari, etiam à tergo inuadere, atq; ab oppido & sæpibus seiungere, suos referre pedem paulatim iubet, ac tota die ad pontē dimicans, transitum fluminis prohibet, & alibi conantes arcet. At Barbarus paucitate regionum conspecta, cū nulla subsidia adesse videt, eò acrius cum suis vrget, & citato equite in regios pedes pugnantes illatus, alios defatigatos capit, alios resistentes



vulnerat, atq; paulo post in fugam actos oppidū  
versus præcipites agit. Tuorouius autem qui in  
medijs hostium pugnabat, cum videt omnia ad-  
uersa & rem in vltimum discrimen adductam,  
aliquantulū se è pugna submouens, confestimq;  
fugientibus præhensatis atque instructis, vt erat  
magnis ausis promptus tanto se impetu cū pau-  
cis è circo proripuit, & proturbauit, vt barbari  
vix primo congressu sustentato in fugam se quā  
laxissimis habenis dederint: & ille celeriter con-  
scensis equis Miedzibozium vsq; consecratur sed  
iam non assequitur. Quorū Princeps postea fidē  
ac operam suam Sigismundo probare volens,  
cum grandi exercitu in Moscouiam profectus,  
agros, vicos, fruges, diripit, incendit, corrūpit,  
tandēq; ab vrbe quatuordecim milliaria reuer-  
sus, suos ingenti præda, hostem metu ac pauore  
plurimo afficit. Idem & iisdem tēporibus regij  
quoque fecēre, ad reliqua belli perpetranda, in  
confinio Lithuanix per loca opportuna disposi-  
ti, cum Suiericzouio Ioanne, campos Moscouie  
persultante, qui inter cætera magna & clara fa-  
cinora



cinora sua, ne segnem militē attineret, Wielkie-  
luki & Toropcū munitissima oppida, validoq;  
præsidio firmata, debellauit & diripuit. Et Sigi-  
smundo à Cæsare nondū reuerso, Barbara vxor  
filiam illi Annam peperit, quam ille post partum  
enixum ægram admodū, & iam anima linquen-  
tem inuenit; inq; suo ipsius gremio cum publi-  
co mærore & vulgi molestia Cracouiæ diem o-  
bijt: quam mirari aliquādo subiit, non & ipsam  
relatam in Diuorum numerum, tā claris testa-  
tisq; meritis, quæ non mensæ aut tori tantum  
consors fuit, sed curarum etiam Imperij parti-  
ceps, & magni ad omnia animi mulier. Iam si  
pietatem spectas; populi verè mater, quæ tenui-  
orum filios dotibus datis elocabat, afflictos à  
fortuna releuabat, bonos prouehebat; ipsa in  
sacrorū cultu mirifica & assidua, atq; supra Pan-  
noniæ hominum ingenia, grauis & circūspecta.  
Cuius exequijs Sigismundus magnificentissimo  
apparatu & regali pompa persolutis, atratus He-  
lizabethem sororem, Friderico Lignicensium  
Duci Præspurgæ desponsatam, in matrimoniū  
locauit,



locavit, quam Ioannes Turza, Vratislauiensium  
Antistes splendidissimè dotatam & instructam,  
grandi comiatatu marito deduxit. Cum autem  
animaduerteret & perpenderet Sigismundus,  
passim Roxolanorum agros à Scythis vastari, ho-  
mines capi, matronas pollui, virgines imminui,  
& nunc etiam minari: vti eos ab incepto & con-  
suetudo deterreret, missis in Russiam sexcentis e-  
quitibus, nobilitatem illius regionis vniuersam  
in armis esse mandauit, & vt imminente pericu-  
lo ad constitutā diem sub signis parati conueni-  
rent. Pestilentia autem urbem grauiter vexante,  
relictis qui & arci præessent, ipse cum filiabus  
Sendomiriam sese recepit, ad quem tunc Ioan-  
nes Lascius Gnesnæ Archiepiscopus è concilio  
Laterano rediēs venit, qui illic pro bello in Tur-  
cas assumendo, & pace inter Principes Christia-  
nos conficiunda, vnus omnium maximè labo-  
rauit, & isto feruore (sic appellare debeo) Lega-  
ti Natiagnomen in concilio meruit, quod ab eo  
posteris successoribusq; ad hunc diē gloriosum  
& solenne mansit. Anno insequenti Sigismūdu  
in Lithua-



in Lithuaniam profectus, cum nobilitatem à  
persequendo Moscouitico bello auersam inue-  
nisset, qui nec militi è Polonia educto persolue-  
re, nec amplius concedere ( sibi fidentes ) stipē-  
dia volebant, ipse etiam illorum voluntati haud  
quaquam refragari statuit, & persoluto equiti  
stipendio copias dimisit, Maximiliani interuen-  
tu pacem conuenire arbitratus. Qui pro ea qua  
Viennæ deuincti erant amicitia, Baltazarū Ede-  
rum vt cum eo de pace ageret, legatum ad Basi-  
lium misit, quem Pantaleon antea missus, ad  
bellum excitabat & in Sigismundum attollebat,  
atq; hīc Baltazarum cum insignibus legati veni-  
entem, multis probris accusatum, vt seipsum in-  
finuaret, rerum suarum à Sigismundo explora-  
torē, non oratorē Cæsaris, venire asseruit. Qua-  
re cōprehensū in vincla dat Basilius, pānas sum-  
pturus, sed quas tamen remoratur, miseratione  
aut formidine similis euentus, atq; ad modesti-  
am flexus hominem carcere eductum, audit,  
rogat, & multa de insolentiā Marianorum & in-  
constantia Imperatoris liberè locutus, conquē-



ritur, inritatusq; cum litteris dimittit. Hic rediens ad Sigismundum deflexit & male acta de se retulit, sed quis tyranni animus, qualesue apparatus illius, minime edocere aut consequi potuit, arctè custoditus, Haud multis post temporibus & Pantaleon cum mandatis dimissus, è Liuania ad Sigismundum venit, sed itidem nihil certi aut explorati habens: modo Tyrannum, legatos ad Regem mittere nolle nunciauit, arces autē amissas recuperare velle. Idcirco Sigismundus spe pacis præcisa & curis Augusti irritatis, cogitare de bello attentius cœpit, & mox milites scribere pecuniam conquirere, atq; omnia parare, quæ expeditioni vsui viderētur. inprimis autē Scythā Perecopensem solito stipendio aut mercede cōducere. sed iste Barbara fraude, vtriq; stipendiarius subsidia vtriq; promittit & misso Basilio sicarios in Russiam mittit, auidasq; legiones quò latior populatio foret, quatuor in cuneos dispertit: triginta miliarium spatium hi ferro flammisq; peruastant, & non sexus, non ætas miserationem attulit, profana simul & sacra lo-  
lo æ-



lo æquantur. Tandem ad Buskum castra metaturi singuli Duces cum suis copijs conueniunt (& horum quisq; decem millia trahebat) & obfidere illud, succendere, excindere, omni nisu conantur. Verùm cum castellanis promunitio- nibus fortiter & strenuè propugnantibus oppi- dum inexpugnabile videretur, suburbio com- busto, ad montes Hungarorum (qui Pannonēs Polonosq; disterminant) cōposito agmine pro- cedunt, saltus obscuros permeant, & liberius vagati sæuissima suppliciorū aut flagitiorum e- xempla, in viros, pueros, ac mulieres edūt, tan- dem regressuri in Tauricam plus quinquaginta mortalium millia in seruitutem trahunt. Sigi- smundus licet parum barbaro fidebat, tamen non adeò truci animo nociturum sperabat, sed leui incursione aliqua, cui equitatus inibi cum Tuorouio agēs satisfacere posset, nobilium ma- nu auctus & adiutus, ideoque Satrapas regni & præfectos vrbiū per litteras præmonuit, vt cauti & parati in tempore suppetiarētur illi, Cæterum isti in opibus magnis, & prosperitate seu liber-



tate deprauati, iussa Principis & minas barbari facile contēnunt, priuatim saltem oblectamenta quērunt, conuiuia, ludos, mulierculas, publicum autem omne decus aspernantur & funditus per accitam lasciuiam euertunt, patrijs bellandi moribus abolitis. Nec erat interea qui publicam pacem, patriæ amore à metu armorum tueretur, aut communē calamitatē miseratus, fines imperij ab incurſu paganorū defenderet, præter Martinum Kamenecium Podoliæ Palatinum & Stanislaum Lanckoronſciū Camenecię toparcham, qui Tuorouio iuncti, octingentos ad Tréboulam barbaros naſti, ad vnum panē cecidēre, prædamq; cū captiuis totam recepēre. Idem & Podhaicijs quingentos, strenuē in ultimo discrimine propugnantes. Et interim Nicolaus Firlei, in re militari clarus vir, & caſtrenſibus diſciplinis ab ineunte ætate inſtitutus cum paucis comitibus ad eos venit (hunc Sigismundus ſub id tempus ducem exercitus Polonici & Magiſtrum designauerat) ac reliquam barbarorum multitudinem illorū equitatu auctus perſequi



sequi instituit, sed imparem se videns (duo enim in vniuersum millia habuit,) non ausus vniuersam prælij fortunam subire, & ducentis tantum qui à reliqua multitudine secesserant occisis, sese in castris continuit, faciùs ducens multitudini & fortunæ cedere, quam suos temerè periculo obijcere. Passim autem voces tunc ferebantur, statum seu fortunam regni immutatam esse ob excessum Barbaræ Reginae, magnæ pietatis magnarumq; virtutum heroinæ. Sigismundus verò post tanta suis popularibus detrimēta illata, ex-templò in Perecopum conquestū & rogatum misit, *cur loca & regiones nihil à se hostile metuentes periurus inuaderet? suaq; perfidia ac auaritia, sanctissima pacis fœdera solueret?* sed ista fallaci voce & vultu. *non iussu suo, sed leuitate & insolētia iuuetutis, quā coercere haud poterat factū,* respondit. Itaq; Poloni vt parum ex fide Scytham viuere viderunt, amplius Sacramento illius non admissio, maiorem equitatū in Podolia instituerunt, cuius mox turmæ aliquot cum Prædislao Lanckoronio ad Belgradum profectæ (quæ vrbs celebris in Scythia & confinio Tur-



carum floret, frequens habitatoribus & regionis caput) complures vicos, paruaq; castella aliquot expugnarunt. Tartarisq; ac auxiliariibus Turcis, ad lacum Vidoue dictum grandi praelio superatis, cum praedà onustà redierunt. Et Moscuscus hisce in Polonia perturbationibus auditis, numerosam suorum manum ad Vitebskū praedatum misit, quo primo impetu direpto & successo, dum per circumiectos vastabundi agros discurrent, nihil sibi reliqui non ad praedam nō ad crudelitatem faciunt, & sacra profanaq; cuncta in promiscuo sunt habita, nobilitate loci illius praesertim absente, qui à Ioanne Kosciégouicio Regionis Palatino oppressi, seu auitis bonis exuti dum ius petitem Vilnam proficiscuntur, & apud Regem, qui inter alias virtutes eximius iustitiæ cultor erat, cum Satrapa litigant, vt iniuria affecti, aliam domi miserrimi accipiūt, hoste fortunas diripiente. Iam & de arce ipsa Sigismundus desperauerat, quæ nec tam cito curari poterat, nec commeatum aut praesidium vllum interea habuerat. Sed hæc tamen fata suo seruata, &



ta, & Moscus, suo malo præssus exercitum reuocat, atq; Perecopensibus opponit, quorū Dux cum octingentis millibus urbem vsq; ipsam Moscouiā populabundus adequitabat. Pugna tandem cōmissa, turbatiq; Moschi millibus viginti amissis in fugam turpissimam consternantur, barbari victores cum præda ingenti in sua reuertuntur, & mox signa erepta ad Sigismundū Vilnā remittunt maiora patraturos sese adfirmans; quod eo consilio fecēre, vt mente illius explorata seu placata in confinio Podoliæ hyemare ad Borysthenem securi possent, qui in æstate bello cuncti occupati, quo se equosue sustentarent, haud præparauerant, nudumq; iam solum bruma tunc appetente, nullam amplius stramentorum aut pabuli copiā in Perecopo subministrabat; & vt tutius ac citius rogata obtinere possent Dux ipse Mindikierei obsidem fidei filium dabat. Hoc protinus Rex cū Stanislao Lanckoronio & Ioanne Tuorouio, ductoribus excubitarum communicat, & vt cauti finibus intendāt & se certiores de omnibus faciant imperat; ad  
hæc



hæc Cracouiensem, Sendomiriensem, ac Lublinensem nobilitatē, arma parare & sub signis cōuenire iubet. Sed Proceres conuentu Mielcij indicto, mille equites conducendos & Roxolano militi addēdos, nobilitatis loco decreuere; quibus deinde Rex Volhyniæ Palatinatū cum Constantino Duce de Ostrog, adiungi edicit. Hæc dum Sigismundus satagit, Perecopēses barbara & Tartarica fraude exercitu quadrifariam diuiso VII. Idus Octob. Podoliam ingrediuntur, & per agros urbium quæ Sigismundo parebant, vastabundi discursantes, vicos diripiunt, prædam rapiunt, oppida succendūt, viros, mulieres, senes, impuberes in captiuitatem trahunt, & quæ talia comitari bello amant, summa celeritate faciūt. Hoc cognito Lanckorōscius, qui cum præsidio partim Cameneciæ, finitimis partim in oppidis statiuā habuerat, equitatum vndiq; suum cum festinatione euocat, & cum Senatoribus Regni per literas cōmunicat, idoneamq; occasionem nactus ad Miedzibozium ac Latouice ex improuiso adoritur palantes; iuuat adhæc nox syderibus inlustris,



inlustris, barbariq; locorum ignari atque iniquè  
congressi, cladem insignem accipiūt, sed in qua  
etiam Roman Dux Ostrogius cecidit, vir & cor-  
poris & animi viribus pariter insignis, artibusq;  
bellicis à tenero vt aiunt vngue optime instru-  
ctus: & Cōstantini nepos dum longius fugien-  
tem persequeretur hostem, sagitta ictus vulnus  
in ceruice accepit. Telorum armorumq; omnis  
generis magna vis Cameneciā perlata, & capti-  
uorum (quorū ingens erat numerus) præstanti-  
ores Vilnam ad Sigismundum missi. Paulus eti-  
am Farurei, dum hostem sub villa Radzinica à  
populationibus arcere conatur, captis permul-  
tis quadringentos acie sternit. Qui verò præda-  
bundi ad Zynkouum cōcesserant, à Iacobo Se-  
cigniouio superati, supra mille equites amiserāt.  
Per eosdem quoque dies Albertus sodalium in  
Prussia Princeps, turbas pro more & ingenio  
daturus, cæpit copias cogere, loca munire, &  
bellum summa vi comparare. eiusq; præfecti,  
populares regios diripere, & mercatum venien-  
tes, contra fædus & decus spoliare. Et demum

R

iunctis



iunctis cum Liuonæ religionis Magistro viribus Samogitiam inuadere parabant. Cuius toparcham vt itidem bello instructum audierunt, reuerſi, per literas factum apud regem excuſarūt, commenti ad effugium, hæc à Polonis ſuis euenire totiesq; cauſam ſoluendi fæderis dari; apparebat mendaciū & argui poterat, ſed magno Polonoq; animo Sigismundus, maluit decipi fidem ſuam quam accuſari. Inter hæc Vladislaus Hungarorū, tardiores ad inferendū Turcis bellum Principes Chriſtianos videns, certis conditionibus cum illis depaſtus, Sigismundū fratrem in eo fædere comprehendere voluit, & vt ad ſe Budam conuentui celebrando veniret & interueniret, rogauit, ſed diſtensus ille curis domeſticis ipſe, Ioannem Laſcium Gneſnæ Archiepiſcopum & Chriſtophorū Sydlouecium Palatinum Cracouiensem legatos miſit, quo tēpore etiam Ioannis Tranſyluania Principis & Barbarę iam deſunctæ fratris oratores è Pannonia acceſſere, ſuper optimatum inimicitias quos ipſe ad diſcordias inlicit & Vladislai odia conquerētes.

His



His Sigismundus. *res Transylvanas ac Joannis ut & olim Barbara viuentis & florentis, maxime cordi esse, nihilq; sibi vilioris illius amicitia futuram ob uxoris* ( cuius ipse mirifice amans erat ) *decesum, modo etiam Ioannes, non eo quã auditur animo, sese aduersus Vladislaum gerat.* ( is enim suasu gentis in bellum tractus, discors manebat & auctis priuatim odijs, arma in Vladislaum parabat regnumq; affectabat ) *cui & reconciliari ac obtemperare quam primũ studeat.* quod quia suo interuẽtu confici posse existimauit, confestim Ioannem Karnkouium, regni Secretarium, ad fratrem ablegauit, vt ira omni & odio deposito Ioannem in pristinam gratiã, pro suo more recipere velit & amore. Cæterum priusquã in iste Budã perueniret Vladislaus magnitudine facinorum illustris supremũ diem obiit; Aestate verò quæ secuta est. Sigismundus pridie Kal. Aug. Vilna cum exercitu digressus, Polociã in Moscos agmen deduxit, Ioanne Suierscouio vt pontes & aggeres humido paludum, & fallacibus campis imponeret, præmisso cum aliquot



peditum lectorum manipulis; cumq; paululum  
subsisteret illic, miserrimâ subditorû conquerē-  
tium nunciâ ex Prussia accepit, quod sodales,  
veniâ quam impetrauerant, iterata rebellione  
corruptâ, mercatores è Polonia per viam bonis  
& deinde vita exuissent plurimos. Ipseq; Alber-  
tus post discessum suum potentia fisus; & tem-  
porum perturbatione confusus, agrestes conter-  
minos tum & equestris loci viros fortunis om-  
nibus passim spoliaret, cederet, incarceraret. Et  
iam nihil quietum aut securum, sed ubiq; hor-  
ror, turbę & strepitus armorum. Rex solita cle-  
mentia aut patientia vsus, Marianos & Albertū  
per literas monet desistere & reponere: Sed nō  
audit. Iubet idem, hortaturq; ad pacem & paca-  
ta consilia nepotem; nec obtemperat, in arcium  
firmitate spem etiam reponens. At Rex vt vidit  
homines palâm iniurios, & fæderum non fra-  
ctores solum sed illusores etiam, vetuit edicto,  
ne sui populares amplius, in oppidis illorum ne-  
gotientur agantue, aut res aliquas in suas ditio-  
nes clâm aut palâm deportent, & qui secus fa-  
xit,



xit, capitale id ei fore. Tempore eodẽ Maximilianus Imperator, fæderatæ societatis pactũ exequi volens, legatum ad Basilium vnà cum Bogussio Sigismundi oratore in Moscouiam misit, qui hortaretur vt datis acceptisq; honestis conditionibus, cõmunem Christianitatis pacem & societatem, contra Turcas firmaret, eademq; quiete, æstuãtem Moscouiam, armis Sigismundi liberaret. Introducti illi, expedire id & decere, pluribus argumentis asseruerũt aut dissuerunt; sed à truci tyranno spreti, cum re infecta discedere iussi. nam in sodalibus spem reponens ille quos in belli societatem inuitabat & inuitabatur, facile expugnaturam Lichuaniam rebatur, ideoq; pacis mentionem oblatam aspernatus reiecit. Quo accepto Sigismundus, Cõstantinum & Suiersczouium duces, cum exercitu in Moscouiam emisit, rebus regni euocantibus Vilnam ipse reuersus, ne sua abitio infestam & infaustram Prussiam insolentiorẽ reddat. Hi autem per hostilẽ, profecti, tota illa regione peragrata, Pskouum vsq; peruenẽre, & pagis castel-



lisq; frequentioribus debellatis. multa boum ac pecorum millia cum cætera præda in sua abegere. Quæ tempestas per agros cognita, agrestes adeò conterruit, vt desertis agellis in urbem sese trepidi receperint, & exercitus coacti, quamvis multò superiores numero essent, pugna detractarent tamen consternati, ad paludes & limosa loca suos cōtinentes: Quorum duabus dissipatis stationibus Constantinus, dum Oposcam arcē receptaculum perfugarum in munitiori & eminentiori loco sitam, strenuè magis quàm feliciter expugnare conatur, fraudâ Motcouitica circumuentus, à fossâ aggeribusq; repellitur, & complures viros fortes amittit, in quæis Andreas Boratinus, equo ac pede iuxta bellator acerrimus, supernè lapide ictus manum cum brachio auulsam amisit. At Perecopenses insidiosî, ne tūc quidem bona fide cum Sigisnundo egerunt, à quo incommilitium solito stipendio adsciti, nō modo cum suis copijs non interuenerunt, sed etiam sub autumnî exitum, Volhyniam, Belzensemq; Palatinatum impunè infestârunt: Horum



rum Achmet Soltanus antesignanus erat, ducis Perecopensis frater, quem grandi pecunia Moscvs à Sigismundo destraxerat. Et Constantinus bruma appetēte, vt nullos apparere obuios hostium exercitus vidit, eductis in hyberna copijs, Vilnam ad Sigismundū, & hic Cracouiam rediit, ad sponsam nouam capiendam & fruendam. Hæc erat Bona Aragonia Ioannis Sfortiæ Mediolanensium Principis filia, quam Hyppolitus Cardinalis Ferariensis, ad XVII. Kal. Maias, grandi comitatu, cum regijs oratoribus adduxit, exceptam primò in Austria per Cazimirum Brandeburgi Marchionem, deinde in confinio Syllesiæ honorificè salutatā per Ioannem Lubranscium Posnaniensem, Erasmi Ciołek Plocensem, Episcopos: Christophorum Szydlouecium, Palatinū Cracouiensem, & Lucam de Gorka Castellatum Posnaniensem. Rex dehinc vrbe egressus, multis bello ac pace claris viris diuersisque oratoribus comitantibus, honorificè excepit, cum & obuiam pedes extra tentorium iuisset illi in equo aduentanti, & cum descendisset, cupidè



pidè amplexus, in tabernaculum primò, quod huic rei laxum & preciosi operis tendi iusserat deducit, postea magna ciuium lætitia ac gratulantium acclamationibus urbem & arcē ingreditur. tum nuptiæ sequuntur, & nuptialis tota pompa, quam multo cohonestauit & celebriorem reddidit felix è Polocia nuncium. Hanc expugnare Moscouitæ nisi, dum circumgrediuntur & obsidone tenent, Ioannes Boratinius, vir militari disciplina, corporisq; ac animi, viribus æquè clarus, sed & rebus gestis maximè conspicuus, in aduersa Borysthenis ripa castra & hyberna habēs, obsessis subuenire aut præpedire oppugnationem properat, sed impeditur à flumine ipse, quod vadari nullibi poterat, conatur tamē & locū faciliorem quærit, & dum non inuenit, cælitus oblatum traducem accipit; Is erat vt in ore & oculis omnium versabatur CAZIMIRVS, Sigismundi frater, quem in Diuorum numerū relatū miraculis attestantibus Vilnæ ad monumentū nunc quoq; miramur. Hic veste candida indut⁹, candidoq; insidēs equo, subito in littore  
apparet



apparet & *me me præuium sequimini* ducem se in  
flumen conijcit, quem mox omnes attoniti se-  
quuntur. quingenti illi erant, loricis pro more  
induti, & manibus hastas gerentes, qui fluuio  
feliciter superato, traducem suam disparatum  
haud amplius viderunt, sed aucti ab omine a-  
nimis in hostem alacriter ierunt, dissiparunt,  
superarunt, Gastoldo cum mille & quingentis  
equitibus in illa rippa suppetiante. Adeoq; hæc  
agentib<sup>9</sup> fauor numinis adfuit & iuuit, vt mox  
fuga & dissipatio hostium, ad eorum adspectū  
esset, & duobus modo regionū millibus, tam  
atrox atq; cruentum conficeretur prælium, vt  
septem in acie cæsorū numerarentur millia.  
Per idem fermè tempus Perecopenses Bogdanū  
in Valachia lacesiuere, & traiecto Borysthene  
ac Nestro, cum quindecim suorū millibus agros  
illius depopulati, auêxere grandem omnis gene-  
ris prædam. Hos ille cum aliqua suorum manu  
& tribus equitatus Polonici millibus, qui fines  
regni curabant, in Scythia vsq; assequitur, pa-  
rumque aut nullo ordine instructos, inopinatò



quitur, sublatis quam maximis clamoribus. Et sonus, fulgor, clamor, tubarum, armorum, bel-lantium, quanto inopinâ tanto maiora effun-duntur. moxque consternati animo barbari, à præfenti & instanti metu fluctuare multi inci-piunt, dilabi alij & transfugere vesperscēte die. Bogdanus autem eximijs cæforum spolijs præ-rer spem victor è pugna redit. Hanc illi cladem dum sub autumnii exitum vlscisci parāt, & agros Volhyniæ auidi infestant, aliam à satrapis Sigis-mundi periuri accipiunt. Constantinus etiam in reliquias transfugarū signo : prorū pendì suis dato, quos per saltus ad Nestrum in tempore occultaauerat, compluribus captis octingentos eecidit. Idem & Ostaphianus secit, impiger atq; inclytus Circassorum præfectus. (Iure hoc sibi elogium vendicat : nam ingētes illi tum animi, tum corporis virtutes inerāt, maximè vorò fir-ma laborum tolerantia, & incredibilis pericu-lorum despicientia; tum audacia summa diffi-cilium inceptorum.) Sub anni huiusiam exi-tum, turbæ seu exitium in Pannonia exortum,

scisso



scisso regno post Vladislai occasum in factiones quas vt Senatus ratione nō Marte iudice componeret, missi rogatu Ludouici, Andreas Tęczy-  
nius Palatinus Lublinensis, & Ioannes Karnko-  
uius Præpositus Scarbimiriensis: sed in Senatū  
dissentientibus inter se optimatibus non sunt  
admissi. Ablegârat quoq; Sigismundus ad Pon-  
tificem maximum, Erasmum Plocensium Anti-  
stitem Raphaëlem Lesczynium Castellanum Le-  
ciciensem, & Nicolaum Bogussium Ducatus  
Lituanie Marsalcum, vt cum cæteris Principum  
Christianorum oratoribus, pro cōmuni in Tur-  
cam expeditione conficiunda agant, quos Pon-  
tifex dimissis ad vnumquenque singillatim ora-  
toribus, per sacra etiam ipsa, & gloriam Euro-  
pæorum obsecrabat, vt pace (quum sola hæc,  
imminetia Christianis mala tollere aut suble-  
uare potest) inter se perenni composita, impen-  
denti barbarorum periculo occurrerent, quia  
finitimam iam Hungarorum arcem, Turcæ sub  
Ludouico, tunc fortè cum Ioanne, Transylua-  
niæ Principe & proceribus regni dissidente, ce-  
perant,



perant, eratque ingens metus, ob summos illorum apparatus nuncios, ne grandi exercitu collecto Hungariam dissentientem & Italiam nihil hostile metuentem, barbara fraude simul inuaderent. Idcirco gloriosissimæ expeditionis huius ducem & auctorem, Sigismundum habere & videre exoptans, Moscum reconciliari illi, quamprimum studuit, ac pro ea re Nicolaum Sõbergium cœtus D. Francisci Monachum ad Basilium misit; quem eundem Cæsar in societatem belli & vocauit & rogauit, ut vel solo rumore confectæ pacis, ac publici Europæorum fœderis, possit insolentissimum hostem, à perniciosis conatibus deterrere. Cæterum legatis è Moscouia nondum reuersis, Maximilianus victorijs & vita Illustris obij, suoque præcipiti facto, fœlix fœderum incœptum turbauit, & ipsos Logios disturbauit.





DE REBVS  
SIGISMVNDI PRIMI,  
REGIS POLONIARVM INVI-  
ctissimi, virtute & auspicio gestis.  
LIBER TERTIVS.

**N**itio insequentis anni, qui  
erat, millesimus quingen-  
tesimus decim<sup>9</sup> nonus, ab  
ortu Christi Dei nostri, BO-  
NA vxor Sigismundi cœpit  
vterum ferre, & circa dies  
iam partioni solennes, ad  
eum in Lituaniā adspirare: sed vetuit ille, ius-  
sitq; in Polonia subsistere, & aduētum suum ex-  
pectare. Iam verò dum properat hæredemq;ue  
Regni (quod vnum in votis erat) parituram spe-  
rat, repperit Isabellam auix nomine appellatā,  
quæ erat filia Ferdinandi Neapoleos. Ergo pa-  
tiente ac partu visitato, & Cracouiæ relicto, dū



pro more cōuentum ordinibus Regni Petricouiam edicit, & iniurias subditorū à Pruthenæ religionis Magistro illatas cognoscit, Ludouici oratores ex Hungaria interuenere, consilium à patruo & tutore petentes, quibus cum mandatis Turcici Imperatoris legatus, quem ille ad fœdus & societatem miserat, sit absoluendus aut dimittendus, quippe, cum Ligij religiosæ expeditionis, morte Maximiliani disturbarentur, & quam ipsius ob ingentes sumptus & hostium viciniam promouere & aggredi haud poterat, Tum, possitne per vicarium fœdere percussio Moldauis, quos interim Turcæ occupare parabant, suppetias ire. Sigismūduſ re cum suis penſiculata, pacem tam potentis hostis non aspernandam arbitratus, siue ratione ab illo dicta, siue & indole nondum matura illius ipsius motus. Moldauis verò quantum liceret & deceret suppetiādum suafit. Et sic hisce legatis dimissis, accessere alij, itidem à Ludouico missi, in quæis & Carolus Monſterbergensium Marchio erat, postulantes in Hungariam mitti Lascium Archiepi-



chiepiscopum Gnesnensem, & Tęcynium Palatinum districtus Lublinēsis, quo persuasum eorū & autoritate patruī Ludouicus posset, arces recipere à Bornomissa & Charlacio retentas, cōuentus autem publici autoritate sibi destinatas & concessas; vti deinde liberum sit senatu permittente in Bohemiam proficisci: Nam iisdem diebus conuentus Imperatorię electioni Francoforti indictus celebrabatur, vbi inter Carolū Hispaniarum & Franciscum Galliarum, Reges, potentes compeditores variè certabatur, & ius fauor, factio comparabantur. Sed peruicit Carolus, cuius festum diem, quo ille Imperij insignia acciperet, Sigismundus à se condecorari æquum existimans, qui suo nomine interessent, legatos illac misit, de regno Bohemię sollicitus, quod procures haud gnaro Sigismundo quam proui in Carolum Imperatorem Ludouico tradidēre; & renunciatus, valdè quidem primò quod se inconsulto fecerint cōmotus, sed excusantibus ijs non modò gratiam & veniam, sed grātiās etiam & laudes. Haud multo post

Basilius



Basiliius bellum in Lithuaniam moturus ipse. Tartaros è Perecopo & viciniâ grandi cum exercitu in Russiam, mercede immittit, ratus distenti Sigismundi statum sic perturbare posse; & conductus inductusq; Barbarus inopinatò superueniens, quicquid inter Leopolum ac Lublinum vrbes Bugumq; amnem interiacet, tumultu ac terrore tanto inuoluit, vt nulla prorsus resistendi, spes relinqueretur; prodijt tamē ex aduerso mercenarius miles, & insolens armorum Roxolana iuuentus, venit & Constantinus multa nobilium manu, inter eos Stanislaus Haleccio Regni Marsalco; & exercitus hostium ad Sokalum affecutus, ipseq; speculatus; vt grandem multitudinem animaduertit (octuaginta millia erāt) abstinendum prælio, quina modo suorum millia habens censuit, nec in aperto decernendum, sed posito in angustijs milite expectandum, donec agmen perfluuium porrigeretur, sic lateribus & fronti modice adsultando nouissimos turbari posse. Cōsiliū prudens & toties vsitatum ac fælix, sed à iuvene & forti magis quàm fortunato mi-



nato milite reijcitur, imo deridetur: permulti enim mordaciter exprobrantes, incusabant illum ignauie & imbelliæ, quasi vincere nescisset, aut Polono militi (ô fatalem insaniam) Lithuania Polemarchus planè inuidisset. Verùm constantissimus virorum Constantinus, publicum bonum, & futurum certamen, quod cum sui fama Polonorum infamia æterna mox decertarunt, prospiciens, conuersus placidè ad eos, per sacra & gloriam gentis rogauit, audire & obedire duci sibi vellent, præliumque potius in insequentē diem differāt, qua Tuorouium cum quingentis equitibus è Podolia, veteranosque suos ex Lituania affore sperabat. Sed cum nec sic desinerent, indignatus, equum inscendit, & egressos è castris reuocare iussit, tum qui & cæteros egressu inhiherent, & prælium quod imperitiā poscebant committi non sinerēt, misit. Cæterum temeritas & vanitas iuuenum (quæ haud diu in laqueos incidit) corrupta institutione ingenua, liberali, casta, & viris fortibus

T

digna,



digna, cernere aut præuidere non poterat, quod non ipsum tantum ferrum hostibus est formidabile, sed multo magis industria ducum & sapientia, disciplinaq; militum & peritia; quæ heu iam nuper obtorpuit in populis olim fortissimis illique omnes usq; adeo incensi ad pugnam erant, ut nec egressi reuocari, nec qui in castris erant, ullius imperio retineri possent. Quod Constantinus ægerrimè ferens; prælij euentum experiri statuit, & primo Polonos præliandi cupidos transfuuium misit, his Roxolanos cum suis veteranis submisit, ipse cum paucis, cunctis auxilio mansit, At ubi ad ripas ventum, Scythæ prælio instructi grandem sagittarum nymbum emittunt: Polonumq; pròdeuntem, vel ex aquis exeuntem non magno conatu è ripis deturbant, & in fugam conijciunt. Erant enim adytus angusti, & accliuēs, idem vligine profunda ad gradum instabiles & procedentibus lubrici, quare facile ab ascensu deijciebatur, hoste superiore è loco propellente & deturbante. Accurrit Constantinus cum suis



cum suis & additis recentibus, hortatur, & clamat, hoc illud esse prælium quod temere poposcabant ingeminando, pergerent igitur, insisterent & optatam victoriam obtinere hoste propulsò properarent, Exarsère animis Poloni, factoque cuneo irrumpunt perrupto hoste: Sed dum in aperto concurrere incipiunt, Prima eorum hastata turma, non satis prospere manum conferuit, & suo lapsu cæteras auxilias amisit: barbari enim oppido eo in loco succensò occupauère circumiecta plana, relicto illo vbi nec pediti iustus nec equiti vllus patebat excursus. Huius itaque ignarus noster vbi barbarum hastis transfixurus, magno impetu procurrit, in fossas celariorum specusque puteorum præceps corruit, & dum enititur, obteritur resupinatus aut vulneratur; auxiliario de tridente, seu eodem malo super eo cadēte. Hoc Constantinus cōspicatus, cum reliqua suorum manu alio in loco Bugum nādo trāsgressus, acrem impressionem facit, & iustæ pugnae more dimica-



re incipit, hastis maximè in denso vulnera ingerens, licet cum paucis. modo suis laborantibus subuenire possit, quos etiam hac è re nouus repente inuasit ardor, & ferro viam sibi licet confusis ordinibus quisque faciunt, pro patria, gloria, & salute decertando. Sed campus qui puluere stabat, impedijt prospectum & triste regijs prælum effecit, nam barbari de improviso veniens clamore & impetu tergis fessorum circumfunduntur, Quos tamen excipit acrius vrgentes & procurrentes Polonus eques, & nec viribus nec animo primo cedit Constantino offirman- te, qui nunc voce, nunc præsentia, sæpe etiam gladio singulis aderat. Sed vis ac multitudo per- ruptit, & Constantinus rem in vltimo discrimi- ne cernens, Deo & fortunæ cedendum ratus, in vicinam sese arcem Sokaliensem recepit, cum eo Haleccius, & Martinus Kamenecius Podoliæ Palatinus, Friderico Herborto acri ac strenuo iuvene remanente, qui vbi plurimùm periculi vidit, illuc intrepidus sese offerebat; & *Hoc lon-  
gè à me*



*cælites auferant, ut fratres commilitonesq; meos pro libertate & religione auita cadentes, deserrere patiar, cum quibus simul & ipse occumbere sum paratus.* Hasta manu correpta, equoq; calcaribus adcursum incitato, in confertissimum hostem illatus acerrimè pugnavit, cui & temeritatis pœnas millenis manibus discerptus dedit; cum quo simul & Nicolaus Firlei, Nicolai militiæ præfecti filius, à paganis confectus est. In eo prælio barbarorum capita, quatuor millia cum humo teherentur numerata, iudicatūq; à rudibus & bellorum etiam ignaris hominibus, qui post abitionem hostium, finitimis è vicis ad spectandum suorum sanguinem conuenerāt, plus ingenium quam vires in ad ministrādo bello valere, & fortunam tum demum dominari, cum prudentiæ & consilio nullus fuerit locus: nam de regio exercitu mille ducenti viri fortes sunt desiderati, complures vulnerati. Sigismundus autem clade suorum cognita, nobilitatem minoris Poloniæ ad arma extemplò conuocat, &



iple vrbe digressus, Sendomiriam concitus pergit, ne barbari præda domum abacta, iterum agros vastatum reuertatur, vt captiuorum quidam retulere: cæterum cognito illi per exploratores Sigismundi apparatu, æstate ea cõquieuere. Basilius quoq; diebus iisdem quinquaginta suorum millibus in Lituaniam dimissis, totã ferè regionẽ incendiis euastauit, & nõnulli Vilnam vsque populabundi excurrerant: verum minùs quàm Scythæ felici sorte: à proceribus enim repræssi, præda omni amissa, grandi prælio vincuntur, & vix pauci in Moscouiam reuertuntur, quanquam notis itineribus regrederentur. Ergo post tempestates, Sigismundus lætus, & ingenti cura liber, festa omnia Cracouiæ agere præfectisq; gratulatus, nihil omittere quod ad læticiam declarandam, & testificandam gratitudinem erga Deum, diuos, diuasq; pertineret. Cui haud multo post ( & brumam iam appetente) nunciatum est Albertum, repentina defectione in Prussia, copias cogere, loca munire, & bellũ summa



summa vi comparare, atq; ipsum Gedanum regionis caput, & emporium Sarmatiæ nostræ celeberrimum, nisi subueniatur in graui periculo esse, cum non furtim iam sed palā infestaret claudibus incolas. Igitur tantam contumeliam minime ferendam ratus, Torunium vbi primū sensit, concitus pergit, & conuocatis regni proceribus, destipendio rebusq; cæteris ad bellum pertinentibus agit, cui & Nicolaum Firleiu Sandomiriæ Palatinum præficit, conscriptis peditem & equitum simul millibus decem, Albert<sup>9</sup> verò, qui loca & regiones passim inuadebat atque occupabat, audito Regem bellum palām edixisse, etiam more militari Fabiano Varmiensium Antistiti vicino, denunciationem belli mittit, & simul oppidum illius Bronsbergam naturali situ & propugnaculis firmam, cura proditorum captam, valido præsidio communit. Nicolaus aut à Rege cum exercitu dimissus, oppidis arcibusque non nullis breui receptis, Prussiæ interiora ingressus; Hollandum vbi Albertus



bertus ipse erat, dimicandi animo porrexit : sed illo inde elapso, relictis interim qui arcem obsidione tenerent, Mariemuedrum seu Quidzinū cum copiis concessit, quod cum machinis appositis & dispositis acrius oppugnasset, Episcopus vrbis deditione facta, Torunium ad regem profectus, & honestis conditionibus depactus, fidelitatis præstitit iuramentū. Fortè per id temporis Leo Pontifex Romanus turbis Prussorum auditis, legatos ad Sigismundum miserat, componendæ discordiæ gratia, quæ si interuētu suo ob temporis breuitatem componi non posset, inducias quinquennales dari sodalibus rogarēt, affirmās operam interea se darurum, vt arbitris vtrinque adhibitis componeret, & pax iam cōficeretur perpes. Sigismundus *pacem se & arbitros non abnuere* respondit, *quinimo illum ipsum causæ iudicē optare, ac se resq; suas omnes authoritati suæ subijcere; sed etiam illud velle, vt sodales secum ex fide, quietè agant, illamque ipsam, maximum societatis vinculum colant & vene-*



*venerentur.* Et mox literas quanquam contra-  
cto exercitu & parata in defectores ultione,  
dandum adhuc spacium ratus, si recenti exem-  
plo sibi ipsi consulerent, præmittit ad Albertum,  
venire se valida manu, ac ni quieti redeant aut  
obediant, vsurum suis modis, & aggressurum  
hostili manu: ne autem tale dedecus in consan-  
guineis & religione accidat, hortari atq; roga-  
re, vt cunctos infamiæ seipsos morti eximant.  
A Principibus quoque Germaniæ, Alberto con-  
sanguinitate iunctis, vt de componendis con-  
trouersis agerent, legati Torunium venêre, sed  
multâ eaque absurdâ postulantes, cum re infe-  
cta discedere à rege iussi, vt qui de industria in  
conditionibus dandis & accipiendis tempus te-  
rerent tantum, quo Sigismundus inopia com-  
meatum per hiberna oppressus, exercitum re-  
uocaret, & Albertus interim sese recolligeret,  
copiasque colligeret; qui viribus imparem se  
videns & celeritate præuētum, fallere per speci-  
em fidei quæsiuit. Sed dum frustra de induciis

V

agitur,



agitur, Iacobus Secigniouius acer & strenuus bellator, centum peditibus ac totidem equitibus sodalium ad Prusmarcum occisis, duodecem præstantiores in coram legatis Sigismundo obtulit. Stanislaus etiam Masouia Princeps ducentis equitibus cæsis, oppida aliquot suo dominatui contermina expugnauit, & Pissiam diripuit. Per idem quoque tempus & Criscius, Nidbog munitiori oppido debellato, præsidium conquirendo commeatui opportunum & validum Gutestadia imponit. At Nicolaus, cui summâ belli cōmissâ, Quidzino arctius firmato Hollandum reuersus circumfedit, & oppido potitus apparatus omnem, ad arcem expugnandam conuertit. Et quanquam hyems præmebat, tormentis tamen æneis die ac noctu quatiebat, & tandem sub ver ipsum cæpit; inde Heiligebeinum profectus cum arce diripit, tum Brandeburgū munitam & turritam arcem, difficili aggressu expugnat. Secigniouius itidē sub speciem vastandi agri, atq; colligendorum cōmeatu-



meatum, it cum manu aliqua Brunsbergam, ac dum adæquitat mænibus, erumpunt præsidarij & pugnam committunt: sed haud magno negotio intra mænia sexcentis amissis repelluntur. Ergo de bello sodales anxij, quod regem milite ac pecunia plus posse quam se intelligerent, etsi diutiùs bellum traheretur à Polonis, veriti ne sumptus ferre non possent, belli moras præcidere quavis ratione cogitant, & mittunt ad Regem Lignicensium Principem cum Georgio Marchione Brandeburgi, fratre ipsius Alberti; quibus ille perhumaniter exceptis, pacem se pro vetere consanguinitate & amicitia, libenter & accipere & dare, modò æqua postulentur, respondit: iussitque pro more diuersoria & quotidiana cibaria non minore elegantia quàm copia præbere; sed quum non concederentur, multa vanè rogata, acceptis amplissimis muneribus, Vratislaviam, atque inde domos quisque suas sunt reuersi. Interim autem ductores equitatus, à Sigismundo ad Nicolaum missi, in Re-



giomontano ac Brunsbergenſi agro caſtella aliquot vno eoſque ſtrenuo impetu ceperunt, & multa egregia facinora ediderunt, Bartenſteino ad Habum expugnato, pluribuſq; excuſſionibus, propè portas Brunsbergæ factis. Quapropter Albertus fruſtra vim à ſe tentari, & omnia aduerſa videns, verba de pace aut deditio-  
ne facere & orare, vt ipſe in colloquium venire, & coram de rebus arbitrari poſſit. Facile impetrat, & Sigismundus, natura inſontes & hoſtes lenis, decreuit oblatam occaſionem fruſtra labi non ſinere, ſodales verò ſinere; licet à vera pietate deſciſcentes. Ideoſque re cum ſuis penſiculatâ, aditum Alberto oranti ſecurum concedit, ſed intra præſcriptos dies Homagiũ præſtaturò, aliter autem nec licere nec decere. Et hæc dum apud regem aguntur, & pacis mentio inchoatur, Nicolaus qui Regiomontem metropolim regionis & religionis arctè circumſedebat, vbi ſodales cum antiquis ſe theſauris tuebantur, iuſſu regio ab oppugnatione deſiſtit; ceſſa-



cessatumque ab infestatione passim. Et Albertus sub speciem pacis, ad Nicolaum egressus & castra liberè speculatus, ut quæquæ maximâ vidit, ad regem se breui profecturum dixit, & cōturbatus animo, molestiarumque pertæsus, multa apertè de reconciliatione & rebus suis cum illo egit: sed cum iam apud suos & in vrbe esset, neçtere moras & exuere promissa suafu suorum visus, qui auxiliarios exercitus breui è Germania sperabant. Et cum morâ illâ, cunctantibus Germanis, (nam & ipsi externas gratias quæsiuere) tempus frustra præscriptum elaberetur, Nicolausque dolum adoratus, acrius & arctius urbem obsidione præmeret, placando ille auunculo & exoluendæ culpæ, Torunium sub fide publica proficiscitur; vbi satis comiter, & regaliter excipitur; sermones inter eos varij & de pace primùm fuerunt; verùm tamen segnius consultò Albertus agit, siue quia nec antè feriò cogitasset. Iamque tempore expirante, iusiurandum postridie facturus erat,



cum ecce præpositus quidam è Regiomonte  
veniens, nunciat Theutunicos exercitus breui  
aduenire, & iam ad Memlum quatuor peditum  
millia classe exposita esse. Quod simulatque  
accepit, extemplò abeundi consilium cæpit, &  
petita à rege veniâ, atq; præsidio, quod redeun-  
tem prosequeretur; protinùs Regiomentem  
pergit, illosque recentes pedites, additis aliquot  
suorum turmis Brunsbergam nauibus mittit,  
quos classis Gedanensium obuia, tanto impetu  
inuasit, vt protinùs omnibus neglectis, semier-  
mes & inermes alij à littore & nauibus diffuge-  
rent, solius salutis memores; Sed ab agrestibus  
iterum turbati, & capti ad Regem deducuntur:  
armorum autem, signorum, & tormentorum  
quidquid fuit, totum Dantiscum cum nauibus  
est perlatum. Rexq; hisce renunciatis extemplò  
copias Brunsbergam vertere, & diligenti opera  
circumfundere Nicolaum iubet, quod eam Vr-  
bem propter loci propinquitatem, maximè op-  
portunam ad Regiomentem coarctandum in-  
tellige-



telligeret. Et tunc vapulare multorum sermonibus regia comitas aut credulitas, cur hominem toties rebellem, & olim multò maiores turbas daturum, non tenuisset, cum in illo ipso velut torre, extinguere incendium surgens potuisset? Sed Sigismundus dimittendum, et si res turbaturum respondit, quia sub fide publica venisset, & se potestati auunculi Regisq; Poloniae cōmisisset; bellum autē præsens uti Deo iuvante, lacessiti suscepimus, ita eodem fautore & adiutore confecturos è sententia speremus. Nicolaus verò soluta Regiomonti obsidione, & exercitu per Brandenburgum ducendo, atq; oppida quæ resistebant cogendo, multos populos ac regulos, partim voluntate partim metu ad se retraxit, commeatuque conuecto Brunsbergam castris bifariam diuisis obsedit, quorum vtraque sub urbem ad mille passus posuit. Et ad primum eius aduentum trepidari ac tumultuari intus quidem captum, sed sodales onerariis Regiomonti celeriter instructis, frumenta, milites, arma, imposueret: &



re: & nullo resistente in Urbem exposuere; clas-  
sis nanque Sigismundo interea deficiebat, &  
oppidani consilio regis antè præcognito, ad re-  
sistendum benè sese cōparauerant, murosque  
viris, tormentis, lapidibus, ac missilibus com-  
pleuerant adeò, vt obsidendi potius quàm op-  
pugnandi viderentur. Ideo Nicolaus lentè op-  
pugnationem agere instituit, & comparata ex-  
templò magna agrestium manu, latoq; extra te-  
li iactum aggere extructo, ingentis magnitudi-  
nis fossam circum urbem ducit, & crebris eam  
turribus communit. Sed in his agendis com-  
plures dies consumpti, ipsaque obsidio in lon-  
gum protracta, nam murorum crassitudo lata  
& alta fossa etiam circumsepta, ictibus bom-  
bardarum haud obnoxia, difficilem habebat  
oppugnationem, quam adhæc præaltum inte-  
rius solum, turresq; crebræ multo munitiorem  
faciebant, & annonæ quæ nauibus haud diffi-  
culter importabatur, ac præsidij affatim in ea  
erat; Interim centum sodalium equites Nid-  
burgo



burgo digressi, villas Masouia conterminas mē-  
tito nomine euastabant, sed cogniti, ab agrestibus & circumuenti, ipso ductore excepto cæ-  
duntur. Dum verò hæc in Prussia aguntur, Scy-  
tharum Perecopensium millia duo, excursione  
per Podoliam facta multis populationibus &  
incendiis; agros atq; aggreſtes circum habitan-  
tes infecerant, donec à Trzebinio cohortis re-  
giæ ductore reprimerentur, aut opprimerentur  
omnino: qui coacto ex oppidana iuuentute  
quem potuit equitatu animosè obuius currit,  
confligit, & affligit; sed in quo etiam conflictu  
Iacobus Strus, iuuenis honesto loco natus, &  
animorum plenus, barbarâ sagittâ trāffixus oc-  
cubuit. Sub idem etiam tempus Basilus Mo-  
scouitarum, legatos, pacem oratum ad Sigis-  
mundum misit, sed eam ille haud pacisci posse,  
Smolensco sibi non restituto, respondit. Ac in-  
terim nuncius, per dispositos equos Cracouiâ  
digressus, natum sibi hæredem & successorem  
Sigismundum AVGVSTVM asseruit: quo nū-  
cio Si-



cio Sigismūduſ lætus, Swierſczouium cum aliquot equitum turmis, Nicolao Brunsbergam obſidēti auxilio ſummīſit, vt maiori atq; intentioni cura ſub auſpiciis hæredis recenter nati, urbem illam oppugnaret, quæ ab illo aſſiduīs tormentorum iētibus quatiebatur, ſed naturali ſitu & opere permunita inexpugnabilis videbatur, modo quod prætoriana domus quaſſata & conuulſa ingenti cum fragore ruinam dedit. Eodem etiam tempore Heilsbergam Varmienſis Epīſcopi ciuitatem Albertus irritō incæpto oppugnare aggreſſus; namq̃ue oppidani ſitu & rei frumentariæ copia tuti, adhæc regio præſidio adiuti, haud ſegniter ſeſe & mēnia ſunt tutati. Idcirco Albertus ab opere deſiſtit, & ſuburbio incenſo Reſlam copias omnes reducit, verū & hanc egregiè munitā videns Raſtembergum haud impunè contendit, Secignioui-  
us enim Reſlani præſidij præfectus in nouiſſimos eruptione facta, ſtrenuo impetu inuehitur, & multos ex hoſtibus aut vulnerat, aut reſiſten-



sistentes cedit. Albertus etenim suos ad prælium cohortatus, vt & dimicarent & progredientur simul propero gradu Rastemburgū duxit, & sexcētis amissis in urbem induxit, omnes summa lassitudine confectos. Idem & ad Barsteynum accidit Iacobo Brosouiecio erumpente, qui ad singulare certamen prouocatus, victor & incolumis euasit, illumque ipsum præliatorem grandis staturæ virum, victum & vinctum in duello, Sigismundo pusillus ipse adduxit. & quid? nisi risum aut ludibrium fecit, ob eamque rem perliberaliter à Rege est habitus. Hoc vlisci Albertus volens Melszak oppidum, tempore quo luna minimè pernox erat celeritate vsus, contra suorum propè omnium sententiam vnico impetu cepit, diripuit, afflixit: Laurentio Miscouio, qui præerat, expulso. Inde lætus & animo auctus Ornetam expugnare cōtendit, quam Plaza & Stanislaus Raduancouius præsidio curabant; & quidem primo oppugnationem atque arma Alberti egregie exceperant,



rant, sed minanti & pacifcenti oppidum deseruere, metu ne territi an auro corruptiū dubiu; infamia tamen ob hoc vterq; notati. Cum autē sub autumnii initium Regi nunciatum esset, validum ē Germania exercitum Alberto suppetias venire, & iam Francoforti ad Oderam consistere, conuentu Vagrouicij ordinibus edicto, maioris Poloniae nobilitatem arma arripere & hosti aduentanti, obuiare iubet quā citissimē, nō enim per id temporis Torunij agens eas copias habebat, quibus posset tantis aduersariorum copiis aut viribus obsistere; & missis, in Podoliam qui pro more contra subitas Tartarorum excursiones, excubarent, reliquos mercenariorum cum nobilitate Pruthenā opponit Alberto, à quo interim Lignicensium dynasta missus, Vagrouicium venerat, & venire se pro pace adsimulabat; sed vt exploraret certē, & mentem Sigismundi cognosceret; à quo comiter tamen & benignē exceptus erat, & ille salutato Rege magnificisq; verbis ornato, cum  
de pa-



de pace componenda agere cepisset, nihil præter Torunij disputatas condiciones dare aut accipere voluit. Quare constanter Sigismundus *se Teutonicis armis minimè deterreri, neque minis ullis susceptam expeditionem deferere*, respondit, *multo tamen optare ac rogare uti Albertus ab incerto in animum inducat, suamq; amicitiam retinere quam inimicitias experiri malit*. Ita ille abit & Sigismundus Schonbergius Teutonici exercitus Magister, Regi Regnoque Polonico belli denunciationē mittit, quam Sigismundus in pleno Senatûs excipiens, *perpetuam sibi cum Alberto gratiam atque amicitiam fore declaravit, si ille iure suo bene perognito fines regni lacescere desisteret; sin minus, ipse animatus esset & bellū pararet: se autē sperare Deum æquum iudicem, unde ius, inde & victoriam daturum*. Et interim Germanus miles, Miedzirzec oppidum in confinio Syllesiæ, tormentorum ictibus triduo quassatum, ac debellatum diripuit, non nullosq; circumiectos vi-



cos paucis diebus euastauit. Cum quo sodales pepigere, vt equestribus præliis Schonbergius certaret, obsidia urbium ipsi capefferent. Quod simulatque Sigismundo, renunciatum est, confestim mille sclopetarios equites, lectos omnes, Posnaniam mittit, vt assiduus procurstationibus Teutonem vexarent statariæ magis assuetum pugnae. Igitur leues isti & equis potiores, plerisque in congressionibus hostem ludificati, qui propter armorum grauitatem vagos procurstantesq; sustinere haud poterant; maximè autem Prædislaus Lanckoronscius & Andreas Teczynius milites Hierosolimitani acerbi fuere, qui turmas aliquot quotidiano prælio, & vagis incurfibus adeo affecerant, aut afflixerant vt omnes penè captos ad Regē deducerent. Quocirca, confecti illi inedia & peruigilio, per No-uam Marchiam, Polonia egressi agmen in Prussiam ducunt; sed rursus ad Vale oppidum turbati, impressionem accipiunt; namque Lanckoronscius dies ac noctes non intermisso itinere, cum



re, cum suis dilectis occurrit, & subito in primam aciem inuectus, inopinantes perturbat: solusque scuto tectus, omnes hostium acies incolumis peruadit, atque ductoribus captum in castra ad suos ducit: cæsi in eò conflictu aduersariorum octuaginta, triginta verò Sigismundo captiui remissi, à quo prouincia pacata omnes dimissi, sed & veste atque viatico donati, quum plenæ essent eorum turres & ergastula. Eadem fors & Ioanni Zarebæ Palatino Califfensi fuit, qui nouissimum agmen moratus, centum quinquaginta equites, pedites autem sexaginta saluis suis omnibus confecit. sicque regiis de industria obseruantibus, si qua benè gerendæ rei occasio sese offerret, per singulos penè dies, prælia inuicem gerebantur, non tamen vt in vniuersum certamen veniretur. Et Schonbergius plurimum referre existimationis suæ arbitratus, hoc initio expeditionis, præclarum aliquod à se facinus agi; quo maiorem de se expectationem concitaret, ad motis vndique  
luce



luce dubia copiis, Kamien oppidum primo aduentu cepit, quo tempore regij vino sopiti (vetus hoc Polonis malum) plerique omnes subreptis somnos ignouissimos ducebāt; tamen clamoribus exciti arripiunt arma, & in Proximum sese tumultum ferunt, sed nec virium nec mentis compotes, hostibusq; conatu magno perumpere adnitentibus, turbanrur, terrentur, & oppido cedunt, curribus, equis, & armis, à missis. At Albertus audito subsidia aduenisse, noluit & ipse in eodem loco tempus absq; vlllo fructu consumere, sed mox partem copiarum lætus è Regiomonte sumit, lectos omnes, sex millia peditum, mille equites, & Helsbergam arctissima obsidione premit; iamq; pars muri ictibus tormentorum quassata corruerat, & oppidanos in summum discrimen adduxerat; cum ecce Secigniouius, magno animo facinus ausus, per medias hostium stationes, cum mille dilectis oppidum incolumis intrat, & defensoribus per mania dispositis, ac misso militari more pro-



re prouocationis signo, Albertum in pōsterum diem ad pugnam prouocat. Attonitus ille, animosaq; audacia viri perculsus, non placere sibi prælium committi respondit, rebus expugnationi necessariis, nondum è toto præparatis, sed in aliud tempus differre: quare nec prouocationis signum Secigniuio remisit. Sigismundus autem ordinum cōuentu dimisso, protinus Bidgosciam cum exercitu mouit, vniuersam prælij fortunam tentaturus, priusquam tantæ Germanorum copię, cum castris Alberti coniungerentur; verum cum accepisset Schonbergium per Pomeraniam agmen in Prussiam ductare, & iam Słuchouiam oppugnare, nihilo sequius ipse in suscepto consilio manens, partem equitatus cum Zaręba dimisit, vt quocunque illi mouerent conatus eorum nauiter frustraretur, Koscieleccio Mariæburgæ præfecto, cum peditatu præmisso ad vistulæ ripas, ne vterque aduersariorum exercitus flumine transmissio coniungi posset, quod summopere sode-



les à se parum validi affectabant. Schionbergius vero aliquot diebus in Sluchouix obsidione frustra consumptis, vt vidit obsidione magis quam oppugnatione oportere ob naturales locorum situs, & firmis munitionibus valida præsidia imposita, exercitu ad Choinice perducto, vna propè excursionē oppidum cepit. Inde motis ad Starogardum castris, cum oppugnationem aliquot diebus acrius arctiusq; fecisset, opidani spe auxilij præcisa, salutem suam & fortunarum pacti, in Alberti sodaliumq; potestatem oppidum dediderunt. Aliquot præterea circumiecta castella absq; certamine sunt recepta; atque inde Tsczouium cum vniuersis copiis, vistulam transiturus, profectus, cum oppidanorum animos præter spem resistentes inuenisset, admotis vndique copiis, oppidum muro diruto per vim recepit, & in prædam militibus concessit, collectisque vndeque nauibus amnem transire conabatur. Sed cum frustra sese niti animaduerneret, propter Kosciëleccij  
vigilan-



vigilantiā, qui tormentis & peditatu validus, in aduersa ripa transitū acriter prohibebat, cōuerso itinere Dātiscum obsidere instituit. Cum autem vrbs eiusmodi foret, vt nec vi nec machinis vllis, sed diutina obsidione tantum expugnabilis esset, clam cum oppidanis colloqui cepit, & de vrbe dedenda pacisci; iamq; in scelus proni ciues videbantur, sed ausa eorum impediuit præsidarius, qui tormenta in hostem ex templo verti iubet, & diremptis colloquiis murum subeuntes lapidibus & pilis summouet; tum & ciues ipsi Polonorum audacia seu constantia affirmati, multos in spem deditiois propius succedentes letho dabant, & quotidianis excursionibus sollicitans, tot captiuos ducebāt, vt quid iis facturi ignari, plurimos in sua dimitterent sacramento adactos. Et sic exercitus erumpentium vigiliis afflictus, annonæ penuria & ceteris ob anni tempus incommodis laborare cepit; vnde & in hominum corpora vulgatus morbus passim sæuiens, complures aut ex-



tinxit, aut longa valetudine afflixit. Sigismundus autem Dantisci obsidione cognita, quo spem & animum obsessis daret, Nicolaum Firleium cum sex equitum millibus, properis itineribus subsidio misit, qui celeriter mouens Tsczouū & Starogardiam in itinere aggressus, primo aduentu in potestatem Sigismundi recepit, & inde per patentes campos exercitum ducens, pugnandi potestatem Schonbergo facere cepit. Cæterum ille, ipsum Regem cum exercitu vniuerso venire arbitratus, in Pomeraniam castris relictis retroagmine processit, siue hoc metu deterritus; ne sibi postea cum vellet discedere integrum non esset, siue in vltimum discrimen, res Alberti atq; suas adducere veritus. Et dum è castris cassis succensis mouisset. Zaręba præsidij præfectus, rei bene gerendæ oportunitatem nactus, cum subita aut solita erumpentium manu in postremum agmen illatus, tantam animis consternationem iniecit, vt nec signa ordine sequi, nec dicta imperatorum accipere,



cipere, vllō modo Teuto perculsus vellet, sed  
trepidā omnes poposcerēt fugam, quippe cum  
non equos non etiam vires integras sibi esse in-  
telligerent. Et Zaręba equo conlustrans cun-  
cta, vt præcipites cedere hostes vidit, insidias ra-  
tus ab iis persequendis suos continuit & Nico-  
laum maiori cum equitatu præstolatus, à ter-  
go obequitabat minirabundus. Quā re Nico-  
laus cognita, sumptis properè armis, cum suo  
equitatu aduolauit, & parte copiarum in abe-  
untes cum Zaręba immissa, ipse Choinice op-  
pidum totis viribus cum reliquis oppugnare  
adortus. Schonbergius autem vt Zarębam vi-  
ribus auctum in se venientem animaduertit,  
suos quoad tuto possent, & dimicarent & pro-  
grederentur rogauit, ipse in extremo agmine  
propugnans ac sustinens, optimi imperatoris,  
& strenui ducis officio fungebatur, hortaba-  
turque suos vt audacia resumpta virtutem fa-  
ctis egregiis ostenderent. Sed metu præua-  
lente Lemburgam sese cum copiis recepit, sex-



centis primo & noningentis secūdo prælio equitibus amissis, quorum centum quadraginta nobiliores, ad Sigismundum reducti. Nicolaus autem ad Choinice profectus, obsidionem quam destinauerat arctissimè habens, nihil remissum aut quietum, apud circumfessos & laborantes finit, qui non minus pertinaciter quam fortiter, diurnos nocturnosq; labores sustinebant; & tandem cum nulla spes auxiliij esset apparerentq; indies difficiliora omnia, scriptis conditionibus se atque oppidum deditere: oppidanis publicè priuatimq; venia data. præfidiarij autem stipendiis acceptis in Sigismundi verba iurauere. quod exemplum & alia à Germanis oppida capta statim sunt secuta. Hæc ubi Sigismundo nunciata essent, nobilitate quæ officij causa sequuta fuerat dimissa, & Zoracino qui è Bohemia accersitus turmas aliquot ductitabat, stipendio persoluto, Brestiam ipse Cuiauiæ ad pecuniam conquirendam reuertitur. Albertus clade Schonbergij cognita iratus & per-



& perturbatus, ipse casum amici vlcisci parabat, & copiis vndiq; coactis, excidio aut exitio Hel-  
sbergensibus futura, summa cura comparabat;  
tandem castris pro loci natura positis, renun-  
ciare obsessis confestim iubet, vt vel continuo  
deditionem facerent, vel se ad extremum cer-  
tamen compararent. Verùm cum & illi con-  
stantes deditionē recusarent, & oppidum mæ-  
nibus permunitum vi capi non posset, obsidē-  
di tationem cæpit atq; in eo pugnabat, vt mul-  
titudinem inclusam fame ad deditionem com-  
pelleret. Cæterùm ea obsidio illi ipsi magis a-  
cerba erat, vehementer enim in castris labora-  
batur inopia commeatus, cum Alexander Mo-  
uius cum ducentis equitibus gregario militi at-  
que calonibus infestissimus esset, & Secigniouius  
ex oppido quotidianis eruptionibus, nihil  
quietum, non diu non noctu in castris sineret  
vt obsessio ipse magis in castris similis esset. Qua-  
re necessitatibus hisce victus, soluta vrbis obsi-  
dione copias Raistembergum reduxit, sed redu-  
ctus



ctus à Secigniouio certè, qui eminèus illatus stragem ingentem in nouissimis edidit, & Albertus ipse ægrè insequentium manus euasit, cum nunc agendo nunc impetum sustinendo subduceret suos. Ergo delectu raptim in vrbe atq; agris circumiectis habito, vlturus nocte eadem ad mænia Helsbergæ accedit, vt sopitis de multa lassitudine vigiliis, vrbem ex improviso adoriri possit: verùm hanc rem Secigniouius coniectura suspicatus, confestim suos ad signa atq; ordines redire iussit, & ipse nocte tota pluribus simul rebus intentus, quid aut sequendum aut cauendum sit, animo continenter agitabat. Et Albertus cum nihil dolo tentato proficeret, attentiori cura oppidum obsidere cæpit, sed pro consueto tamen, quotidiana prælia conferebantur in castris, & ne quietæ quidem à certamine noctes erant, cùm adeò obsidentes præsidarij afflixissent, vt multos è sodalibus ipsis caperent, aut vulnerarent etiam intra munitiones valli. Cum pluribus igitur diebus in ea re agenda



agenda frustra Albertus consumptis, suorum  
labori ac discrimini parcendum statuit, atque  
spe expugnandæ ciuitatis abiecta, Regiomon-  
tem reuerti cum exercitu instituit. Igitur agmi-  
ne composito iter faciens Naumarkum cura  
proditorum capit, & minutiora non nulla op-  
pida diripit, distributisq; per hyberna militibus.  
ipse in urbem reuersus est, vt pellicem suam in  
matrimonium elocaret cum prioribus cœtus.  
erantque iam tunc religiosi atq; obseruandi di-  
es, quibus Christus Deus noster, crucis supplici-  
um pro salute humana perpeti voluit. His ille  
per summū scelus nuptias amasię peragebat, &  
Secigniouiis simul (meo animo hic acerbus)  
cum Ilouio, cædes & clades in popularibus e-  
debat, eratq; fœdissima imago latitantium, fu-  
gentium, eiulantium, virorum, liberorum &  
coniugum, cum ille conuocatis frumentariam  
ad prædam finitimis, quo hybernantes ad ino-  
piam ac famem redigeret agros excursionibus  
vastaret, & Szeburgum inopinato superueniēs

Z

ipso



ipso lætissimo Paschatis die cæso præsidio diriperet. vbi & è sodalium numero ducenti cecidère. Coacta dein aggreſtium multâ manu, frumentum comportari Helsbergam, tutosq; ad locos paſſim iniungebat, ipſe maritimâ per orâ instructo cûm exercitu peruagatus. Quæ res ingenti Albertum dolore affecit, & ob ſummam verè præſertim appetente com meatuum inopiam effecit, vt iræ plenus atq; vlcisci certus, duo peditum millia extemplò Elbingam mitteret, dolo eodem urbem euas turos; iamq; ad portas & muros nocturnis tenebris ventum erat, ſed in poſterum diem iuſſu ductorum certamen extractum: magni enim diſcriminis putabant noctu cum oppidanis, & in vrbe maximæ parti ignota pugnare. Itaque luce dubia intra ſuburbij domus latitant, & portis de mane apertis, magno impetu in urbem feruntur. Tum qui intus erât vt inſidias palàm factas eſſe perſpexerunt, exanimati, quid agendum & cui poſſimum parti aut loco ſuccurrendum incerti,



certi, cedunt quidem primò & turbantur, sed tumultu & clamore excitati è domibus repente profiliunt recentes, & portis ipsis atq; omni aditu clathris ferreis confestim obstrueto, cum ingenti clamore in hostes nuecti, eorum impetum paululũ reprefferunt; omnem salutis spem vna virtute contineri arbitrantur. Eratq; paulò difficilior oppidanis propter platearum angustias pugna, quod & parũ armati & simul multi pugnare non poterant. quare extractum erat certamen ad horam circiter septimam hostibus in arcto strenuè propugnantibus, & tandem terga dātibus, plebs timida è tectis certatim desilire, & aucti animis lapidibus petere, atq; tota vrbe pellere. Per eosdē dies, aliquot maritima castella recepta, pagis & vicis omnino spoliatis; quæ cladium procella, totam Prussiam peruagata, omnium qui Nazaræis parebant mentes, terrore simul & admiratione compleuerat, regisque & exercitus nomen illustre esse cœpit, contra Alberti. qui afflictis ac prostratis rebus



fuis, cum se tot calamitatibus exhaustum cerneret, & popularium iratos ac iam de rebellionē cogitantes animos verebatur, & quo rem suam Schonbergo profligato tutaretur, iam omnino non habuit. Igitur seriùs & intentiùs de pace agitare incipit, ad Principes Germaniæ, opem & consilia oratum mittit; & quibus artibus potest, Regem sibi conciliare studet. Ad quem haud paucis post diebus ab Imperatore & Pannonum Rege, Lignicensis & Brandeburgē Principes missi, veniunt, adeunt, & de pace verba inserunt; & ille comiter acceptis atq; auditis, inducias quadrigennales rogatus dedit, & vrbes quas olim tenuit, nunc etiam habere iure eodem concessit. Atque sic rebus cum Alberto compositis, & tractu omni Prutheno pacato Petricouiam, conuentum indicturus mouit, ad quem Ludouicus legatos auxilium contra Turcas orantes, interea miserat, à quibus eo tempore Alba seu Belgradum munitissimum Pannoniæ propugnaculum obsidebatur. Huic ille  
conuen-



conuentu absoluto, sex equitum millia cum Ioanne Tuorouio misit, dignitatis & humanitatis suæ existimans nepotem periculo quamprimum liberare, atque simul in Podoliam quatuor veteranorū millia emisit, ad repulsandam vim Tartarorum, quos Soleimanni inductu, ob data auxilia Ludouico irati, per Russiæ fines perrumpere sperabat, cum id sine damno & iniuria popularium futurum non esset. Machmetkyrei enim Tauricanus Princeps Nohayscensibus Barbaris finitimis, deinde & longinquis interim subactis longius manus, etiam ad Kazanenses ea ætate porrexerat: & Metropoli eorum sub Basilio Moscouitarum (is enim genti præerat) euersa, venit cum magno & victore exercitu ad fines Moscouitici Imperij, cui & bellum ingētis viribus parabat, è cuius castris quinque pabulandi gratia millia excursionem per Lituaniam facta, Modzir oppidum celeritate nō virtute captum & combustum diripuere, paruisque aliquot castellis & vicis inter Pinskum



& Słuckum impunè vastatis, cum præda onustâ ad suos rediêre. cumque copiis omnibus per oram quâdam finium regni progressi & Okam fluuium transgressi, egressum Basilij, positis ad urbem Moscouiam castris præstolabantur, & signis in aciem eductis, copiam pugnandi per internuncios more militari, & dabant & postulabant. Cæterum ille viribus imparem se videns & celeritate (qua Tartariæ copię sine vlla cōtrouersia facile omnibus gētibus præstant) præuentum, intra urbem suos continuit. Machmetkirey autem cum ad multam diem in armis permansisset, & nulli hostiles apparerent exercitus, tanquam victor mænibus insultans vsq; ad portas cucurrit, Basilium voce compellans & increpans, & tandem vesperscente die, sese cum copiis in castra recepit. Et lōgius liberiùsq; vagatus vniuersam illam prouinciã tumultu ac terrore quatiebat, ex quo omnis generis prædam trahens, ad trecenta mortalium millia in Tauricam auexit. Quibus malis contiguorum  
territus



tërritus Sigismundus, & nec satis sciens quâ vi-  
ctrices ille reduceret copias sollicitus, plurima  
diuersa&que animo agitabat, missisq; qui finibus  
regni intenderent, vel Borysthenem transire co-  
nantes arcerent, ipse cum nobilitate vniuersa  
subuenire paratus erat; Sed primû omniû Con-  
stantino negocium dat, vt dimissis longiùs ex-  
ploratoribus sciscitetur quid agant, & quem  
cursu teneant, & ne Kiouiam petant diligentis-  
simè obseruet. quod si appropinquare ceperint  
nuncium ad se celerrimè mittat. Sed barbarus  
Sigismundi vigilantia cognita, Capham ex cõ-  
posito diuertit, & captiuos diuendit. Moschus  
autem post grandem suorum popularium cla-  
dem, cum nullam aliam tuendi status sui ratio-  
nem animaduerneret, ad regis amicitiam socie-  
tatemq; confugere decreuit, ad quem anno in-  
sequenti Vilnam legatos misit, fædus memora-  
turos & cupientes renouari dextras; Res ad cõ-  
siliu delata. postq; longam disceptationem,  
inducias concedendas censuere omnes, indi-  
gnu



dignum dicens perpetua horum societate uti, qui inimico animo perpetuè in Polonos essent. Itaque dedit Sigismundus quingennales, quas ipse quidem optima fide seruauit, at Basilius minime, ut infra suo loco dicetur. Temporibus fermè iisdem, cum Christiernus, Daniæ, Sueciæ & Noruegiæ Rex per tumultum imperio pulsus esset, Sueuicæ factionis principes ad Sigismundum (qui consilio atq; animo cunctos sui temporis reges anteibat) legatos misere in Poloniã, qui illum ad Regnum capeffendum accerferet. Christiernus nanque regnis intendens, primùm mirè clementem se exhibuit & benignum, etiam liberalem ubi opus, adeò ut refugium & asyllum iniuria aut inopia pressis haberetur, sed mox iam dominationis certus, & noua religione Luteri (quam ille ex antiquis hæreticorum erroribus velut per satyram miscuit & cōfecit, in Deum, sanctos; & Pontificem summum lingua suæ tela vibrans) imbutus aut infectus, retulit ingenium, quod paulisper se posuerat, &

Episco-



Episcopos Senatoresq; Regiæ stirpis omnes interfecit, in conuiuio huic rei de industria parato, ne quis pietatis aut virtutis æmulus superesset. Item Religiosos & sacrorum ministros: Denique in vulgus ipsum promiscuè sæuiit & tyranide oppressit: quare extrusus, in publico odio & infamia obiit. Sigismundus quoque regnum vulgi & procerum iudicio oblatum reiecit, solam locorum longinquitatem execratus, qua præpediente ordinem seruare seu compositè imperare se haud posse dicebat. Suscepisset tamen persuasus à suis si pristinam auctoritatem retinere morbus & senium fuisset, sed concussus liberè recusauit, ne se patriamq; suam nouis & periculosis bellis implicaret. Mirantibus autem & instantibus legatis vt nō illud modo exciperet oblatum, sed alia etiam iure eodē peteret, fines regni sui & dominatus cum laude & vtilitate dilataturus, atq; dein successoribus, vastas terrarum prouincias relicturus; illis ipsis autem vicariū modo cum mille equitibus Po-



lonis præsidio & imperio præponeret. in claram  
 hauc vocem erupit *Non esse dignum regio ho-*  
*nore qui plus suo quam populorum bono largire-*  
*tur, cuius perenne officium est, suorum salutem in*  
*vigilantia sua, nõ in aliena fide sitam fouere, atq̃*  
*oportere assidue vt pastorem ante oculos subdi-*  
*torum versari, & pro salute eorum sincerè & se-*  
*riò cogitare, procurare, & incoram diiudicare.*  
*At quo illi seu provinciæ plures eo curæ maiores*  
*aut metus, quibus inuolidus ego senectâ nequa-*  
*quam satis facere potero, ob tantam terræ ma-*  
*risque inter capedinem, sed hoc vno Poloniarum*  
*regno (cuius directio & tutela desuper mihi cõ-*  
*missa) contentus, vobis populoque vestro gratias*  
*quas debeo ago, quod hæc mihi de vobis haud me-*  
*rito contulistis, & tot regna obtulistis. Igitur his*  
*populus renūciatus Gustauum, nostri Sigismū-*  
*di Tertij (quem & proavi illos animos, imo fe-*  
*licius sumere bellis & victoriis clarum tacitum*  
*multorum est votum) auum, qui ante guber-*  
*nator præerat, ad regnum sustulit & circumfusa*  
*multitudiue, insigne regium capiti eius impo-*  
*suit?*



fuit; Et hic mox pacem post turbas & fluctus  
ciuiles vbique peperit, hostibus etiam foris vi-  
ctis aut repullis. Anno nouo Mechmetkyrei Tau-  
ricanus bellum Zauolgensibus Tartaris magnis  
viribus fecit, sed eo fine, vt victus & vinctus in  
manus hostium ipse veniret & indignantem a-  
nimam, millenis manibus discerptus in alieno  
solo amitteret, nam rebelles illi, à se parum va-  
lidi, auxilia à finitimis Nogayensibus & etiam  
longinquis ad Mare Caspium atq; Hyrcanum  
habitantibus petunt, & hunc locorum imperi-  
tum vastas inter paludes cædunt, fraudibus cir-  
cumuentum ad fauces Tanais. qua tempestate  
Ostaphæus seu Ostaphianus arcis Cercassiensis  
præfectus, olim ad Oczakouiam in prælio ca-  
ptus, euasit, custodibus strage & morte princi-  
pis turbatis. in cuius locum Soleimannus Se-  
detkireium adprobantibus ipsis Præcopo præ-  
fecit, qui imperium ademptus, mox Sigismun-  
dum ad pacem ac societatem etsi pro ingenio  
gentis parum fidam aut diuturuam inuitat, &



auxiliares copias regno, tanquam iuris sui res sit promittit, aduersus quosque Poloniam laceſcentes; oratores collaudati donatiſque dimiſſi. Iſdem diebus Mathias Miechouita Canonicus Cracouienſis, vir multis artibus & in primis Medica clarus, morbo correptus diem obiit, & iſ primus Polonorū annales Latino ſermone typis diuulgari curauit: ſcripſit & de Sarmatia vtraque. Anno eodem Fridericus Daniæ, & Guſtauius Sueciæ, Reges, tum Pomeraniæ ac Meckelburgi Principes legatos ad Sigismundum miſere, vti pro communi Chriſtianitatis quiete, paci conſectæ ſocietatem adiiciat, quam illi inter ſe Chriſtierno extruſo, & regnis ſalubri temperie & particione occupatis firmarunt. Quibus ille. *ſe non eo ingenio, nec tam inhumane eſſe vt ſi quis pacem à ſe petat vel in ſocietatem trahat, eum reiiciat aut aſpernetur, præſertim in tam miſeris atque afflictiſ temporibus, quibus nulla pars Europæ quieta aut concordis. & quibus amici non alienandi ſed noui adiungendi vi-*



*di viderentur, immamissimo Christiani nominis  
hoste Turca, extremum etiam septentrionem in-  
uadere parante.* Igitur vbi de pacis conditioni-  
bus satis conuenit, legati cum bona regis venia  
Dantiscum ad litora maris Baltici deducti, pa-  
trias in sedes remeauere. Paucis postea diebus  
& iam sub initium brumę, Sigismundus Andre-  
am Tęcynium Palatinum Cracouiensem, Lu-  
douici rogatu in Bohemiam ad componendos  
ciuiles motus proficisci iussit, & mercatoribus  
permisit, vti Vratislauia liberę negotientur, qui-  
bus olim facultas adeundi denegata, ingentem  
ciuitati labem atque perniciem, tum publicę  
tum priuatim attulerat, quod non modo in e-  
ius regno vnde maximos fructus percipere so-  
lent, commeandi libertas non esset, sed etiam  
in cęteras sodalium prouincias traiciendi, ve-  
rum edicto sublato vrbs illa iterum reffloruit &  
multo celebrior euasit, à Polonis etiam rursus  
cæptum est Viennam & in Bohemiam merci-  
um causa itari. Æstate quę secuta est, Turca-



rum duodecim millia, cum quibus & Scytharum quatuor coniuncta erant per Podoliam excursionem facta, complura opida & innumeros pagos populabundi exussere, Crasilouiamque ciuitatem naturâ & opere munitam obsedere, sed pluribus suis amissis in fugam cōpulsi sunt. Quo Sigismundus audito confestim ad arma nobilitatem conuocat, currus, machinas, & instrumenta bellica comparat, Nicolao militiæ duce cum veterano præmisso, cui primates & vrbiū etiam dynastæ cum suis se iungunt. Hunc vt venientem Turcæ animaduenterunt, tentatis irritis in oppugnatione omnibus, ne à tergo adorirentur Rohatinum quâ venerant, retrodūcere agmen; quibus cum ab oppidanis denegetur captiuus quidam, ingenti impetu perfringere munitiones seq; inferre vallo nisi, ferro flammaq; minitantur & lacessunt, circumgrediuntur, ruunt: iamque aliquanto magis oppidani laborabant, cum Turcæ comparatis, sulphurei pulueris sacculis, in munitiones æstu siccatas



catas ignem immitterent, & regiones oppido pullos, in templum compellerent, sed Seniauij opera, ingenti suorum cum damno, ex templo sunt repulsi, qui continuè pugnantes obiens, nunc hos nunc illos in prælium acuebat, & fessis recentes summittebat. hi autem egregiè nauata opera, minoribus bombardis atque sagittis, subeuntes barbaros in latera feriebant. plebs etiam è tectis lapidū deiectu atque omnifariam telis petebat. Non destiterunt etiam qui & à rege mittebantur, cæptumq; iter velocius persecuti postremum agmen à tergo aggrediuntur, & turbant, sternunt, atq; infugam effusam conuertunt. Et Ioannes Tarnaius propero agmine per montes profectus, vallis cuiusdam fauces cum exercitu insedit, tum à Komarno, reliquias dissipatorum redeuntes, strenuo impetu excepit, & quidem primò parùm feliciter, sed mox aliter: & non vincit solum Turcam, sed cædit. Transfugas enim Danubium superantes Valachi consectati, plerisque vulneratis reliquos



reliquos omnes cepere: nec quisquam eorum  
superstes euasisset, niitinerē defatigatis militi-  
bus Valachus receptui cani iussisset; Et quam-  
uis parvæ omnino vires à Sigismundo paratæ  
essent quibus tantus barbarorum exercitus re-  
morari posset, magis tamen fortuna quam vir-  
tute decertatum, & audacia quam robore, vi-  
ctoria obtenta erat. Haud multo post Aflam  
Sultanus Ducis Perecopensis frater quadragin-  
ta barbarorum millibus succinctus, per Pocuti-  
am & Podoliam Nestro transgresso & nullo ob-  
sistente vagatus, Leopolim vsque deuenit, & su-  
burbio combusto in ipsius vrbis oppugnatione  
cōplures dies frustra absumpsit, tum leuiter ali-  
quoties præliatus, ad oppidum Mosciska con-  
cessit, castra in loco tuto posuit, & regionem  
totam tumultu ac terrore compleuit. Sigismū-  
dus qui per id temporis Cracouiæ agebat, nec  
eas copias habebat, quibus posset tam celeriter  
& tam numeroso barbarorum exercitui obsi-  
stere, confestim ipse Sendomiriam diuertens,  
cum



cum ad alios passim, tum maximè ad Senato-  
res literis datis, ad Nicolaum Firleium copiarũ  
ducem misit, vti quas maximè posset vires, v-  
bique & vndique colligeret, ac ad se permitte-  
ret, quibus minoris Poloniae nobilitatem ad-  
iungere decreuit. Et coacta raptim aliqua e-  
quitum manu, Leopolim hosti terrori profici-  
scitur ipse & vt fiduciam libertatemque popu-  
landi adimeret: sed pagani non expectato illi-  
us aduentu, citato agmine cum præda ingen-  
ti retroierunt, & magis fugæ similis profectio  
eorum erat. Sigismundus autem cum ad Leo-  
polim assequi barbarum non posset, ipse sibi  
obiratus & sollicitus, conuerso itinere Craco-  
uiam redijt, Optimates autem hostem palan-  
tem confectari, absq; conctatione iussit. Quod  
dum faciunt, præfidiarius Pruchnicensis arcis,  
summo pugnandi ardore incensus, aggreditur  
prætereuntem barbarorum turbam, quorum  
illi paucitate despecta circumueniunt terga, &  
flagris non armis cefos, ad vnum capere volunt,



cæterum in tempore affuere, missæ recentes à rege cohortes, qui pugna implicitum hostem, à tergo inuadunt, trucidant, turbant, & in fugam effusam consternunt, mancipiorum multis milibus receptis. Inter cæsorum corpora feminæ virili ornatae habitu, plurimæ repertæ, quæ Amazonum more phætrea & gladio succinctæ, capitaq; rosa habentes militabant. Iisdem diebus Albertus Pruthenæ religionis Magister, quo à belli curis & nimbis securus esset, in Pannoniam Profectus, apud Ludouicum curabat, vt opera sua inducias, quas quadrigennales dederat Sigismundus, protraheret & tributum eleuaret; sed cum non impetrasset, imò nec amicè reciperetur (purpuratorum enim nullus ad eius adspectum aut in curiam ingressum, subblandientes Sigismundo, honoris ergo consurrexit) Regiomontem, animo perturbatus reuertitur, & deiecto per summum scelus monachali habitu, nouam (& nec colore vllò veri tinctam) Luteri hæresim amplectitur, qua infectus ipse,

non



non sodales modo pronos aut iam præparatos, sed magnam etiam aut maximam Prusiæ partem, his non vanitatibus sed stuporibus etiam oppressit, à quibus contigui mox Liuvones, Casubæ, Pomerani, & plurimum Curlandiæ dogmata morum & sacri huius nebulonis accepere; sed & intra Poloniam ipsam exoticis moribus aut erroribus imbuti, hodie etiam deliria hæc delirant multi. Anno quoq; eodem à Stephano Valachiæ & Barmino Pomeraniæ, Principibus, legati venere; miserat ille amicitiam ac foedus memoraturos, & cupere oratoribus, itum tutum in Moscouiam ac reditum: iste, ad nuptias Regem honoris gratiæ inuitaturos & petere pro veteri amicitia & consanguinitate contra Ioachimum Brandenburgii Margrauium auxilia. Cum priore foedus renouatum, sed missio in Moscouiam denegata, posteriori auxiliâ promissâ & legatus ad condecorandâ nuptiarû solemnia datus. Vere nouo appetenti ingens tumultus & rebellio Dantisci orta, cum magi-



stratus prauæ & nouæ Religionis titulo populum cōcitatum, demulcire nullo pacto potuisset; quinimo consules ipsi potestatis infulas (dū excitati aduigilant) deponere coguntur, in locum quorum noui è coniuratorum turba substituti, templa, altaria, sacerdotes, prophanarūt, spoliarunt, oppresserunt, & nec corpora solum, sed & animos: clamorq; ac ira, passim in catholicos & veros Religionis cultores, Tandem rerum & voti potiti, nuncios literasq; ad Regem mittunt, fidem promittunt, & nouam religionem approbant, aut Scripturis cōmendant. Re Sigismundus audita mirari & excitari; Et ne per religionem aut rebellionem Alberto iuncti, cæteros è mari remotiores in belli societatem trahant, cum decore ac modestia respondit, & legatis præsentibus, quam indignationem animo conceperat, dissimulanter tulit. Albertus enim cum cupidine agigaretur nouarum opum & imperij, patrimonij vt dicunt Christi & Ecclesiæ in se conuersis, hanc religionem nouam & am-

bitio-



bitioni suæ oportunam, omni ope tuebatur & in populis promouebat, Iam autem Gedanensium auxilijs atq; opibus suffultus, per titulum religionis ( quæ licet indecora & futilis sit, mirâ tamen & firmam vim retinet in se, vt semel animis impressa genere & solo diuersis vinculum atq; firmamentum præbeat ) quas turbas non daret? Idcirco nullum tempus pestiferis consilijs eius exequendis aptius existimans, quæ Gedani accidere, quanquam acerba, tolerabantur tamen; cum ecce Albertus, Henrici Ligniciæ & Georgii Brandenburgii Principum suadâ, tum quod & subditos in regem inclinantes cerne-  
ret, se cum arcibus & populis in Regis fidē permissit; cum lege, vt eum Regiomontis Principem faciat appelletque de instituto Prussiæ Ducem, sed & iura omnia libera sibi, liberisque aut successoribus ( nam & vxorem apostata duxerat ) dominanda tradat, quoad de stirpe hæredes promanabunt; Facile, etsi iniquè impetrat & Sigismundus ad se venientem amplexus, in-



columem ducemq; gratatur; tandem benignè  
adatus, monet, vt fidei & consanguinitatis me-  
mor quieta atque honesta consilia, peruersis ac  
parum decentibus anteponeret, inprimis autē  
constans in orthodoxa religione permaneret.  
In Circo dein Cracouiensi suggestu conspicuus,  
de more Polonorum regum in verba iuratum,  
& vexillo donatum, ingenti omnium assensu  
Prussiae Ducem, per Cancellarium pronunciat.  
ac tandem aliquantum mutuis ac gratis extra-  
ctum sermonibus in sua dimittit. Et sic per eum  
recusatum diu & excussum aliquoties iugum,  
Regiomontana Prussia vltimo (& vtinam su-  
premo) accepit. Hæc vbi Dantisci vulgata sunt,  
turbatores qui Alberto clam fauebant ingens  
metus inuasit, atq; à proposito abscedere quie-  
tos coegit, quia quem tutorem & ancoram suæ  
factionis sperabant, eum breui mutatum, ad-  
herentem & amicum regium cognouerunt.  
Quare è Senatu nouo cum muneribus mittūt,  
qui apud regem factū excusent & religione lau-  
data



data iram illius oratione mitigēt: Eos ille vt humaniter excepit, ita datis mitibus responsis benignè dimisit. Et vix hisce absolutis, alij abrogati Senatus, accedunt; qui rem denarrant, eius ordinem & scelus turbatorū totum, cuius simul illum ipsum iudicē & vindicem poscunt. Tum Rex re cum primatibus collata, differt in suum aduētum, & vultu atq; animo composito profatur *Vos vicem meam vt capistis functuri in urbem vestram redite, & observate ne quid incommodi ciuitas in curia vestra patiatur. Nam reduci mihi, si Deus annuit, stat hanc causam cognoscere, vt ditionis nostræ populi, communi tandem & exoptata quiete, perfrui possint; maximè autem omnium mihi gloriosum existimabam exhaustam & attonsam continuo cladium isto ferro Prussiam, altissima pace condecorare, atq; tot calamitatibus defessæ ubi vestræ requiem dare.* Hoc autem fecit eo consilio, vt his reuersis turbidos rebellantium animos, à belli consilij ad pacem retraheret, nam mouerat & pænè perculserat cum ostentum siue prognosticum futuræ



turæ turbæ, tertio nonas Februarij visum, cum quinque soles hora diei quarta, in medio cælo distincti conspicerentur. Per eosdem dies legati Pontificis maximi (Clemens septimus is erat) mitram Sigismundo præciosissimis vnionibus distinctam & gladium benedictum obtulerant; qui præstantia facinorum eius attonitus, æquū esse existimauit, mittere qui ei suo nomine de pace ac victorijs congratularentur & benedicerent. In Scythia verò Perecopenses, suo Setkireio vt imbelli (quod in Turcia educatus mitis ingenio, minus ferocitatis haberet) & parum felici expulso, Oslamsultanum fratrem substituere, sed Turca virium & ingenij illius gnarus, tertium fratrem Sedetkireium ignauum & altioris cogitationis non suspectum præponendum putauit. Quod vbi Oslamsultanus sensit, & monitus est, ad Sigismundum nostrum confugere decreuit & rogauit, vt, si aliqua à Turcis procella immineret, licere sibi ad Borysthenem cum septingentis millibus castra securè metiri; & fra-



& fratrem cum exercitu inimico sub suis auspicijs præstolari, quoq; ab eo promptius atq; enixius adiuuaretur, sese totum in eius fidem & tutelam dedit, & vt amicos eosdem atq; inimicos vterque haberet in filium adoptari postulauit. Annuuit Sigismundus, & ille fratri nihil indultum velle, arma & manus suorum spectare & implorare aduersus Turcas; sed primo hunc, impedimento futurum, è medio vult sublatum, ne militibus aut populo misceatur, capteturue aut capter, qui elapsus, ad Turcicum Principem confugit, & bello sese itidē accingit. Sigismundus autem tempestate ea Carolum V. Imperatorem, cum Francisco Galliarum Rege conciliare studuit, vtriusque gratiam promereri cupiens, & volens concordia illorum, magnum illum & infestum Christianis Soleimanum à bello Hungarico deterre, atque illi sese cum reliquis, pro religione opponere, quos per legatos magnopere animabat & hortabatur; sed frustra id surdis occinebatur. Imperator autem



probitate Sigismundi delectatus; torquem ei  
preciosi operis, cum insigni Aurei velleris misit,  
grati animi symbolum declarare volens. Anni  
huius exitu Sigismundus comitijs Petricouię ce-  
lebratis, in Prussiam Dantiscum profectus, vt ad  
vndecimum Kal. Mart. Margæburgæ substitit,  
accepit Ioannem vltimum Masouię Ducem,  
veneno à subditis esse sublatum, post cuius de-  
cessum Masouię ducatus, qui seorsim diu luxit  
splenduitque velut radius rediit ad suum solem  
Poloniam, cuius res Sigismundus agēs, Margæ-  
burgæ aliquantum moratus; donec Gedanen-  
sium, qui in nonnullam de eo suspicionem ve-  
nerant, in se animum exploraret, idq; suasu Phi-  
lippi Bischow ciuis Vrbis, & Regiæ maiestatis  
obseruantissimi, qui ingenium operamq; ad co-  
ercendum offerebat: & Rex in magnis quibus-  
que rebus utebatur. Et quoniam vt diximus su-  
spicio ciues Gedanenses ceperat, ne eo animo  
aduentaret, vt eorum statum atque opes immi-  
nueret, de qua quidem re ingens rumor ob va-  
nas &



nas & falsas quorundam epistolas vulgo increbuerat, dispositis illi, per opportuna quæq; loca tormentis, claustra seu fores portarum reserarunt, & disiecerunt, vt mutuo sese periculi tempore, vrbes muris distinctæ iuuarent; Sicq; ad certamen aut tuitionem potiùs necessarijs præparatis, aduentum regis præstolabantur, ac præmissis qui post gratatum ei in Prussiam aduentum, ipsum in urbem suppliciter accerferēt. Sed antequā ille ingrederetur ipse, primò Christophorum Sydlouecium, Andream Tęczynium, & Lucam de Gorka insigniores satrapas, cum aliquot militum turmis immisit, vt quænam eorum esset mens diligenter scrutarentur, & hortarētur ciues constanti animo in fide Polonorum Regum persistere, eorumque gratias promereri, quam inimicitias experiri. Ac tum primùm consciij seriò trepidare & mussitare, quo vultu aut verbis Dominum exciperent dubij; cum iam in Vrbe præmissorum tot cohortes essent, quot ante Regis ipsius aduentum ad



urbem excindendam, aut affligendam facile sufficerent. Sed eleuarunt immisi optimates, feruida & ad rem apposita oratione, *quod iudicium aut animum cum fortuna non mutarent, Tentamēta reicerent, rebelles refrenarēt, & cunctis hostibus Regijs sese fortiter opponerent. Quā ipsa tali in populum Polonū propensione, obedire Clementissimo Regi, & consentientes esse, nunc quoq; & debere, & decere, qui cum ceteris provincijs & subditis, tum maxime huic, atq; Vrbi vestræ, tot procellarum malis attritæ & afflictæ desideratissimam quietem exoptat.* Erekti itaq; & affirmati à cōcione omnia ad magnificentiam ingressus pertinentia, quæsitissimis honoribus instruxerant, plateas aulæis, tabulis, frondibus, sese quisque vestibus exornauerant, & quæ tanto hospiti conueniebant diligenti cura parauerant; Legatos etiam iterum, (inter quos & Ioannes Scholc Luteranæ factionis primarius, erat) misere oratum, vt de more Regum Polonorum subditam & fidelem urbem inuisere velit.

Fecit



Fecit Sigismundus, & legatis benignè dimissis, Tsczouo protinus mouit, aliquot hominum millia in suo aulico comitatu trahens: & urbem ingressus, iubet fores portarum cardinibus suis adfigi aut reparare, tormenta per muros disposita seruare & clauēs urbis ad se deferre. quod cū nō præstitissent, in iram serio datus, seniores & primarios in domum prætoriam conuocat, & perconctatum Petrum Kmitam regni Marsalcum mittit, qui indicto silentio multa de regū præcipua virtute clementia, & Sigismundi comitate præfatus, finem orationis hisce rogationibus fecit. *Estisne o Gedanenses sacramenti Regibus & populo Polono præstiti memores? Suntne à vobis officiorum munia regi, vestro debita exhibita? Et retinetne in vrbe vestra pax atq; iustitia suum vigorem? & mox ab omnibus acclamatum. Factum & præstitum quidquid à fidelibus subditis debitum erat, facieturque pro illius honore & maiestate quodcunque fieri mandauerit.* Tum ille adhærescentes Regi in



dextram secedere iubet, aduersantes in parte le-  
ua manere, sed pauci mansere, futura enim vo-  
lutantes dextram appetunt plerique: quos Mar-  
salcus fidem stipulatos & collaudatos à concio-  
ne dimisit. Et interim Albertus Prussiae & Bar-  
minus Pomeraniae, Principes, & vterque ex so-  
roribus nepotes, grandi comitatu, salutandi  
gratia, ad Sigismundum accessere, quibus pro  
more amicissime exceptis, obsonia & diuerso-  
ria regali & sueta magnificentia praeberè impe-  
rata. Primatibus dein Prussiae nonnullis aduo-  
catis Rex ipse pro tribunali sedet, & Magistratū  
urbis, abdicatae potestatis insignia resumere, at-  
que rerum nouatores criminis postulare iubet,  
Ac primò accusatur ex cōposito Ioānes Scholc,  
totius factionis aut mutationis auctor, & noui  
illius Senatus Praeses, qui quietis rebus notarius  
publicus erat: hunc Rex monstratum audit, &  
indignatur & dolet, hoc in suo solo & ex infima  
plebe quenquam ausum, quod toti Prouinciæ  
arduum videretur. at ille animosè loquitur, se



excusat, vulgum, cuius consensu aut iussu factū, accusat, & Deum testem super fide dictorum inuocat. Tunc Philippus è medio magistratus :

*Heus tu vir bone, quis primum conscensa in templo cathedra dogma seu veriùs hæresim Luteri promulgauit ? quis sacra & altaria templorum ornamentis spoliauit ? quis renuenti vulgo gladios, rotas, & furcas in medio foro terrori proposuit, aut Senatum vrbis immutauit ? Hæc tu flagitia in alium verte, & non absolutus modo sed collaudatus etiam inde abibis.* Damnatus rubere ad ista & stupere. Rex autē *Ad querelas quas super te desert : quid agis ? & refellis ?* Vacillat, perplexè loquitur, negat aliquid & annuit id quæ iterum vulgi consensu ; qui in Circo reclamant ingenti voce. *Nos inscij turbarum, iussa tantum obedire parati, ille ipse peccauit praua & priuata ambitione sua* quò Sigismundus audito, & ex vultu ipso ac sermone culpam suspicatus, virum cum aliis XIII. capitis damnat, reliquos verò patria pellit ac grandi pecunia multat.



stat. Tum ornamenta & instrumenta sacrorum conferre, altaria erigere, sacerdotesq; diuina munia obire protinus iubet. Et sacris Deo O. M. rite decantatis, nauim cum illis ipsis principibus conscendit, littus maris pernauigaturus, cuius oram vniuersam, cum vrbe Lemburgensi, Georgio Stolpēsum Duci nepoti donat, reddituram mare in successoribus deficiente. Rebus itaque Gedanensium Sigismundus compositis, adeò Borussos terruit & quietes continuit, vt nec verbo diu refragari ausint: ipse autem sub medium æstatis Varsauiam metropolim Masouix moturus, (quæ sibi post Ioannis exitium iure Caduco acciderat) Magistratum & omnes Gedanensium honestiores ad se vocat, ad pacem & quietam consilia hortatur, & immunes suisq; legibus viuere permittit. Inde in Cuiauiam & paulo post in Masouiam perrexit, atq; pro ea amicitia, quæ illi cum Ioanne fuerat, & pro officio, quod suæ ditionis populi sibi euenirent, magnificentissimo funere ei iusta per-



Ita persoluit, receptoque à nobilitate & optimatibus fidelitatis iuramento, sub autumnii finem Cracoviam rediit, in magna salutantium & congratulantium turba. Quo tempore Ludouicus Hungariæ & Bohemiæ Rex ad Mohatium grãdi prælio à Soleimanno superatus occubuit, in palude equo super eum corridente suffocatus, cui Sigismundus mille quingentos equites cum Leonardo Gnoinio, pro tempore auxilio miserat, maiores mox submissurus copias, cæterùm Soleimannus Sigismundo obiratus, quod æstate superiore non contemnendum Ludouico equitatum miserat, Tartaros in Podoliam immisit, vt statum Sigismundi Roxolanos vexando perturbarent, ne à belli curis vacuus Ludouico suppetiatum (vt per legatum Dantisci orauit) veniret; Et effecit, quod qui Ludouico subsidio missi fuerant, coacti sunt cum Tartaris in Podolia decertare. Gnoinius verò vt in castra ad Ludouicum venit, & mandata Sigismundi exposuit ( quibus eum ad pacem &



mitiora consilia hortabatur) statim exercitum illius & hostium speculatus; suavit, ne tot seculis partam Pannonum gloriam, vnico die & prælio, ipse indiscrimen adducere velit, sed vagis primum procursationibus euentum probaret, tum quot diligentius adhuc hostium castra & loca exploranda videbantur, tum quod fessos continuatis itineribus milites recreari oportebat, nec enim visum illi erat dimicare eo die & loco, qui à puero militaribus disciplinis instructus præuidebat cruentissimum, & atrox futurum prælium, quia & sui nondum conuenissent, & Pannoni ipsi discordes, fatali æmulatione inter se certarent. idque adeò exasperatis aut pertinacibus odiis, vt vix ad manus inter se relictis hostibus non veniret. quæ res etiam victoriam parti illi dedit. Cumque iam vniuersi certaminis fortunam subituri castra in conspectu hostium posuissent, iterum Gnoinius Regem indignabundus adiit, & monuit patrui sui nomine, ne copiam pugnae cum

tantis



tantis hostium viribus in aperto faceret, sed intra munitiones castrorum sese ad tempus certum cōtineret, donec Ioannes Veidanus, quem propè iam esse, cum decem Transylvanorum millibus dicebant, castra sibi coniungeret, & Constantinus à Sigismundo, cæteri que auxiliares Polonorum Palatini cum suis turmis aduenirent. Sed Pannonες facta maiorum facilius quam sua ostentans, iuuenis regis animos pietatis specie attollunt, & aciem pro castris pertinaciter instruunt, tanquam vno obtutu cuncta debellaturi, cum tamen victoria non in hominum virtute, sed in Dei consilio & moderatione cōsistat. Et pugna cōmissa Gnoinius promptus inter tella occurrat fugientibus Hungaris, increpat signiferos, & monet cum pauculis Polonis honestè pro patria & religione mori: neq; sic hortando aut præhensando fugientes prælium omisit, donec caput tormento ictus, seu à Turca decollatus (sic plures volunt) caderet; Cadauer eius à Polonis cognitum honesto &



militari more inibi sepultum est. Tartarorum autem sex & viginti millia sub tempus idem, excursionem per Podoliā & vicinas Prouincias ( volebant enim iussu Soleimanni aditus in Hungariam Constantino præcludere, aut impedire ad tempus, donec illic debellatum foret) facta, magno cum terrore incolarum, prædabundi vagabantur, donec Constantinus cum copiis appareret obuius, qui vbi primum hostem aduenisse accepit, mox conuocatis in campum qua iturus erat veteranis, citato gradu palantes persequitur, & hyemante nocte qua nix multa ceciderat, vestigijs vniuersi exercitus depræhensis improuisus ad Caniouiam assequitur, tantaque celeritate aut impetu adoritur, vt ad capienda arma spacium non sufficeret eis, Pauci qui pro statione instructi erant, illius impetum exceperunt, sed in his perrumpendis nihil contactum, quos illico circumfudit eques, illis etiam qui in castris erant equorum vsus vel nullus, vel exiguus erat, terrore enim & tumultu completi, sine



ti, sine ordine, sine imperio, prout cuique ratio vel animus suppetebat, discurrebant. Et Barbarus ipse conscenso celeri equo, nunc singulos, nunc vniuersos, adire, hortari, rogare, ne tantam sibi contumeliam in castris inferri paterentur, aut turbarentur, sed sustinerent, & bono aut forti animo tantisper ferrent, donec arma totis expedirentur castris. His erecti aut excitati illi, nec viribus, nec animis primò cedunt, licet plurimi pedes agant, & fortissimum quemq; extemplò instanti regio opponunt, atque inconditam multitudinem cogunt. Et iam variante fortuna regios premere caperāt, cum Constantinus cladem Sokaliensem vlcisci paratus, strenuum quemque ac fortem, vbi magis opportunum videbatur adesse imperat, & ipse nunc hos nunc illos, pristinae virtutis admonendo, ante ora suorum stricto gladio volitat, ductoresq; turmarum ipsi, militum animos confirmare & excitare, spe, præmijs, gloria, non desistebant. Et dum neutri cedere volunt, Con-



stantinus factō cuneo suorum, quos ad belli difficillima parauerat, qua magis pugnam confer-  
tam videbat illatus, scindit protinus agmen,  
equisque maximè vulnera ingerit, quorum pe-  
ctoribus obteriti pedites in fugam consternan-  
tur omnes. Horum phalangem magnam, præ-  
fidiarius ex arce Skokowka egressus, circumue-  
nerat ante, & audacius exultantē strenuo con-  
gressu disiecerat totam. Et sic Constantinus  
cladem olim suorum ultus in eis, prædam om-  
nigenam, atque in ea quadraginta Christiano-  
rum sexus utriusque millia recepit, quibus di-  
missis, Cracouiam cum sociis expeditionis vi-  
ctor concessit, & equo veterum more urbem  
inter principes viros inuectus; Septuaginta in-  
signiores barbarorum & signa omnia capta Si-  
gismundo obtulit; tum comites laborum ma-  
gnificis verbis collaudatos regiæ liberalitati cō-  
mendauit: quos Rex illius ipsius arbitratu mox  
publice & priuatim prosequitur, ornat, coho-  
nestat, priuilegiis, beneficiis & equestri præro-  
gatiua.



gatiuâ. Ac ipse domi pace partâ, Moscouitisq;  
sexennialibus induciis concessis, opibus & fa-  
ma insignis, prudentissimè ac fortissimè admi-  
nistrat.

SIMONIS STAROVOLSCII

DE REBUS

SIGISMVNDI PRIMI,

REGIS POLONIARVM INVI-

ctissimi, virtute & auspicio gestis.

LIBER QVARTVS.



Egni statu cōposito, & qui-  
ete incolis bello fessis red-  
dita, Sigismundus ad pacis  
curas conuersus, factioni-  
bus, latrocinijis infestum re-  
gnum purgauit & pacauit,  
quoq; magis felicitas regni

& statuum, tam interna quam externa reflore-  
scat,



scat, ipse de cōmuni tunc more crebro ius dixit, sed & iustitiam restituit, potentiorum iniurijs exfulantem. Et tunc mercatura quam bellum Pruthenicum sustulerat, aduenarum concurratq; cōmertio Dantisci præcipuè in vsum reuocari cœperat, & Podoliæ qui arua colere cōsueuerant, barbaris clade insigni adfectis seu affectis, sese ad agrorum culturā contulerant, quum Perecopenſes exercitu paucis diebus restituto sub ipsum ver vexare excurrunt, à Iazloucio & Skriccio Ductoribus regijs ad Camenciam superantur, mille in acie amissis, quo irritati cum se intra meſſium dies, contiguos agros hostiliter populaturos significarēt, Ostaphianus Circassorum Præfectus, conatus illorum frustrari volens, cum Prædislao Lanckoronio, coactis aliquot dilectorum turmis, propero gradu in Scythiam militatum iuerunt, & magno animo ad ipsas Oczakouiæ portas, ter feliciter præliati, triginta pecorum millia cum quingentis equis auexerunt, inultis populationibus autumnos confu-



consumpto. Sigismundus verò initio insequen-  
tis anni, qui fuit millesimus quingentesimus vi-  
gesimus nonus ab ortu Christi seruatoris nostri  
conuentu Petricouix absolute, in Lituaniam  
profectus, cum ex subita humorum commo-  
tione, febrim acerbissimam ( & vix se medico-  
rum fomentis ad interiora recepit ) pateretur.  
Iazlouecius, Seniauius, & Latalscius, qui Podo-  
liam præsidio curabant ductores, sumptis mille  
lectis equitibus vt & anno superiore in Scythi-  
am prædatum iuerant, cæsisque aut dissipatis  
aliquot barbarorum turmis, Oczakouiam ver-  
sus concesserant, quam eo tempore Oslamsul-  
tanus, certis conditionibus cum fratre depa-  
ctus, imperio regebat. Hic itaque vrbe egressus  
& ecquid milites essent? percontatus, hæc sibi  
à Polonis & Sigismundo cuius sese fidei & tui-  
tioni commiserat, euenire indignabatur. Illi  
quoque mirati ( nam priore æstate eam urbem  
Sedetkirei huic infestus curabat ) & regis, cuius  
cliens & Filius erat, nomine audito territi, posi-

E e

tis pro-



tis protinus armis atq; restituta præda, colloquium cum eo instituerunt & factum in sciciâ factum excusarunt. Dedit veniam ille, & amicitiae renouandæ causa in urbem excipere curauit, sed renuentibus aut dolum suspectantibus reliquis, solus Iazlouecius intrepide iuit & gentico more in fidem reconciliationis plenioris cum illo conuiuabatur. Verum enim uerò incondita plebes, & gregarij quique nihil pensi habentes, his qui Iazlouecium extra urbem expectabant, omne maleficiū inferre, incurfare, sclopetis & sagittis ferire, vnde atrox pugna, varia, & cruenta, barbaris ad certamen diuersis è locis turmatim concurrentibus, atq; vlcisci clades suorum adnitentibus, Polonis autem in arcto, salutem ex victoria quærentibus. At Oflamsultanus, audito remparum bona fide cum Polonis gestam, ingenuo pudore perfusus, ad reprimendum tumultum protinus aduolat ipse, & monet, rogat, hortatur: furentibusque magis, arma commotus in suos capit, Sed cum occidis



cisis aliquot, rabiem delinire haud potuisset, è turba tumultuantium secessit, nam illi vix retenti sunt, quin manibus ipsum violarent, & clamor, ira, concursus vndique in nostros: non inficicia miserorum, non tot recentium cladum recordatio, non imperium ducis, qui ipse ad sedandum & deprecandum venerat: nihil inquam horum iuuat quin regij in multos defatigati sese, in fugā quam laxissimis habenis dederint, & Latalcius è ductoribus vnus in cōflictu caperetur, olim à fratre Ioanne Posnaniensem antistite, grādi pecunia liberatus, Iazlouecium verò, & captiuos reliquos, quos statim conqueri iussit Oslamsultanus, vt in regem & Polonos fidem suam testaretur, neq; se gnaro tumultuari monstraret, protinùs ad penates suos remisit. Paucis dehinc post mensibus, Lituaniæ primores Sigismundum Augustum, patre Sigismundo comprobante & præsente Ducem sibi crearūt; Sed nec Poloni sunt aduersati, quin in comitiis sub finem autumnii Petricouix indictis roga-



runt vel rogati concesserunt, vt scepra regni patre viuo cum Deo bono acciperet, & heres certus in libera electione succederet. Ad quem Andream Cricium Plocensem, Ioannem Karnkouium Præmissliensem, *Episcopos*, Otthonem à Chodecz Sendomiriensem, Nicolaum Koscielecium Calissiiensem, *Palatinos*, Ioannem Kosćielecium Łęczyciensem, Ioannem Tęczynium Lublinensem, Stanislaum de Sproua, Bieccensem, Nicolaum Rusoccium Biechouiensem, Spickum de Tarnow Zarnouiensem, Petrum Opalinium Lendensem, *Castellanos*, Cracouiā concordēs mittunt, Regem pronunciant & diem; quæ anno insequenti obuenit. Eò & Sigismundus conuentu dimisso lætus ac promptus mouit, parandi gratia quæ futuræ coronationi necessaria videbantur. Ac demum die præscripta, AVGVSTVS (annos decem natus) cōsecratus, inunctus, & coronatus, REX POLONIAE, à Ioanne Lascio Præsule Gnesnensi: astantibus incoram parentum regni proceribus ac regu-



regulis. Postea die quæ secuta est, regali habitu ornatus multis bello & pace claris viris, ac in iis Alberto Prussiae Duce & Villhelmo Margrauiocomitantibus, equo insigni per urbem incescit, & sellam in Circo magnifice præparatam inscēdit, clauēs portarum & fidem à ciuibus recepturus; vbi & hominum de se benè meritorum, aut quorum forti ac fideli opera pater in bellis vsus fuerat, habendam rationem ratus, singulos honoribus; præmiis, & priuilegiis, vt regem decuit affecit, & die in vesperam inclinante lætis fausta precantium vocibus, urbem iterum præteruectus, se in regiam recepit; ad quem Regū, ciuitatum, nationumque legati gratulandi gratia per multos dies frequentes ventitabant. Sigismundus autem rebus ex animo domi compositis, vicinorum etiam turbas sedare instituit, quæ post Ludouici exitium inter Ioannem Veidandum Hungariæ, Ferdinandum Bochemiæ reges, & Carolum Imperatorem de regno Pannonum gliscebant, Et ob eam rem Ioannem



Opalinium Secretarium ad illum, Ioannem vero Dantiscum præter iuris scientiam ad quæuis magna naturum & in omnibus consultissimū ad istos misit, vt honestis conditionibus datis & acceptis, communem pacem non aspernarentur. Quòd cum Ferdinando vehementer placuisset, cupienti Hungariam diu bellis agitatum aliquando quiescere, missurum se breui legatos in Poloniam, respondit, qui res communes suo nomine agerent, siue pacem, siue inducias facere Ioannes velit. qui itidem Hungariæ pacem, atque commune otium à se magnopere expeti, coram legato, & per legatum declarauit. Igitur autumnò appetente missi in id à Sigismundo, Ioannes Latalecius Posnaniensis, Andreas Cricius Plocensis, *Episcopi*. Petrus Kmita Cracouiensis, Ioannes Tarnauius Roxolanus, *Palatini*. Lucas de Gorka Posnaniensis, *Castellanus*. & Ioannes Choienski, Archidiaconus Cracouiensis. à Ferdinando, Iacobus Wratislauiensium Præsul. Sigismundus Herberstein, & Bea-



& Beatus Vidman. à Ioanne autem, Franciscus Archiepiscopus Colocensis, Ioannes Lascius, Stephanus Verbert Pānoniæ Cancellarius, Hieronymus Lascius Siradiæ & Transyluaniæ Palatinus, Franciscus Drugeths, & Andreas Homonai Strigonensis Præpositus, Posnaniæ conueniunt, præsidet & arbitrantur, sed frustra per multos dies: nihilq; post tantam volutationem decretum, præter inducias annuas & affinitatem Sigismundi, qua Elizabeth Ferdinandi filia Augusto desponsata, futurum pignus securæ pacis ferebat. Etenim Ioannes ad Tocacium à Catianero cæsus, regnoq; toto à Ferdinando expulsus, cum diu Cameneciæ & Tarnouiæ in Polonia ageret, à Ioanne Tarnouio copiarum regni Campestri præfecto exceptus, suasu Hieronimi Lascii ad Imperatorem Turcicum confugit, & grandi exercitu adiutus, Budam recepit, expulso Ferdinandi præsidio, Transyluaniam verò Lascio concessit, cuius opera indies, maiora auxilia Turcarum sperabat, & ideo pacem Ferdinan-



dinandi, nisi tota Hungaria cessisset, aspernabatur. qui tot partum victorijs regnum, etiam eripi sibi è manibus indignabatur, Quare omnes arbitrum de pace agitationes irritò fuère. Per id etiam temporis Albertus Prussiæ Princeps, legatos ad Sigismundum misit, qui nouum ab Imperatore Marianis Magistrum datum nunciarent, & curarent ne illius aduentu motus aut turbæ aliquæ inter Borrussos orirentur, quod petiuit à rege & Senatu tempestiuè prouideri; tum locum & vocem regiæ electionis in Senatu sibi dari. Rex legatis benignè auditis, nihil se prætermisurum respōdit, quod ad pacem Pruthenensium tuendam aut conficiendam pertineret, locum verò absque ordinum consensu concedere haud posse. Et mox super re nunciata, Ioannem Dantiscum ad Imperatorem misit. Atque interim nunciatum est Petrum Valachia Palatinum, propalam minitari se Roxolanum agrum incursum, & regias prouincias vastaturum. Quare Sigismundus re in Senatu pensâ,



penſa, Ioanni Tarnouio dat negocium, vt finibus regni intendat, & quid hoſtis agat ſciſcitetur atq; obſeruet diligenter. Quo etiam tempore Pius Pontifex maximus Chriſtianorū conuentum celebraturus, à Rege poſtulauit, vt Legatos & Episcopos mitteret quocunque ipſe locorum assignaret. Cui Sigismundus in re tam pia & neceſſaria minimè ſe reſragaturum reſpondit. imò paratum Romanæ Eccleſiæ autoritatem (cuius maximè obſeruans erat) per ipſa pericula & infortunia aſſertum ac deſenſum ire. Aſſuerunt per eoſdem quoq; dies, Soleimani atque Oſlamsultani legati, vterq; nouo Regi Auguſto & veteri amico Sigismundo gratantes, niſi quod poſterior ſtipendia ſeriùs miſſa dari ſibi poſtulauit. Petrus autem vere nouo appetente, coactis in vnum copijs, Pocuciam hoſtiliter ingreſſus, vagis primùm populationibus aggreſſes infeſtat, & vicos exſcindit, graues dein prædas in caſtra contrahit, oppida diripit, & ſuccèſſis aliquot minutioribus caſtellis Colomiam,



Sniatinum & Tismienicam valido præsidio cōmunit. quorum nonnulli dum per circumiecta grassabantur, crebra & multa vulnere aut mortes fecêre, Horum nuncio accepto Sigismundus permotus, Ioannem Tarnauium obuium properè mittit, qui sumptis mille ducentis equitibus Nestrum ex templo transmittit, & hostem aliquot leuioribus prælijs commissis haud ægrè pellit, regione tota paucorum dierum interiectu pacata. Tum Valachus re audita, ingentibusangebatur curis, quod exiguo milite, & intra paucos dies, turpiter prouincia expulsus esset, quam ipse ingenti sumptu & non minore difficultate occupauerat. Igitur qui in fide sua perstabant, bonum animum habere iubet, & se propediem cum exercitu affuturum affirmat, bellumque impeditum, arduum, & cruentum Polonis minitatur, vbi mox propero gradu sex equitum millia præmittit. Tarnouius tamen castra in aperto ad Obertinum habens, nihil hosticum verebatur tale, prospero suorum successu



cessu confirmatus, ex quibus licet multi vulnerati fuerunt, nullus tamen in tanta oppugnationum pertinacia occisus erat. Quare aduentantibus animosè in os intendit, & tormenta dirigi atque librari iubet, qui rem sciscitentur præmissis. Et conferta ad Guozdecia arcem acie, reprimat faciliè globorum fragore de colle descendendum impetum, & fundit fugatque fugientes. Eodemque impetu & arcem recepit, licet eminùs hostes deturbare telis, congestasque lapidum moles prouoluere non desinebant. Firmatis itaque præoportunis locis fortibus ac fidelibus viris, quid agendum aut quid cauendum esset præscribit, & ipse cum dilectis Leopolim redit, ut laudem strenuis, solatium inualidis, exemplum omnibus, hac victoria ostenderet. vixque Urbis portas ingressus, cum subito exploratores post terga assunt, nunciantes Petrum grandi exercitu instructum, & magno machinarum ac tormentorum apparatu, aduentare. Quare accitis vndequeque veteranis, breui qua-



tuor millia collegit, tum solita altitudine animi ad hostem pergit: quem vt vidit ingentem multitudinē habere, vocatis ad se ductoribus quid facto opus sit deliberat. Re autem quantū tempus patiebatur disceptatā, cum omnes fortunæ cedendum, & tormentis relictis Haliciam concedendum sentirent, ipse in tanta consiliorum infirmitate aut cōsternatione animi plenus, militariter prorupit. *Absit à me milites, vt ego thesauro Domini mei relictō, & hoste nondum conspectō, turpissimam fugam appetem. Hic (cum Deo dicam) vincendum aut numinibus aduersis necessitati fatali parēdum. Vos modo obsecro, pristinum animi robur forti dextra representate, & habebimus absque dubio unico die confectum bellum.* Ingens ad ea alacritas; & cuncti operam lætis animis impigrè sunt polliciti, Ioannesque manipulis confestim ordinatis, castra in plano ad Obertinum posita, fossa non modicæ latitudinis circumuallauit, tum partem equitatus, lectos omnes sub hostium stationes misit, qui &

copias



copias eorum explorent, & ad pugnam velitando prouocent. Hos hostes procul conspicati, magno numero correptis armis obuiā eunt, & miscentur, discurrentq; , mutuis ictibus concertando. Ac demum cuncti ordinibus & subsidijs instructi, castrorum munitiones & stationes perrumpere nituntur, lacessant, circumgrediuntur, dispositiq; ne diffugiant vndequaque turmis, machinas admoueri iubent, & pugnam committunt. Certatum est atrocibus animis supra horas quinq; continenter, Valachis complere fossas virgultis, & cratibus cateruatim nitentibus, Polonis propellere lanceis & sagittis, èminus conantibus. His præde cupido, suorum multitudo, & prægrandior tormentorum numerus, animos dabāt, illis extrema iam salus, ipsa paucitas & ducis inclyta gloria, & si vicissent insignitius nomen. Ergo patefacta iam hostium bombardis aliquantum per munitiones via, Ioannes occasionem pugnae equitibus adesse ratus & cohortatus, signum in aciem de-



scendendi dedit, primaque fors congregiendi, Troianouio obuenit: sed excusauit, quod iuuenes nondum satis pugnae assuetos in sua cohorte traheret, suppleuit ergo cum veteranis Ballicius, sed parum prospero successu, cum sui omnes tormentorum ictibus cecidissent; nihilosiquius tamen caeteri subsequuntur, & hostes hastis à latere feriunt, quos pectore illi sustinent aduerso, & exasperatis odijs procurrunt densioribus globis. At pedites interim turbati oppugnationem deseruere, cum glandibus pilisq; expositi, velut pecora trucidarentur, nullo tegmine tecti. eratq; circumiecta camporum facies, ob multitudinem cadentium maximè fæda ac miserabilis, cum & interequites strenuè pugnaretur pro gloria, vita, & libertate, & nunc hi, nunc illi, fortuna belli domina, variante, loco cederent & vulnerarentur. Tandem sclopetorum colubinarumq; (quas clam suggrediens Ioannes inter currus occultaue rat) fæda strage superati Valachi, laxissimis habenis terga in fugam



gam verterunt. Et ipse Petrus, qui pugnae formam & euentum in colle anxius sauciusq; prospectabat, salutem fuga quæsiuit, cum neq; auctoritate, neq; precibus, ne manu quidem obistere aut retinere militem quiret. Quem Ioannes in arce Chocimensi obsessum, & ad extrema redactum, solenne vna cum proceribus & cuncta nobilitate sua iusiurandum sibi dare coegit. Et nec tamen omnino satis fidens cōmeatum importari, & præsidia distribui per munitiones curauit. Demum ipse viginti & duobus hostium millibus, vnica acie prostratis & fugatis, victrices Leopolim copias reduxit, atque inde Cracouiam, cum spolijs ad Regem perrexit, quinquaginta machinas, vexillaque hostilia cuncta, cum mille equitibus trahens. Tum vrbs tota victoriæ certa, festa omnia in ingressu agere, seiscitari, publicæ priuatimque lætari, & virtutem illius laudibus efferre. Et Sigismundus post decantatum à sacerdotibus diuinum carmen, protinus Iacobum Vielamouium ad So-



ad Soleimannum misit, vt recuperatam à Valacho Pocuciam & nuperam victoriam ei nunciaret, oraretq; tributarium suum intra terminos fidei & imperij quietum contineri. Miratus ille, & indignatus certè, quod tam pauci tam insignem victoriam cōsequerentur, verbis magis in speciem gratulatus, quam vt penitus sentire crederetur, collaudatum Vielamouium dimisit, datis & ad Petrum Missis, qui monerent non belligerare. Cæterum miles ille qui Pocuciam præsidio curabat, non desinebat Valachū incursionibus fatigare, donec lassitudine affectum pestilentiaque è diutino labore infectum ad vltimum eum malorum malum & quietem deinde redigeret, quam interuentu Ioannis Veidani Pannonum Regis in annum panxit. Sigismundo verò sub finem anni comitias celebranti, Imbraim Bassa à Soleimanno iussus, dum Palatinos Europæos, Cadios, tributaros, vrbes, & omnia excutit & colligit, res quoque Valachi amissas ac tormenta primùm per legatum repetit:



petit: sed cum re infecta responsum, vt par erat à Sigismundo accepit. Idem & Alberti locum in Senatu petentis oratores retulêre, eo quod lege antiqua Polonis cautum esset, neminem maioris ordinis seu prærogatiuæ, præter equestrem in Senatum admittendum. Eodem tempore Pocuciani milites prædatum iterum in Valachiam iuerant, mille equites erant, sed insidijs ad Tirassouice circumuenti, parum prospera pugna vsi amiserunt ducentes viros, prædamque totam. In Taurica autem Setkirei Turcarum opibus adiutus, vere nouo appetente, tollere fratrem Oslamsultanum statuit, qui nuper expulsus & cum auxiliariis Zauolgensibus victus, Castra ad Circassos Sigismundo indulgente, & de more familiam habebat, sed imparem se videns in Moscouiam Borysthene transmissis exercitum traiecit. Setkirei autem fratre illic non inuento arcem Circassorum obsidere aggressus, habuit in comilitio præter septuaginta Tartarorum suorum millia Genitzaros mille quingentos, quinquaginta



gintaque à Soleimanno ænea tormenta. Horū itaque ope & auxilio fretus, tredecim diebus acriter oppugnauit arcem, etsi fortunâ, parum attollente aut prospera vsus, quinimo salutis suorum parcendum statuit, & plurimis amissis, receptui cani iussit, cum Roxolani intra munitio- nes clausi, cum suo Ostaphæo strenuè propu- gnarent, ostioq; aperto, conatus hostium perti- naces, interdum impressione reprimerent. quos ille pugnantes continuè obiens, magno animo in prælium acuebat & excitabat. Igitur barba- rus magnitudine viri attonitus nihil vltra ho- stile tentans, amicè ad se in colloquium & in castra vocat. Hæret nonnihil iste & dubitat: sed vt solent generosi animi infidei partes incli- nat, obsidibusque acceptis ad tentorium profi- ciscitur, epulatur, & reconciliatur. barbarusque complexis dextris abiit, & Sigismundo exhinc iam libenter adhæsit. Iisdem diebus Soleiman- nus in fertilem illam Pannoniam magna mole mouens, ac fidam fortemque Viennam, Stiria & Ca-



& Carinthia prouinciis euastatis, obsidere intē-  
dens aut tendens, duodecim dilectorum millia  
prædatum in Austriam misit. Cæterum Ferdi-  
nandus, vt res suas firmaret aut defenderet, Ca-  
rolum V. Imperatorem ex Hispania properis  
litteris, cum valido exercitu euocauit, cui & Si-  
gismundus noster tria hastatorum millia subsi-  
dio misit. Sed hanc Soleimannus potentiam, &  
tam celeres Caroli apparatus veritus, confestim  
reflexis habenis in Hungariam perrexit, signoq;  
pugnæ non expectato, copias trans Danubium  
minimè laceffitius reduxit, modo quod Poloni  
vastatores illos Austriæ consecrati, nouem mil-  
lia ceciderunt, & à Carolo ob eam rem collau-  
dati amplissima munera retulerunt. In huius  
anni exitu Sigismundus Petrum Opalinium ma-  
gno animo & consilio virum Castellanum Len-  
densem, qui cum eo de pace ageret renouaretq;  
dextras ad Soleimannum misit; qui vbi primū  
Constantinopolim peruenit, absque omni cō-  
ditionū volutatione fædus inter principes ipsos



successoresq; eorum Augustum & Mustapham inuiolabile & perenne panxit, nam Soleimanus Christianorum conpirationem prætimēs, præsertim Carolo conuentum tunc Viennæ celebrante, facilè ostēdit placere sibi, quæ ab ipso de pace agebantur, modo ne Rex hostibus suis clàm aut apertè faueat. quod itidem se facturū promisit, & nec Valacho aut Tartaris suæ ditioris, septa veteresq; regnorum limites transilire permisit. Quæ conditio cum legato placuisset, recepta ea atq; comprobata ad Sigismundum reuersus est. Ad quem sub anni eiusdem exitum Scythici & Moscouitici oratores conuenēre, illi Oslamsultanū, Setkireio expulso & ducem Perecopensem & fidum veteremq; regis amicū esse testatum, isti autem conquestum & ius definitimis, mercatoribus petitem. prioribus solita stipendia promissa, posterioribus Cōmissarij dati, sed à priori, iterum legati tempore hyberno venēre, stipendia tardius reddita orantes & denunciantes, quod nulla ratione possit plac-



placare aut auertere, ab infesta & graui Podoliæ incurfione, commilitonum (Vlanos ac Murzos dicunt) manes. cum quibus legatis, & ille Oſta-phæus Circafforum in armis plurimum excellens toparcha venit, ferreosque miræ magnitudinis tormentorum globos, in Senatū intulit, Rege comitias tunc Petricouiæ celebrante, quos Genitzari cum à Setkireio obſideretur, in arcem ſuam ſunt iaculati, & grandem numerū illorum grandinisque inſtar in arce ſe habere aſſerebat; tum ſociorum laboris & de patria bene meritorum habendam rationem rogauit. Rex coronaq; patrum magnificis incoram verbis collaudatum, arcibus Krzyczow & Ciecierſko ad ripam Boryſthenis in confinio Scythiæ atq; Moſcouiæ ſitis ipſum, præmiis & honoribus commilitones ornauit. Demum conuentu regni oratoribusque regum dimiſſis, inter quos & Soleimanni erāt, Styriam, Carinthiā, & Carniolam à ſe debellatam nunciantes, Cracouiā proſectus, Moldauię Principis legatos co-



miter excepit, qui nullos imperij sui fines cum Polonis habens, vtrò Regis amicitiam, & ob solam modo virtutem aut facinorū magnitudinē expetendam putauit, seq; palam & spontē amicum Sigismundi professus est, non armis aut odio, vt Valachus, sed beneficiis, amore, & sedulitate, certare affectans. Legatus amicitia vt postulauit confectā, benignè à Sigismundo habitus & in Moldauiam reuersus, ea quæ in Polonia egit, ritè obsignata Principi suo retulit. Sigismundus verò domi pace parta, & hostibus foris victis aut repulsis, vt animum, lassatamque grandi illo imperij pondere ceruicem recrearet, ad diucius sustinendum, solennem ad Niepolomicæ venationem instituit, cum quo & vxor Bona illic erat. Itaque die proposita aggreßes (quorum ingens erat numerus) & Venatores in id munus imperati, Vistulæ ripas nemorisque partes cum lanceis & venabulis insederunt; assederunt & sagittarij sclopetariiq; in omnia intenti. Tum post longas ferarum agita-  
tiones



tiones aut exanimationes, diffusa Rex reliqua turba per sylvas, alacri ipse equo inuectus, ne qua inde fera elaberetur obseruare iussit & vrsū miræ magnitudinis, ac supra naturæ solitum emisit, quem ex Lituania arce ferreæ inclusum adduxerat, hic, tum canum latratu, tum hominum clamore excitatus, postquam sæuire cæpit, supra centenos ingentis magnitudinis canes fæde laceravit, venatores & nobiles non nullos vulneravit, regiumq; nimum Stanczyk vocatum (hunc statu pusillum & vix Aesopo ab- similem Rex inter delicias habebat, eo quod lingua garrulus & lepidus esset) cum equo ad lapsum deturbavit. Quod Sigismundus conspici- catus *Non strenui, inquit, militis robur Stani- slae, exhibuisti nobis, sed ignauissimi ludionis, qualem te & facies indicat, facinus.* Ad quæ ille, ore libero, *quinimo illi ipsi sordidum scænicorum morem agunt, qui immanes feras carcere miti- gatas in suam suorumq; perniciem solvunt; quasi admonens siue exprobrans indecentiam facti,* quod



quod bestia exacerbata complures hominum vulneraret, & quam Regina etiam partui vicina fugiens, cum equo laberetur atq; inde factum amitteret. Idem, per ludum veste à pueris spoliatus, ad Regem nudus perfugit & cum indignatiuncula exceptus, exclamauit *Scilicet tibi conuenit mei miserari, qui ipse Smolensco exutus à Mosco, nullam recuperandi mentionem facis.* Sensit eum vera dicere Sigismundus, & ad se rediit, in Lituaniamque extemplò profectus, legatos ad Basilium misit, qui monerent & rogarent, Smolenscum sibi optimo & paterno iure debitum restitui, suamq; ob id amicitiam retinere quam inimicitias experi: sin aliter bellum denunciarent. Denegat ille; & Sigismundus porrò indicta concione bellum pronunciat, & ad res ordinandas conuersus, tributa exigit & pecuniam in stipendia militi parat. Quo tempore Oslam sultanus interiora Moscouiæ ingressus, huc & illuc primo populabundus volitans, magno prælio demum ad

Okam



Okam fluuium cum Basilio conflixit, & victo-  
riæ compos ad Sigismundum illico nunciatum  
& stipendia oratum misit, quod cum paullò se-  
riùs ad eum missum esset, irritatus, Borysthene  
ad Tauaniam transmissio, Russiæ regiones inua-  
dere parabat, & iam aduentabat, cum obuij le-  
gati stipendium illi opportunè attulerunt, quo  
accepto reuersus exercitum in Moscouiam tra-  
iecit, & vicos innumeros, paruaq; castella po-  
pulatus, præda ingenti suos, hostes metu pluri-  
mo affecit. Basilius autem (toties clade acce-  
pta famosus) hostilium armorum fragore au-  
dito, vehementer commotus vitæ tedio simul  
& languore mortem obijt, filio Ioanne, quatu-  
or annos nato relicto, sub tutela Michaelis Glin-  
scij auunculi, Georgijque ac Andreæ patrum,  
sed isti ingenium Michaelis veriti, ob causam su-  
perius allatam, ipsum tætro carceri includunt;  
qui aliquot post annos, illuie atq; pedore obsi-  
tus squallensque, diem illic obijt. In Lituania  
autem bruma appetente, grandem Moscouita-



rum exercitum, nunciatum est aduentare. Igitur nobilitas sumptis properè armis, progreditur obuiā, & hostes ad Starodubum nacti, acies dirigunt, pugnant, primo parum feliciter, mox aliter Constantino erigente & subueniente. Et pugnatum est diu atque acriter, dum neutri loco cederent, & victoria sese modo in hanc, modo in illā partem inclinaret, aut ludificaret Duces. Tandem Moschi altero ex ducibus amisso, in fugam consternantur effusam, & paullò ordinatius cedens, alterum quoq; amittunt, victum & victum. Constantinus autem hostibus fugatis aut superatis; urbem ipsam impetu eodem aggressus cepit, nam adnittentes irrumperre milites, ignem flantibus auris immiserunt tectis, qui vbi ad pulveres sulphureos deuenit, auctus viribus flammam horribilem edidit, qua vrbs tota conflagrauit, cum ciues metu perterriti pugna destituta intra arcem se reciperent: multa tamen millia tam in vrbe (quæ vasta & opulenta erat) quam in acie cecidère, aut fumo suffo-



suffocati exarscere, imbecillis præsertim sexus. Posthæc arx oppugnari cæpta: sed cum ferro expugnari haud posse videretur, quod vallo validoq, præsidio munita esset, res ad obsidionem spectare visa: quæ cum ob com meatuum inopiam nimis molesta esset, Constantinus castris inde remotis, Radochosczam vbi opulentiùs solum, copias deduxit, situq; oppidi prospecto, attentissima cura ptouidebat, ne quis ingredi egrediue aut com meatus quicquam importare posset, nam hos inopinatò circumfederat. Tum pugnae signo proposito, arce simul & oppido potitus, in prædam militi concessit, quo minus finitimi iniecto metu resisterent. Hic Palatinus ex præstantioribus vnus, cum vxore & liberis captus, ad Sigismundum in Lituaniã ablegatus est; sed pro more Regis & gentis, honestè benignèq; in Trocensi arce habitus. Quæsito igitur Constantinus post pugnam Radochosensem diu prælio, frustra habitus dispartit vires, hostium exemplo circumferre bellum coactus. &



Czernieuiam ipse concessit, agrumq; omnem vna propè excursionē cepit, oppidis aut debellatis, aut in ditionem receptis. Pars altera exercitus Smolenscum versus perrexit, & Urbē eo ipso quo venerat die exussit copijs quo faces ingererent circumfusus. Arx quia valido præsidio & munitionibus turritis firmata erat, inexpugnabilis post prælia multa mansit. Quare bello in aliud tempus dilato, quod illis diebus hyemem frigoris magnitudo valde exasperasset, exercitus vterq; agmine composito Vilnam ad Sigismundum reuēnere, prædā & famā onusti, & cum eis Ioannes Laccius ac Basilius Bielscius è nobilitate Moschouitica, patria ob tumultus desertā; vterq; à Rege donati & perliberali stipendio locupletati. Nostris in hyberna egressis Moscouitæ nulla aëris acerbitate reformidata, Połociam & Vitebskum excursionē exussēre, agrisq; circumiectis euastatis, graues prædas in sua redigere atq; id impunè totum. Fine anni itidem Tartari Vollhynia peragrata, cum  
cæte-



cætera præda quindecim mortaliũ millia auxere, Suburbio Zaslauiensi succenso. Haud multo post Ioachimi Brandenburgensis Margrauij oratores, Hedwigim Sigismundi filiam in matrimonium puſtolarunt. Tum Alberti Prusiæ ducis, auxilia contra Crucigerorum gliscentes turbas. Rogata vtriq; concessa, & legati vt comiter excepti ita liberaliter dimissi. Interim tres Moscouitarum exercitus, quorum Dux Ioannes Ouczyna erat, interiora Lituaniæ ingressi longè lateq; incolis incusserunt, & Braclauiam vsq; grassantes peruenerunt, quorum adeò horrenda & immanis crudelitas erat, vt infantes è parentum complexu raptos, palis, verubusq; plorantes infigerent & in frustra conciderent, humanitatis plus quàm atrocissimus Scythæ obli-  
ti. Quo audito Sigismundus, vt impetus eorũ cohiberet, nobilitatem ex hybernis euocauit, & hosti iter præcludere iussit; sed hostes in Moscouiam se receperunt, antequam isti conuen-  
re. Ostaphianus modo sumpta Kozaccorum,



haud contemnēda manu ( ad tria millia numerabantur ) inuicem excursions multas in Moscuiam fecit, & regionē vniuersam, longe maiore formidine aut calamitate affecit, eo quod Kozacci Nissouienses popularium clades, nece seu victorijs expiare, enixè contenderent. Quare, summa celeritate peruagati, vicos passim exurunt, pagos euertut, templa disturbant, oppida & ædificia perantiqua diruunt, totiꝫ regioni circa urbem Moscuiam, vastitatem & inflammationem promore inferunt. Vere appetente, vt Filiam Heduigim Ioachimo desponsatam, Sigismundus matrimonio copularet, Vilna mouens Cracouiā rediit, Tarnouio cum septem Polonorum millibus in Moscuiā misso; qui iunctus Radiuillo copiarum Lituaniæ Præfecto, arcem Homianam in tractu Seueriensi expugnauit, vnde frequentes excursions in agrum Mohilouiensē fiebant, quæ fruges & sata vastabant, & prædas etiam frequenter abigebant. Inde Starodubum arcem munitissimam



mam obsedit, quam Ouczyna valido cum cæteris præsidio curabat, & diu egregieq; propugnabat, omnibus tentatis quæ strenuo duce digna erant: sed præuertit fors audaces conatus, victoria ad Polonos translata, & Tarnauius militibus vti rem impigrè gerant cohortatis, puluerem sulphureum, & ignem ex improviso inferri iubet. Et vndique statim, comprehensis munitionibus, vno omnia tēpore ignibus ambusta sunt: adhæc pedites immissi perculsos metut urbauère, & compluribus cæsis aut vulneratis grandem numerum cepère, qui cum sua multitudine militem regium longè superarent, Tarnouius numerum & vires prætimens, interficere illico omnes iubet, Palatinis aut præfectis modo exceptis, inter quos Ouczyna, Syczki, & Koluczow, præstantiores erant. Thesauri ingentes capti, & varia rerum præda; sed longè maior conflagrauit, cum nec cælum, nec dies, nec bellantium clamores dignosci potuissent, pulueribus illis, ad instar fulminis tonantibus, & fumo



fumo caligantibus, quo adeo multa mortalium millia periēre, vt nec Illum tunc, Troianamque gazam interire videres. Quod vbi Sigismundo nunciatum esset, gaudij plenus triumphalem aut solennem diem Cracouiæ instituit, quem vt celebriorem lætiorēq; faceret nuptias in eum contulit, filiæ suæ Hedwigis cum Ioachimo Brandeburgi Margrauiο, qui haud multos ante dies ad capiendam hanc desponsatam venerat. Moxque Sigismundus Ioannem Ociescium ad Soleimannum, & Stanislaum Tarlo ad Ferdinandum, legatos qui fœdera & amicitiam renouarent, & victoriam nuperam nunciarent misit. nam & Soleimanni interim ad Senatum legati venerant, qui Sigismundum cum Filio Augusto fato sublatum, (vt illic rumusculi dissipati erant) existimans, egregium facinus existimauit, mittere viros, qui properam illorum mortem sibi grauem declararent esse, & hortarentur patres in eligendo nouo rege, vno & cōsenti animo stare; illumque Polonici sanguinis place-



placere. Et præcipuè Archiepiscopum Gnesnensem (imbellem pro suo sensu iudicans sacerdotem,) Sin autem aliqui extranei turbare Rempublicam sub interregnum, & electionem vel-  
lent, se paratum tutorem aut defensorem præ-  
sto declararent. Tum Senatus & Rex se cum fi-  
lio incolumē, superis annuentibus, vigere & vi-  
uere legato respondit, & vt renouarentur dex-  
træ per Ociescium missum postulauit. Ipse verò  
conuentu Petricouiæ absoluto, Vilnam ad per-  
sequendas belli Moscouitici exequias, sub exi-  
tum anni digressus est, vbi regulis & primoribus  
conuocatis, Augustum expactò iura & liberta-  
tes regionis, sanctissimo iureiurādo confirma-  
re curauit. legatosq; fæderū renouandorū cau-  
sa, in varia dimisit. Et rebus ex sententia com-  
positis, initio anni alterius, vt veteranos in agris  
disponeret, in Poloniam regressus, arcem  
Cracouiensem, quam sumptu ingenti & ma-  
gnificientia regali exædificarat, conflagram &  
deformatam reperit; quod mox notatum à cu-



riosi, futuros motus in Republica (& exitus docuit) designare, quia omnes ferè magnæ & memorabiles in rebus humanis mutationes, aliquanto antea, aut vno aut pluribus illustribus ac notabilibus signis, diuinitus portendi ac præsignificari solent, licet illa, & nostra tempestate hæc animaduertere, aut procurare religiosum esset. Sigismundus autem, post præstitum ab Augusto, Ordinibus regni, in conuentu publico iuramentum, Valachicum bellum per se agere instituit, ob auxilia Turcica minimè negligendum arbitratus. quo verò maturiùs nobilitas regni conueniret, Leopolim ipse cum optimatibus præstolaturus concessit; verum illi voluptatibus ac desidia ex longa pace confecti, quæ in Martiali etiam populo relanguescere animos facit identidem refractarij, discordes rebelles erant, nunc hoc nunc illud petebant, & ita petebant, vt voces proteruas & conuicia (vix non manus) in Regem & optimates mitterent, in hostem verò nullo pacto prodire vellēt, sed in



sed in castris ad Leopolim turbas ciendo, & pessimis cuiusque sermonibus aures præbendo, ad gelidam usque brumam remorarentur: & stationes, vigiliæ, diurna nocturnaque munia, in armis agitabantur, quasi hostis in conspectu esset. Rex verò ab omni cætu destitutus, etsi relinqueretur solus, nihilominus tamen immotus modestè sustinuit cuncta, & sola sua constantia pestilentem rogationem disiecit, tum bonis verbis delinitos à se dimisit. Ne autem in Valachi potestatem Pocucia veniret, Andream Tęczynium Cracouiensem, & Nicolaum Sieniauium Belsensem, Castellanos, reliquit, cum duobus equitum millibus. Ipse autem animi & corporis æger Cracouiam reuersus, merebat & pænè deplorabat sortem suam, quod pro victoria infamiam, pro subditis & militibus, rebellionem nactus esset, tumultuantium, & conuiciantium. Quapropter turbas, turbatorumque animos sedare volens, dum comitias Petricouiæ sub exitum anni celebrat, milites qui aliquot oppidis regionis



Pocucianæ præerant, conuocatis frumentariam ad prædam Kozaccis, agros Valachiaë latè diripiunt & leuioribus prælijs toto anno infestant, atq; iam nouo vere incunte, direptis aliquot munitioribus oppidis Czarnouice atque Botuszany inflamant, agrumq; Soczauiensẽ populabundi intrant, & prælio ingenti victores, magnam bouum atque equorum vim in sua abagunt. Irritatus aut prouocatus hisce Petrus minimè ferendam tantam iniuriam diutiùs existimauit, & coactis raptim è Turcis & popularibus quas potuit copijs, breui supra viginti bellatorum millia, in vnum contraxit, & cum eis Podoliam hostiliter ingressus, oppidum Czerwone dictum primo impetu expugnauit. Deinde per vallem, ad cuius exitum oppidum sitũ, progressus, insectari aggreſtes cæpit, qui hostem fugiens, gregatim in colles conuenerant. Et dũ Iagielnicam atque Czarnokozincum obsidere parat, nihil in cãpis inuiolatum, nihil intactũ relinquit, sed pro libidine cuncta atq; animo gerit,  
homi-



homines ingenuos, nobiles, pueros, fæminas, omnes impunè abripit, in æternam qua nihil acerbius in bellis, seruitutem. Hoc cognito nostri magnis itineribus securi eò contendunt, & pares se hostibus rati intendunt castra castris conferre, atq; hac ratione illum cōmeatu intercluso, ad famem adigere, aut gladio rem experiri: nam antea Marte aperto manus conferere nusquam audebant. Quare ex hybernis digressi, ad Seretum flumen proficiscuntur, & prælio instruuntur, vniuersi certaminis fortunam subituri. Sieniauius dextram alam, Tęczynius sinistram tenebat, sed hostium vterq; ignari, & duo tantum millia in castris habentes. Cumq; sic instructi, numerosissimum aduersariorum agmen conspexissent, nonnulli ex veteranis prudentiores (quibus temeraria Sokaliensis clades benè cognita erat) retrocedendū, & fortunæ cedendum censebant, flagitiosum ad famam dicens cum imparibus copijs, temerè decertare, & postea sibi salutem fuga querere, sed nolebant,



quos prædandi libido rapiebat, aut quos excitabat sæuus præliandi ignis. Adhæc æmulatio de loco, & certamen inter ductores (ô fatalem instantiam) relictis hostibus exortum, vter eorum primò congregi debeat, maledicta inseruit, quibus implicati, quidam n̄ hostem prodibant quidam indignati loco & acie cedebāt. Quod hostes, cōspicati, (quorum acies paullò prægrādior erat) absque mora Turcas sublato clamore immittunt, qui impulsu suo confusos, nullo certo duce, & parum certo ordine adorti, protinùs è loco deturbant, & nullis vltra sustentatos subsidij, in fugam & fluuium vertunt. Duces ipsi Seretum transgressi, & vix aliquot equitibus commitati, manus hostium euasere; quos Barum fugientes plurimi Turcarum nisu ingenti consectabantur, vt tam vberem prædam, Poloniæ Senatores, Imperatori suo offerant; sed non sunt affecuti. In campis autem strages fuit maxima, equitumq; supra noningenti cæsi, & in ijs aliquot strenui ac fortes ductores, Węglius, Pilec-



Pileccius, & Wlodek, viri ob animi generisq̃ue nobilitatem longiore vita digni. Hac clade Petricouix nunciata, territi fractiq̃; nobilium animi, faciliores sese ad coërcendum exhibuerunt. Et Sigismundus re inopinata mæstus, Erasmus Cretkouium Castellatum Brestensem, illico ad Soleimānum misit quæstū simul & denunciātū, *Non licuisse imperatori per pacis fœdera, Valachum Polonis inimicissimum clām adiutum ire, & Pocuciam nihil à suis hostile metuentem inuadere, nulla denunciatione belli prius facta. Proinde orare se uti mallet Polonos sibi beneficio obligare, quam Valacho Pocuciam tenente, illorum animos ab amicitix suæ, quæ nuper redintegrata, obseruantia auertere, quorum societas inter Europæos non est omnino aspernanda, quippe quibus nec ferrum nec inuentus deest sæpius clade barbarâ experta. Ille primum excusare & dicere, se inscio siccarios illos (non enim milites) à tributario adscitos esse tuitionis causa, cumq̃ue illo incursionibus crebris prouocato, in regnum postea iniussu suo inuise: de cuius coërcitio ultro ci-*



tro citroq; verbis disputatis, legatum spe pacis præcisa dimisit, & mox copias præfestinans in Valachiam misit, ne debellatam occuparet Sigismundus, qui etiam offendissæ videbatur, non semel ante pacis confectionem auxiliis aduersæ parti submissis. Qui itidem legato reuerso, & re audita, Ioannem Tarnouium, conuocatis repente quas habebat copiis, citis itineribus in Valachiam mittit, vt & Pocutiam sibi antiquitus debitam defendat, & Turcas ab infestatione Roxolani agri trans Nestrum auertat. Cæterum Turcæ audito Augustum (Sigismundi filium) florentis ætatis iuuenem, cum maioribus copiis, suis subsidio aduentare (qui vt & militiæ fuesceret, & sortem suam experiretur, Leopolum cum exercitu properè aduolauerat) veritine aut Valachicus ager à Tarnouio vastaretur, aut ipsi reditu ab Augusto prohiberentur, amissis oppidis ex quibus in Pocuciam traiciebatur, & Chocimia æquo præsidio firmata, abeundi in Valachiam consilium capiunt. Tarnouius verò



verò cum exercitu veniens, Chocimiam obsidio cingit, & cuniculo faciundo magna cura intendit. iamq; obsessis ad vltimum discrimen erat ventum, cum Ferdinandi & Ioannis, regum de Hungaria concertantium interuentu, bellū sublatū esset, quod haud dubiè cruentissimum futurum videbatur. Idcirco Augustus Cracouiam reuersus, in glorium exercitum dimisit & Ioannem Dantiscum Episcopum Varmiensem, Ioannemq; Lataleium Palatinum Posnaniensem, legatos ad Ferdinandū misit, propter conficiendum seu perficiendum matrimoniū cæptum. Quo tempore noui Turcarum exercitus in Valachiam missi, Stephanum Alexandri filium, summæ rei præfecerunt. Petrus verò expulsus, ad Ioannem in Hungariam, & arcem illius Czyczauam, cum fortunis & omni preciosa suppellectile se receperat. Quare Sigismundus, quid à paganis ex Valachia expectandum esset dubius, comitiis quas pro more Petricouiae indixerat, ob corporis infirmitatem Cracouiam



uiam translatis, & per hyemem celebratis initio  
veris noui, Iacobū Vielamouium qui res Hun-  
gariæ simul, & Valachiae ageret Constantino-  
polim misit, & Isabellam filiam Ioanni despon-  
satam, splendidissimo comitatu & ornatu in-  
structam, in Hungariam ablegauit, deducen-  
tibus aut tradentibus marito Stanislao Tarlo E-  
piscopo Præmissiensi, & Petro Opalinio Castel-  
lano Gnesnensi. Extremo ætatis Soleimannus  
filiae nuptias, duorumq; filiorum circumcisio-  
nis solennem diem celebraturus, Sigismundum  
cum filio Augusto rogauit, vt præsentem adesse  
velint, & celebriorem lætoremq; diem sua præ-  
sentia efficerent. Excusarunt reges, excusatum-  
que legatum, si tardè venisset, Thomam Soboc-  
cium miserunt, & vt Hieronimum Lascium Fer-  
dinandi oratorem, regibus insciis eò in causa  
Ferdinandi iuisse excusaret, & res Tartarorum  
simul Hungarorūq; componeret, mandarunt.  
Anno insequenti, nihil memorabile gestum;  
quem totum Sigismundus in pacando interius  
regno



regno consumpsit, iustitiam & ius sapius ipse  
dicens. Aduenerat quoque anno eodem Pon-  
tificis Maximi (Paulus quartus is erat) legatus  
Hieronymus Rozarius, galerum præciosum gla-  
diumq; benedictum Augusto ferens. is in ædem  
D. Stanislai introductus hunc in modum, in-  
coram parentum, disseruit. *Rem sanè laudabi-*  
*lem, & tibi ultro expetendam proponendum du-*  
*ximus; Rex Auguste Potentissime, pietatem*  
*videlicet auitam & religionem sanctissimam;*  
*quam non defendere modo, sed asserere etiam &*  
*propagare, tuæ bonitatis est & officij: idque ma-*  
*ximè hoc miserrimo tempore, quo vniuerso Chri-*  
*stiano generi, ac sacrosanctæ nostræ religioni, pe-*  
*riculum ab exteris & internis nationibus, vndi-*  
*que & ubiq; impendet. Soleimannus enim atro-*  
*cissimus Christiani nominis hostis, non contentus*  
*debellata Pannonia, Styria, Carinthia, & Car-*  
*niola, quarum magnam partem sui sceptri & sa-*  
*cristecit. non contentus Valachiæ, Moldaviæ, fi-*  
*nitimarumq; gentium obsequio, quas nuper op-*  
*presit aut subiecit, non contentus denique tot ca-*



ptiuorum Christianorum millibus, quos iussu suo horrendus Scythia, de tot prouinciis in æternam seruitutem auexit, extremum etiam Europæ inuadere, & Christianitatis caput Romam petere minitatur. Cuius potentiam, conatus, sedulitatem seu crudelitatem, toties edoctus à patre tuo bellatore Inuictissimo, credo non es iam nescius. Parte ex alia, virulentæ & turbulentæ Hæreticorum sectæ, quas clades in media pace non dederunt: quæ incendia? quas rapinas? in Anglia, Scotia, Britannia, & simplici illa Germania non ediderunt? quos incestus? templorum violationes, sacrorūq; profanationes in Gallijs, Danijs, Suecijs, & ultimis Noruegijs non patrarunt. pudet, piget, miseret, generis humani, cuius magna aut maxima pars, his non vanitatibus, sed stuporibus oppressa, rabiem & furcrem in veros Dei cultores (quorum heu paucus iam numerus restat) quotidie exercet, Quapropter vehementer à te petit Paulus Pontifex Maximus, ut hisce turbulentis temporibus, autam religionem pius ipse constanter retineas. & hac mitra, quam  
tibi mit-



*tibi mittit victoriolis & corollis intextam, à Christi vicario coronatus, diligenti opera incumbas & satages, ut Respublica tua in sacrosanctæ religionis integritate, in morum & virtutum Christianarum honestate, in artium bellicarum & scientiarum optimarum cultu efflorescat, & indies magis ac magis propagetur, quo tuorum Polonorum virtute cæteri Christiani tecti, laboribus quieti & periculis tuti essent; tuque ipsus hoc gladio de pinguedine benedictionis accinctus & succinctus, subditos tuos à metu armorum, omni tempore & loco nauiter defendas, atque Christi Dei nomen, fixus & obnixus in cæremoniis patriis, quantum in te est propages & asseras, proque numine isto semper decertes, fortunas impendas, vires effundas salutem denique ipsam. mors autem tua vita erit, & quidem beata atque æterna.*

*Ad quæ Augustus: Ego lumine veritatis Evangelicæ, in qua animarum nostrarum fælicitas sempiterna continetur semel initiatus, statui illud ad extremum usque spiritum constanter retinere, & studium in tuenda religione, ne huic qui-*



*dem vitæ parsurus profiteri, eam ipsam laudem, quam à maioribus suis hæreditariam accepi excubandi assidue pro Christianis cum Polono populo, habere cupiens: pro quo tali intento meo, datori dies ac noctes supplico, & benefico illi numini plurima debeo; ex externis etiam rebus successibusq; cognoscens, desertores fidei à Deo deserui, cultores verò attolli & prospera habere. Et legato cum his dimisso, Lucam de Gorka Episcopum Culmensem, Sigismundus ad Ioachimum Margrauium misit, qui veræ pietatis lumine reiecto, in caligine errorū Luteri obberabat, & Heduigim vxorem Sigismundi filiam idem ineptire cogebat. sed monitus destitit. & illa salubriter modesteque suam familiam disponens, summa pietate & quiete victitabat, ipsa etiam lanam & filum carpens; aut vestes texens, ad sacrorum cultum seu altarium ornatum, cum attauia Heduigi (cuius reliquiæ miraculosæ Trebniciæ conuirescunt) sanctitate morum & laborum decertando. Tempore eodem*



dem Ioannes Lascius, Gnesnæ & Leczyciæ Præpositus, Vesprimensiumq; in Pannonia nominatus & designatus Antistes, siue à superba quadam & rudi ferocia, siue à viciorum magnitudine & cumulo, quæ animum m̄cipare solent obrutus, in Angliam profectus vxorem duxit. Et nec ipse tantum talis matrimonij cupitor erat, sed reperti sunt plures. Iudæi quoq; licet ipsi vmbra pro luce habeant, & pro veritate imaginē, tamen vbi Christianos inter se dissentientes & fluctuantes viderunt, plurimos per imbecillitatem ad Iudaismum ductos & circumcisos, in Turciam ne facti pæniteant ablegarunt, vbi per omnes prouincias & extremum orientem sparsi, quaqua versus colunt, sed & in omni Poloniarum reguo. vixque oppidum aut pagus est, in Russia & Lituania præsertim, in quo non plurimi agant mercatura & fænore locupletium auctitantes. Itaque edicto Regio vetitum, ne in posterum fas sit illis in Turciam peragrarè. culpæ autem per inquisitores conuicti & damnati, pu-



ti, publico igne pœnas luère, Cracouiæ præcipuè, vbi singularem urbem inhabitant. Attriti itaq̃ue & comminuti Soleimannum per litteras adeunt, & vt interponeret se apud Sigismundum supplicant; & rescripsit ille, *Interuētū meo non est vobis opus, sed patientia, eaq̃ue modica, nam ego breui valido cum exercitu veniam, & pulsīs Christianis vos in libertatem asseram atq̃; etiam dignitatem.* Sed obstitit & ausa illius impediuit Sigismundus, cum in culpæ reos seu legationis conscios ferro atq̃ue igne passim animaduertisset, & Petrus Gamrat urbis Episcopus, Catherinam viduam ciuemq̃; cæteris terrore capitis damnasset; quæ pertinax & scripturis conuicta pœnas alacriter, superstitosæ pietatis publico igne sustinuit, ac tantum non læta periit. Eodem anno Tartari Duce suo expulso, nouum Saytkireium nomine, summæ præfecerunt, & pacis fœdera sub finem autumnī cum Sigismundo renouarunt, sed quæ mox vere nouo ipsi violarunt, agris Roxolanis circa Barum & Vin-



& Vinnicam ferro & igni vastatis. Ducebanturque passim miseri mortales in varias terras mancipati, & liberi à parentibus, domini à familiaribus, vxores à viris, vt cuique fors sua fuit raptati spargebantur, quia passim irruebant Scythæ, tanquam atra & perpetua nubes, vt neque explicare sese nobiles, neq; diffugere quisquam plebeiorum posset. Hos quædam onustam palantes Bernardus Præficius Barensum Præfectus; vir vel solo virtutum merito (vt sanguis seponatur) omni summa fortuna dignus cum pauca Kozaccorum manu confectabatur Ocaouiam vsque Scytharum metropolim, & inuenit iam captiuos omnes in naues impositos, quibus Capham venditui in Turciam deuehebantur. Hos itaque miseratus, & cum multis mæstisq; lacrimis æternum solatus, paratum se & adiuratum vindicem pronunciauit, qui si liberare non poterit (nec tunc poterat) vlcisci tamen Deo benè iuuante, semper enixè curabit. Neq; intra verba affectus iste stetit, sed in omni



vita talem se præbuit, & hostes prælio inito profligauit. atq; vt multæ sunt belli vices, non tantum è finibus patriæ annis subsequētib; pepulit, verum etiam in summum discrimen rerū suarum adduxit: multis namque excursionibus & crebris factis, magnaq; inde vi pecoris atque hominum abducta, vniuersam illam Tauricæ regionem tumultu ac terrore inuoluit. Idem & in Valachia fecit; qua æstate populus Stephano per tumultum occiso regimen Alexandro cōmiserat. Sed Petrus, recuperatis viribus hunc Principatu pepulit, & properè Legatos ad Sigismundum, pacem oratum captiuosq; repetitum misit, Cum quo ille, & conterminæ gentes, anno insequenti pacta renouarunt, finesq; Turcici Imperij, per Czausios in id à Soleimanno missos, certis limitibus determinarunt, cum quo toto fermè biennio, res turbidæ Hungariæ & Isabellæ Reginae cōponens, per legatos actū quam Ferdinandus, Bohemiæ Rex per vim, Turca restitūte & defendente regno pellere voluit.

Et Si-



Et Sigismundus post celebratum regni conuentum, legatos sub initium ferè quadragesimæ ad Ferdinandum misit, Samuelem Maciciouium regni vicecancellarium & Episcopum Płocensem, Ioannem Latalscium Posnanensem, Fælicemq; Srenium Płocensem, Palatinos, qui Elizabethem eius filiam, Augusto annos viginti tres nato, olim desponsatam in matrimonium postularent, honestoq; comitatu deducerent. Hæc forma corporis egregia, moribusq; maximè compositis erat; incredibili adhæc continentia, & magno in Deum metu, in homines verò liberalitate & gratitudine. Ingredientem Cracouiam ad octauum Idus Maias, Augustus nobilitatisq; ordo, nullo non honoris genere cumulauit, & per Archiepiscopum Gnesnensem Petrum Gamratum coronatam, reginam appellauit, gaudijq; & letitiæ, à viris, mulieribus in templis, porticibus, compitis, priuatorumque ciuium domibus signa promiscuè præbita, At paucos deinde post dies, Augustus nouâ



nuptâ Cracouiæ relictâ Vilnam profectus, rumusculos in plebe post se reliquit, & vrbs post eius discessũ graui peste laborare coepit, vt breui supra viginti hominum millia fato occubuisse numerarentur. Sigismundus itaq; vt urbem multitudine vacuam faceret, Varsauiam se recepit, vbi legatos in varia dimittens & accipiēs, qui ad eum frequentes ventitabant anno toto egit; & reuersus post celebratum ordinum cōuentum ( qui subtilibus turbulentorum factionibus & consilijs scissus, suum effectum non est fortitus, Sigismundo senectâ languente ) mille equites hastatos in Russiam misit, qui in omnē euentum intenti, contra subitas paganorum excursiones pro more illic excubarēt. Cæterum hi raptabundi, temerè ipsi excursiones in Perecopum fecère Turcicis etiam mercatoribus ad Oczakouiam spoliatis aut trucidatis. Quæ res Constantinopolim sub exitum anni nunciata, Principem simul ac plebem vehementer cōmouit, horum enim iactura, multorũ ciuium fortunas



tunas euertebat. Quare Czausium ille, qui merces sibi restitui postulet ad Sigismundum mittit: & hic arbitros legit, damna redonat, & captiuos dimittit. In Valachia autem anno insequenti Petrus Vaiuo da moribundus, Heliam successorem post se reliquit, & subditis persuasit hæredem Principem habere, qui creditum vni sibi imperium, suis itidem stabiliet gratia, arte, præmio, & sic melius regentur ac crescēt, inque libertatem sese hostibus repulsis vindicabunt. Cœpit igitur Helias annuēte populo imperium & tenuit, sed reuera non prospexerit, nisi quod tuitione Turcarum firmus, quorum ductu fæderum iura cum Sigismundo renouauit, & paulò post finitimis ius petatum misit. missique in id Constantinopolim à Rege, Stanislaus Bronieuius primò. deinde Nicolaus Cikouius: tum sub exitum anni Andreas Iacobouius, qui simul & Isabellā iam tum à Turcis ipsis oppressæ, res cōmunes ageret. Sigismundus aut anno insequenti, ordinum omnium conuentu



Petricouiaꝝ absoluto, & rebus è sententia constitutis, morbo vehementi correptus (sub initium anni quadragesimi octauì supra millesimũ & quingentesimum à partu Virginis) Cracouiã se deportari curauit, quo confectus, ipso latissimo die Paschatis extremo solatio seu viatico præmunitus, inter suorum manus expirauit, ætatis annum agens secũdum & octuagesimũ. Cuius decessum non modo proceres & atrata plebes luxit, verũ exteræ etiam nationes regesq; indoluere. erat enim ille (à parente meo qui in Aula & famulatio ipsius agebat, audiui) plerisq; dotibus corporis atq; animi ornatus, vultu decorus, corpore erectus & summis viribus præditus, vt restes non contemnẽde crassitie & saleas equorum facillimè manibus frangeret: adhæc eloquentia promptus, sermone parcus, ingenio & memoria validus, lepore & dictis etiam facetus, atq; omnia cum regio quodam decore & maiestate. Accessit virtutum studium in toga & in bello, animi magnitudo & libe-



& liberalitas: vno verbo, vix alium tanta indole aut spe Regem Polonia viderat. Post eius occasum Augustus filius, (Vilnæ tunc agebat) properis procerum literis accitus vt primùm nuncium accepit, extemplò mæstus Cracouiã mouit & venit, quem mater Bona & sorores squalentes (quis matris & filij affectum nescit) per Samuelem Macieioiũ vrbis Antistitem & Regni Cancellarium excipiunt & consalutant. resalutat ille per Vicecancellarium, & diem exequiarum edicit; conuocatisque vt suprema erga memoriam patris sui munera fungerentur, vniuersis regni optimatibus ac regulis, magnificentissimo, die funeris apparatu ac sumptu, in Basilica D. Stanislai iusta persoluit. Et tandem consenso paterno solio, iussit vexilla explicari, & alia solita fieri in nouo regno, quod patre adhuc viuo in manu eius erat, electione siue iudicio delatum.

Postque annos plures, quibus vario euentu aut fortuna Imperium rexit, morbo itidem correptus,



reptus, haud multis æstium ante solstitium diebus, Ticociniæ interiit, liberis ipse orbus, & vltimus stirpis Iagelloniæ hæres, Quo regnante Poloniæ res, non minus quam patre viuo maximè flourere, nam & virtutibus heroicis patri non absimilis erat, & finibus amplis à Septentrione eam adauxit, Liuoniæ Ducatu firmiter subiecto: & bellis partim compositis, partim etiam confectis pacem reddiderat fessis, tranquillitatis atque opulentiae plenam. Sed & cum iam ipse langueret aut animo linqueret, Iazlouecius exercituum Generalis, Iuoniam Valachiae Palatinum, scriptis conditionibus in fidem & tuitionem recepit, inq; regis verba iuratum, Polonis tributarium post multa tandem bella subiecit. Is cum venale apud Turcam penderet Valachicum imperium, & subditi male in Bogdanum animati, quod aliquamdiu sæuiter & multa procerum cæde imperassent, res nouas agitarent, arma in eum cepit, & expulso, in aula ipsa graciosus, inuasit imperium, atq; armis perit.



perit. sed mox iisdē amisit. nam & Petrus Moldauici Palatini frater, pecuniosus & ambitiosus homo, eodem aspirauit, & ad Principem Turcicum accedens, modum pecuniæ certum & maiora tributa, vt in solenni auctione promisit. Princeps ad Iuoniam retulit, & cedere huic, an cōcedere tam immanem summam velit quaesivit. Ille re cum suis deliberatā, respōdit. *Mal-le se popularesque suos, armis à tali auaritia aut rapina defendere, atque tanta pecunia pro Christiani generis gloria facinus aliquod insigne, scriptis militibus edere, quam vt in has condiciones aliquādo paciscatur.* Moxque Czausio dimisso expeditioni se parat, comites & milites colligit, ac in primis Kozaccos è Podolia accersit, quorum virtus perspecta sibi erat, nomēq; iam tum in Sarmatia ingens. Hi nūcio & literis acceptis, non existimabant eos militari nomine esse dignos, qui auxilia à se implorantem aspernarentur, & in rebus tam arētis non irent adiutum, & à tyrannide barbarā Christianos liberatum,

M m

sed mox



sed mōx lectis mille ducentis fortibus viris subsidio mittunt. qui itineri sese citato agmine cōmittunt, & properè Nestrum ad Chocimiam traiciunt. Quorum ductores Suiersezouius & Barsan præstantiores, ac rei militaris peritiores erant, sed fortissimi omnes, & quibus nihil prius erat nec antiquius fide, disciplina, sobrietate, & vigilantia. Expectabat Iuonia eorum aduentum, vt vna secum de Moldauica aduersus Petrū expeditione, quam iam occipere instituerat cōsultarent. cernebat enim animo, quanta esset eius futura belli moles, quem sciebat maiores quam se vires ad alendum bellum habere, & Selimum Turcicum Imperatorem his irritatū, susceptam semel expeditionē non deserturum. Ideoque maturior illorum aduentus, fuit ipsi perquam gratus, præsertim quod tam liberè & properè absque vllō stipendio aut pignore ad eum venissent, fortesque viros in eam expeditionem assumpsissent, sciens sibi cum hoste haud quaquam contemnendo, cumque validissimis co-



mis copiis rem futuram, Idcirco latus, omnibus abundatissimum epulum sub tentoriis præbuit, ipse discubuit, tractauit, & in letitiæ signū tormenta ænea explodere iussit. mensis remotis grande pondus auri, in patinis argenteis allatum in coram deposuit, rogauitque vt quoniam gratis ad se venirent, hoc munus gratis iustè à se haberent; sed renuunt illi seq; gloria non auro indigere aiunt. instat tamen, & auaritiam superatam cum videt, stipendij loco accipere iubet: victi illi precibus & honesta voluntate principis, capiunt, & inter se partiuntur, ipse verò statim illi & locum in castris sub vesperam assignat, & sex vini dolia sexcētosq; argenteos nummos numeris ergo mittit. Postridie, rubescente aurora ipse adit, & omnes in tentorium vocat, hunc in modum ad eos ordiendo. *Nisi mihi cognita virtus vestra esset, fortissimi viri, nunquam presertim vos in commilitium accersissem, è tam remotissimis Podoliæ partibus eductos; sed quia nota & spectata est, nomenq; vestrum latè*



*ac longè polleat, ideo expeditionis huius socios & milites habere volui, quam pro Christiani nominis gloria, libens lubensque in Turcas suscepi, etsi à Selimo ipso motus & excitatus, sed quod mihi à puero adhuc cordi erat, Et is semper finis consiliorum meorum fuit, ut omnes meas vires in illorum perniciem conuerterem, vitamque hanc meam pro eius religione exponerem, qui pro hominum genere vitam effundere non dubitauit. Tum ut patriam hanc meam (sed in Masouia oriundum maior probabiliorq; est sententia, & in Aula Nicolai Firlei Polemarchi Poloniae educatum certissimo constat, inde Bizantium translatum, & Machometanum agens res coceptas moliri) subitosque hosce in libertatem vindicem & asseram, quos cum urgeri præmiq; ab hostibus immanissimis cernerem, non fuit æquitatis meæ, in tanto status discrimine eos destituere, sed defendere vel viribus vestris, quos stipendio educere & conducere institui, At quali aut quanto? modum non statui, neque inquirō, veritus ne virtuti vestræ minus valens aut decens præmium proponam.*



ponam. quos magis reprimendos moderandosq;  
quam incitandos aut cohortandas in bello reor.  
neque aurum aut precium aliquod quærere pu-  
to, sed quod ab ipsa virtute est, immortalem glo-  
riam. Tamen quo cuncta alacriore animo in ea  
consequenda agatis, pecuniæ vobis & commea-  
tus affatim suppeditabitur, & dabitur quantum  
ipsi volueritis. Quibus simul & gratias ingentes  
debeo quod Christiani nati, Christianis liberè sup-  
petiatum venistis, licet exigua manu contra tam  
potentissimum hostem, nihilominus tamen nume-  
rum vestrum ego, duodecim millium valoris æ-  
stimo, sperans Dei ope, qui iustitiæ fauet fore, et  
acceptas iniurias, hac vestra dextra ulciscamur.

¶ Nam & aduersariorum nostrorum primordia  
satis etiam exigua fuere, sed fortuna (non enim  
Deo) prouebente, in tantam ut videtis altitudi-  
nem vener, delictis nostris. quæ ut cælesti iusti-  
tia æquante, aut remunerante opprimantur, sed  
& reprimantur, ipsi auctores & causa sumus. Et  
nec illi etiam alia fortuna vincunt quam ignauia  
nostrorum, inertia, discordijs, & perfidijs, quæ



omnia sunt abominabilia Deo, Deo, inquam, qui  
 omne quidquid est, erit, & fuit, temperat, suavi-  
 ter, prudenter, utiliter. Quare & has immanes  
 belluas, quæ fraude non Marte regna possidere  
 sueuerunt, quo sublimiores esse sint, eo grauiori  
 lapsu, (& quis scit an non & manibus nostris?)  
 corruere permittet, Christianique rursus reple-  
 bunt & felicius colent. Plura effari, plurisque  
 me commendare vobis, nec possum nec audeo, &  
 quam vos aduenisse gaudeo, numina testor, vosq;  
 ipsi cernere incoram potestis. Hoc tantum uni-  
 cum addo, fortunam meam, fortunam vestram  
 esse. Dixerat & magnitudine pietatis illacrima-  
 tus extemplò cōticuit. Ad quem Suierfczouius  
 Non stipendia vlla, quæ nos nibili facimus. nec  
 nos Magnanimè, Iuonia adegerunt, sed virtus  
 ipsa, & sic honesta voluntas tua, cui suesse cupi-  
 entes certatim properabamus, & nū bello suc-  
 cumbas à paganis pressus, rem sã iustam sup-  
 petiandi existimabamus. Adhærescentes autem  
 nihil diuidet, nihil distrahet, aut separabit, sed  
 qua fide semel coniuncti, ea semper firmati &  
 constan-



*constantes hostes tuos Deo benè iuuante præsfiga-  
bimus; idque non alia spe aut præmio, nisi quod  
ab ipsa virtute est ut dixisti, immortali gloria,  
cuius exoptatus finis victoria, non ex robore no-  
stro neq; ex hominum consiliis, sed ex summa Dei  
voluntate, ac potestate proficiscitur. Nos autem  
absque stipendio ullo ad omnia promptos & pa-  
ratos habebis, etiam ad extremos casus: merce-  
dem verò non aliam abs te, quam te ipsum volu-  
mus, id est animū tuum nobis & Polonis addicere.*  
Postquam hæc elocutus est. Iuonia dicto Swier-  
sczouij militibus parere iussis cōplexus virū, so-  
lutus in lacrymas, & collaudatos omnes ad præ-  
dium iterum excepit, hilarèq; ipse epulatus. Se-  
limas verò postquam legati sui reuenire, talia  
nuntiantes, scribere milites, & machinas para-  
re extemp̃o iubet, missisq; triginta Turcarum  
& duobus Hungarorū in Moldauiam millibus,  
iubet Palatinum adiunctis suis, copias vniuer-  
sas in Valachiam traicere, & Iuonia expulso aut  
capto Petrum fratrem Imperio præficere. Paret  
ille Principi, additis suorum quadraginta milli-  
bus,



bus, & in suo solo ad fluuium Moldauam vbi  
cōmeatum & maximè pabuli copia erat, dies  
aliquot quieti donat, nihil hostile metuens, vt  
defatigatos ex longo itinere Turcas aliquātum  
reficeret. Quo per exploratores Iuonia cognito,  
delectam properè Kozaccorum manum, clām  
eò cum Swierfczouio mittit, addit & Valacho-  
rum sex millia, ipse mox subsidio vēturus. Swier-  
fczouius silenti agmine profectus, quadringen-  
tos qui prostratione noctu excubabant Turcas,  
inopinatò circumuenit, & antequam hastas di-  
rigere aut gladios stringere potuissent ad vnum  
cœpit, ex quibus edoctus, incautiùs hostem in  
castris agere, & nullo sepimento obbueto, flu-  
mine solo ac mōtibus fretos passim vagari, con-  
festim ad Iuoniam nunciatū misit, addito quod  
somnos ignauissimos ducerent. Igitur antequā  
expergiscātur & armis instruantur, cum copijs  
properus adsit, posse nunc disiectos & longin-  
quitate itineris fessos faciliùs adoriri. Fecit ille,  
& iste ad horam circiter tertiam intentus & in-  
structus



structus aduigilat; & cum aduenisset, diuisis in tres acies copijs, adoritur clamore turbido ignaros, & tintinabula tubasq; occanere augendam ad formidinē iubet: primus qui dextram alam tenebat Swierfczouius pugnam commisit in semisomnes strenuè illatus, quorum alios resistentes cædit, alios inermes capit, & alios fugā attentantes vulnerat, cum Turcæ equis per conualles pastum dimissis, haud acriter pedes pugnare insueti potuissent. Idem & Iuonia ipse in Genitzarorum agmen procurrens facit, ac paulò post in fugam actos acriter vrget, cum audacius nitentes Valachi, equorum impulsibus passim protererent pedites & sternerent. Addebat cōsternatis terrorem nōx nimbo atrox & montis anfractu repercussæ velut à tergo voces, tum suorum atq; hostium ignoratio: Hostibus igitur cæsis & repulsis, captivos omnes, quorum grandis numerus ad petente luce repertus, Iuonia trucidare iussit, & nullum è Turcis viuere permisit. Moldauus tamen ipse cum fratre Petro &



tro & ductoribus Turcicis elapsus, in vicinam sese arcem recepit, sed aquis stagnorum Danubij ægrè tranatis, & pluribus in natando lassitudine & grauitate armorum merfis. In castris præda ingens, cum rerum aliarum, tum auri atq; argenti reperta, barbari nanque pro more dimidiam partem fortunarum secum bellaturi accipiunt: id totum Iuonia militi & maximè Kozaccis partiendum dedit. Iude locupletato exercitu, populabundus interiora Moldauiae ingreditur, vicos exurit, segetes corrumpit, & quosque indeptos capite plectit. contusisque aut afflictis Regionis popularibus, qui montium editis, iuculti, atque eo ferocius agitabant, Brailouum adpugnare magno labore intendit, Palatinum ipsum cum thesauris antiquis, non minus crudeliter quam pertinaciter repugnantem subacturus, atque in primis ad præfectum arcis (Turca is erat) duos è captiuis mittit, vt tradito sibi cū Petro, Palatino, se culpa, omnes metu exolueret, nam alias se inde non discessu-  
rum



rum sciret, nisi vrbe & arce direpta. Verum iste  
feroci & elato animo, missis per quatuor Tur-  
cas decem maioribus & totidem minoribus  
tormentorum globis, his se cibarijs tractaturū  
luoniam respondit, quæ omnino dura conco-  
ctioni ipsius erunt. Inritatus hisce luonia lega-  
tos illos, auribus, naribus & buccis recisis, ante  
urbis muros pedibus patibulo adfixit, obsessos  
autem terra & Danubio simul arctè oppugna-  
re cæpit, dispositis circum balistarijs ac sclope-  
tarijs, quorum magnus in castris erat numerus.  
& pugnae signo proposito, peti aggerem, erigi  
scalas, ac promptissimum quenque succedere  
iussit, alios tormentis globos, saxa, & faces in-  
gerere. Caterum comminutis, aut deiectis  
non semel scalis, instaurata sæpius pugna, præ-  
liatumque atrociter tribus circiter horis, donec  
Swierczouius deiectis è muro propugnatori-  
bus, per humiliorem turrem cum Kozaccis in  
urbem irrupit, & aditu facto maximam peditū  
ac gregariorum partem immisit, tum portis



effraçcis cætera multitudo iniuit, discursumque ad prædam, hoste superato, quæ hercules omnium Moldauix vrbium & contiguarum gentium opulentior erat. quia longo tempore à Turcis capta frequens mercatoribus, finitimarum etiam vrbium fortunas recondebat, & quique locupletissimi propter situm illius tutum ac securum, thesauros illuc clanculum obseruandos comportarant, Captâ ergo eâ & direpta, omnibusque habitatoribus cæsis (ne puerum namque infantem viuere in omni prouincia luonia sinebat) decreuit totis viribus arcem ipsam oppugnare, in quam cum præfecto qui auxilio vrbis exierat, multi sese ciues receperant, & ad propugnandum opportuna parabant mira celeritate, summo studio, diurnisque & nocturnis laboribus, vt quibus maior exitij quam vitæ spes erat & non nisi in armis salus. Eadem quoque curâ & in castris expediuntur necessaria futuræ oppugnationi. Et iam muros tormentis quate-re parabant, cum interim exploratores quinde-cim Tur-



cim Turcarum millia venire docent, vt circum-  
fessæ vrbi, (quæ iam debellata) quamprimum  
auxiliarentur. Quare eo intentiore animo ex-  
pugnandæ arcis Iuonia ipse curam suscepit, ho-  
sti verò aduentanti Swiersczouium cuius virtu-  
ti plurimum confidebat, obuium misit, octo  
Valachorum millibus attributis. Profectus iste  
præfestinans, inopinatum peregrè indipiscitur  
hostem, & strenuo impetu adoritur, tenebris  
ad hoc dilectis; editurque pugna rara, & nobi-  
lis, fortibus animis vtrinque decertata, cum Bas-  
sa cladis superioris gnarus, quæ haud absimilis  
erat turbatos circumire, hortari, vt sua quisque  
munia seruarent immoti, non desineret. Swier-  
sczouius etiam nunc solus summis viribus in  
hostem ferri, nunc alios secum rapere, & hos  
dextra, illos clamore impellere, ac fortia facta  
suorum extollere itidem non omitteret. Fracti  
tandem Turcæ & spe animoq; destituti, in fu-  
gam sædam vertuntur, quorum mille tantum  
incolumes Thehinam peruenere. Bassa ipso vix



non amisso, qui manu, voce, vulnere, diu sustentabat pugnam, & iam à Kozaccis interceptus erat, sed nisu corporis forti & impetu equi persuasit, & quos equorum pernicitas eripuit. Victor inde Swierfczouius ad expugnanda aduersariorum castra vltèriùs pergit, vt eadem fortuna auctus incautos opprimere faciliùs possit sed cum excaptiuis accepisset, multò maiores Turcarum copias inibi esse & Scytharum aliquot millia adesse, illos autem quos vicerat præmissos modo & præcursores fuisse, continuò Brailouum ad luoniã misit, vt arcis obsidione missa, quanta maxima posset celeritate huc ad se properaret, si statum suum saluum esse velit. Quod vbi luonia sensit, properè inde mouit, in vna celeritate omnem victoriæ spem positam habens, & eo maximè, quod Scythas illic adesse cognouit, quorum omnis etiam bellandi ratio in sola ferè celeritate consistat, qua sine vlla controuersia facile omnibus gentibus præstant. Itaq; tenebris ac silentio feliciter vsus, nihil sibi  
ad se-



ad festinationem reliquum fecit, interque hostium castra & Thehinam cum exercitu confedit. Et Swierſczouius paullum è castris cum paucis digressus, vt hostium aciem & loci situm diligentius specularetur, postquam cuncta cognouit, reuersus continuò pugnandum suavit. Itaque signo sub solis exortum dato, prælium ingentibus animis committitur, atrox quidem & cruentum, vtrinque pro gloria, salute, & libertate, dubio Marte dimicantibus, sed peruenit Valachus tamen, acrius & audacius vrgens, ac viam strage hostium aperiens. Bassa verò cum permulti sui caderent percussus; paucis in pugnantium speciem relictis, cum optima parte equitatus fugam effusam properauit. ne autem suus discessus similis fugæ videretur, ad cogensdam cedentium Scytharum manum proficisci simulauit, quorum dux pugne initio, ante ora suorum volitans, cum fortiter præliaretur, à Sokolouio ductore Kozacco, lancea iugulum traiectus, è prælio semianimis excessit. Genitzari  
qno-



quoque Bassæ absentia (inter quos Imperatores locum habere solent) perturbati, sese in fugam itidem coniecerunt, licet ægrè perfracti, desperatio enim illis animos faciebat, neque tam ut mortem fugerent, quàm ut non inulti caderent, acerrimè pugnabant. quos Iuoniani equis proterentes, omnes prope ceperunt. Sed nil opus captiuis Iuonia dicebat, insisterent cædibus ne minimo parcens. fugientium autem alij in Syluas alij in arcem Thehinianam citatis equis sese receperunt, quam ut expugnaret Iuonia subito castris hostium direptis, suadâ Swierſczouij ad muros succedit, & scalas admoueri mæniaque tormentis verberare continuò imperat. Cæterùm oppugnatio ea acerrima fuit, cum etiam Turcæ tormentis variæ magnitudinis, & viris fortibus per muros dispositis missilibus, pilis, & saxis, impetum à mænibus repellerent, & ne quis per scalas in murum euadere posset, summa ope contenderent, fæminis & qui supererant imbellibus negotio dato, ut pugnantibus lapides &



des & tela ministrarent, Sed nauiter perumpere nitebatur luonia, quod oppidum ipsum magnū atque opulentum erat, & magni profecto momenti ad bellum Turcis inferendum, nam Moldauicæ simul & Turcicæ ditionis ager, percommodè ex eo vexari poterat. Itaque dum acriter pugnatur, Hieremias qui Valachis præerat obsequitans mænia, locum quendam neglectum, cuius propugnatores ad propinquum sese tumultum contulerant animaduertit, iussitq; ex templò proximis domibus ignem iniicere, qui vento adiutus magnam vrbs properè partem hausit, & oppugnantibus viam interim patefecit, qui vulneratis aut cæsis maxima è parte defensoribus, pluribus in locis vno simul tempore irrumpunt, fugitantesq; per urbem barbaros cædunt, solam internationem gentis finem bello & victoriam existimans, ideoq; nec fæminis, nec pueris parcūt, quorum fletibus omnia passim personabant, & clamore, lamentatione, eiulatu, plateas, aëra, cælum denique ipsum implebant.

O o



plebant. Arx incolumis mansit, sed præfectus illius cecidit, qui magnum nomen in ducibus obtinebat, & multa ac præclara olim decora virtutis militaris obierat, & tunc urbis tuendæ cura suscepta, per muros discurrebat, celerius eo opem afferens, ubi suos magis premi, & muros vehementius quassari viderat. Et quia arx illa propugnatoribus firmata, inexpugnabilis videbatur, ipse in obsidione luonia permanens, post tot suorum labores quiescendum illic aliquantulum instituit, arbitratus sola fame ad deditionem adigere posse, cum ingens multitudo bellatorum & imbellium oppido amisso, illuc se præ metu includerent. Swierfczouium autem cum sexcentis Kozaccis in agrum Belgradensem prædatū misit, qui citato gradu mouēs, protinus & omniū ferè animis ab expectatione illius auersis perrupit, ipsoque impetu effracta porta in oppidum irrupit, cum oppidani clade recenti suorum territi, vix prima impressione sustentata, proiectis armis sese fugæ mandarent, & victor



& victor Swierfczouius tota vrbe peruagatur, rapit, ruit, sternit, multisque per agros cladibus editis, cum præda onusta ad luoniam redit. Sed cum ex itinere accepisset, Turcas celeriter collectis dissipati exercitus reliquijs, cum valida Tartarorum manu subsidio arci Thehinia aduentare, Moldauumque cum eo delectu quem post suum discessum raptim cogere potuit, properè accelerare, vt iunctis simul viribus luoniã aggredereetur, cui singuli pares esse non possent. haud mora cum suis Kozaccis aduersus illorum castra explorabundus contendit, & ausa frustrari volens media protinus loca occupare intendit. Cui tria Valachorum millia luonia in tempore submisit, ipse nihilominus in arcis oppugnatione perseuerans. His ille auctus, prælij fortunam æquo in loco tentare, priusquam tantæ copię coniungerentur magno animo decreuit, instructisque ad pugnam quas habuit copijs, Valachos omnes in insidijs locauit. Ipse in aciem cum solis tantum Kozaccis progressus, eos pari



numero in tres turmas diuifit, primam, in qua quadringenti cum fcutis fclopetarij erāt haftatę aciei oppofuit, fecundam, quamin leuo cornu lanceis armatam ftatuerat, Tartaricam legionē à latere ferire iuffit. dextrum ipfe cornu arcu fuccinctus regit, & animofa audacia cōgreffus, in os hofti intēdit, infignemq; pugnam primus omnium edit, nam ficuti ingenio vigilanti & acuto maximè præftabat, ita ante alios ipfe afpera adaufter aggredi, & pugnā impigre ciere erat folitus. At barbari paucitate audacius contempta, à tergo circumgrediuntur pugnantes, & viuos omnes vinctosq; in perpetuam feruitutē abigere conantur; fed Valachi in infidijs locati, re ex vocibus cognita in tempore accurrunt, fuos hortantur, & hoftes pugna implicitos de improuifo inuadunt. Tum noua acie turbatus Scythia, illicò pedem referre cœpit, & fiduciam Iuonianis, terrorem Turcis (qui foli cum Genit-zaris haud feqniter reftiterant) & confternationem auxit. diu tamen ancípití euentu pugnatum;



tum; verum cum & ipsi nullis sustentati auxiliis vim diutius ferre non possent, laxissimis habebat se in fugam coniecerunt: quos Iuoniani confectati, magnam eorum partem, & ipsum exercitus ductorem strenuè propugnantem ceperunt, quem ne in conspectum Iuoniæ Swierczouius duceret, ter argento, bis auro, & semel vnionibus preciosis sui pondus in equilibrio redimere voluit, sed potior ei auro fides fuit, & reliquis trucidatis, cum ducentis præstantioribus ad Iuoniam deduxit. Qui illic eum post interrogatos sermones, aggressibus discerpendum incoram dedit. Cum autem nulli apparent hostiles exercitus, dimissis Iuonia ad conquerendos & comportandos cōmeatus copijs, ipse neque labores neq; pericula detrectando, obsidioni arcis cum Kozaccis intendebat, vel minimam temporis iacturam, per incōmodam sibi ac periculosam existimans. Et ne interim valentior hostis accederet, Hieremiā cuius fideli ac forti opera superioribus bellis vsus fuerat,



cum tredecim Valachorum millibus, ad ripam Danubij castra metari præcepit, vt contra subitas hostium excursiones excubans, occulta saltuum scrutaretur, & transitu fluminis prohibēs in omnem rei benè gerendæ occasionem intentus animaduerneret. At Selimus clade suorum cōmotus, veritusq; ne tractum illum quem maiores sui magnis laboribus versus Danubiū occuparunt amittat, & Moldauix Palatinum sibi cum fratre Petro fidum, in periculum mittat, confestim Bassam cum validis copiis (ducenta millia erant) in Valachiam misit, vt & Iuoniam bello lacefferet, & adhærescentes sibi Dacos. Is quum sciret Hieremiam, dimissis longius speculatoribus ad ripam Danubij excubare, nihilo sequiū ceptū iter persequutus, misit qui clām animum illius explorarent, & de transitu liberò paciscerentur. Et ecce enim uero avarus iste pollicitationibus captus, concessa transeundi facultate ipse ad eos se cōtulit agiturus. acceptisq; à Bassa triginta aureorū millibus, omnis  
huma.



humani iuris ac diuini oblitus, per saltus atque aditus custodes disponi iussit, ne quis è suis ad luoniam iret, à quo hostes aduenisse certior fieri posset. quod tamen scelus haud multum diu impunè tulit. & cum iam omnes fluuio superato in tuto essent, ipse Thehinam ad luoniā profectus, grandem exercitū, & cui in arcendo flumine haud par erat, aduenisse denarrat. Et hic ad quæquæ difficillima promptus & animosus, relicta obsidione suos arma expedire, & itineri accingere continuò iubet; coactisq; per viam quas dimiserat eopiis & aggreſtibus, obuius ad hostem pergit, vniuerſi certaminis fortunam subiturus, atq; ideo haud procul ab hostium castris, castra sua in aperto communit. Ad quem Kozacci aduersariorum numerum ignari, & velut dolum adorati (cum haud satis fiderent Hieremiæ quod Valæhus gente & natura mutabilis esset) cuncti conueniunt consultaturi & ſciſcitaturi, Tum primus ad eum Swierſczouius

*Quicquid à fidei milite, & tuis beneficiis obſtri-*  
*cto exi-*



Et o exigi expectariq; o Iuonia potuit, id totum  
constanter bonaq; mente præstitimus, idem &  
hodie ac postea repræsentaturi, adeò, ut non nisi  
per cadauera nostra gressurus, hostis tuus Vala-  
chiam inire possit. sed hoc vnum superest nobis,  
ut consilia, artes, situm, atq; numerum hostium  
nobis denarres, ne fraude circumuenti, (licet  
minime mors horrida nobis) velut brutis similes  
pereamus. Proinde si quid ex observatoribus di-  
dicisti aut faciendum animo proposuisti, ne sile-  
nos summa fide satagemus, quod & cunctis ne-  
cessarium & utroq; sit dignum. Admiratus Iuo-  
nia fidem & osculatus affectum lacrimas præ  
gaudio cum multis suspirijs effudit, & O milites,  
virtutem ego vestram tot casibus expertus, in pe-  
riculum mittere, nec cupio, nec bona conscientia  
possum, qui ultrò in commilitium venistis, fidis  
sudoribus seruistis, & tot bellorum superstitem  
atq; incolumē patriæ censeruastis; proinde vir-  
tuti vestræ fisis, ne minimam quidem rem absq;  
consilio vestro facere volo. sed addo, vita mihi  
mea vos cariores esse; nec enim minus arctò vin-  
culo



*culo anima hæc, corpori illigata est, quam affectus vobis. De hostibus autem hoc exploratum & satis compertum habeo, non amplius quindécim millia in armis esse, & dato quod duplo plures sint. poterimus tamen eos Deo bene iuvante proturbare & propulsare à patria nostra, sed non esse plures, certò ex Hieremia cognoui, cuius fidem & virtutē in multis magnisq; difficultatibus probatā habeo, qui cū illis quibus præest copiis breui huc veniet, de omnibus significaturus. Non acquieuit Swiersczouius, sed cēsuit illa die à prælio continendum, donec ipse explorabundus adiret, & interim in castris faciendo prælio necessaria, summa cum diligentia compararentur. Probato luonia illius consilio, cum sex Valachorum millibus & Kozaccis clancūlum dimittit, & ipse aggrestiū manum quanto potest maiorem comparat, & ducibus ac tribunis cōuocatis imperat, vt quam maximo silentio cum exercitu instructo de secunda vigilia ad signa ad sint. Swiersczouius verò per noctē citato equi-*



te profectus, & Turcarum stationem in qua sex  
hastatorum millia erant, itinere maximè occul-  
to adortus, ad primum adspēctum dissipauit,  
quorum quanto conspicui magis propugnato-  
res erant, tanto pluribus vulneribus trucidati,  
vnus modo captus lethali vulnere sauciatus, &  
à quo minime in necessarijs Swierſczouius do-  
ceri poterat, sed homo sagax, ex ipsa quam de-  
turbauerat statione, grandem multitudinem  
coniectatus, quid futurum præuidet, & ad Iuo-  
niam extemplò regreditur, monens & mon-  
strans quomodo Hieremiæ fidere debeat. Sed  
animosè Iuonia *bono, inquit, animo Swierſczo-  
ui esto, neq; te fraude aliqua circumuentum pu-  
tato, nam ego scio cui me resq; meas committo, &  
etiā si multitudo aliqua aſſit, nihilominus tamē  
eam mox numeratum ibimus; nam ideo ego arma  
in hostem sumpſi, & huc cum copiis aduolauī, ut  
sanctissimam CHRISTI religionem ac patriam  
meam, vel vitæ huius periculo à tyrannide defen-  
derem.* acceptisq; cum Swierſczouio trecentis

Kozac-



Kozaccis, ipse exploratum luce prima digressus, & in colle quodam eminentiori castra hostium contemplatus, grandes quatuor stationes per conualles animaduertit latitantes, amplitudinem verò aut magnitudinem castrorum, perspicere haud poterat rupibus visum præpedientibus. Nihilosequiùs tamen ad suos reuersus ordines disponit & acies audaces producit, iusto prælio quod maximè auebat decertaturus. Et descensum est ab eo in certamen cum triginta Valachorum millibus, & mille ducentis Kozaccis, quos omnes in acies triginta locauit tormentis colubrinisq̃ue adhibitis singulæ cohorti, & sinistro cornui Hieremiam insidiarum cōscium præfecit, nolens ab alienare amicum ob criminationes Kozaccorū, inter quos ipse dextram alam regebat. Nam gregarij pedites, qui pro castris instructi totum agmen claudebant, & valido subsidio (viginti millia erant) equitum acies firmabant, nequaquam Iuoniam ducibus aut regulis suis committere voluerunt, sed vel



inter se habere, vel quibus magis fidebant inter Kozaccos esse. Cum quibus dum ille hostium ordines speculabundus obequitabat, numerosissimum agmen conspicatus, scelus Hieremiæ agnouit, & serîo in iram datus properè eum accersire iussit; sed excusat ille, & primam sibi cōgrediēdi sortem obuenire dicit. misit secundo; & Turcæ interea prælium vti pepigerant cum illo commiserunt; iamq; hastas confossuri vibrabant, cum ille exacto signo deditionis prolato, transitionem cum suis extemplò fecit, & victoriam quæ certa & plena videbatur mala forte peruertit. Hoc vbi primum gregarij conspexere, protinus ad luouiam accurrunt omnes & abstinendum prælio cedendumque fortunæ suadent, sed animorum plenus ille, occanere tubas & concurrere acies imperat, primusque ipse Nomen IESV de môre Poloniæ alta voce inuocato, ad confligendum audacter progreditur. Cui Turcæ pro ingenio & meritis, illos ipsos cum Hieremia transfugas descēdenti opponunt,



ponunt, & renitentes à tergo cogunt, vt quos deceperant cupidine auri, illis ipsis pœnas dent ulturis in loco eodem. Quos Iuonia conspiciatus, omne tormentorum genus ac sclopetorū explodere iussit, atq; adeo sœdissimam stragem in illis edidit vt obstātib; cadaueribus, cæteris aciebus locus non esset congregiendi. quocirca remotis paullū legionibus Kozacci, quorum Ductor Swiersczouius acies circumibat, & singulos duces de officio commouebat, ac omnes ad decus vehementer excitabat. in dextrum latus impressione acriter facta, conlato gradu certamen inière, Valachi quoque à fronte fortibus animis conflixère. Et pluribus simul in locis committitur prælium, vario euentu, varia spe, & vario militum adfectu, cum hunc præda incitat, hunc gloria, illum odium, omnes tamen pro victoria & Principe summa alacritate pugnant. Cum autem paullū acrius insisterent Valachi, subducere se Turcæ ac cedere sensim cæperunt, vt instantes tergo pertinaciū in



insidiās traherent, inque globum coactos machinis exponerent. Sed odoratus dolum hunc Swierfczouius Valachos urgentes retinuit, & ut se continuo reciperēt adhortatus est. At barbari conatu suo frustrati, indignatiq; cum nouis & recentibus subsidijs incurrunt in abeuntes, & machinis vano nisu excussis, in confertissimū illati peditem, nouam rursus conferunt pugna. Sustinent isti procurrentem paganum ingentibus animis, cædem faciunt, & multa vtrique vulnera edunt. ex hoste plures cadunt è luonia-  
nis equi hastarum ictibus non pauci confodiuntur, sed & pedites pectoribus equorum proteruntur. luonia vbi fluctuare suos videt, cum globo lectissimorum, & Kozaccis, quos ad pugnae difficillima parauerat, properè accurrit, & pugnam redintegrat milites cohortatus, non voce solum aut imperio, sed gladio etiā & manibus, præclara virtutis exēpla ipse pro laribus atq; focis pro religione & libertate incoram omnium præbens. Nec minus à Bassa & Turcarum



rum ducibus subsidia mittebantur. Valachique pauci in plures paulatim fatigari aut cedere, multi cadere ceperunt, fortuna magis quam virtute deferente, cum capus puluere impeditus adimeret prospectum, adauctus fumo machinarum, quibus tonantibus nullo modo iussa imperatorum accipere, aut signa praeuia videre poterant. Iuonia itaque cum necessitatem aut difficultatem extremam sine spe effugij videt, iubet ad machinas quoad tuto possent recedere suos, ratus harum ciaculatione (quem astum primo conceperant Turcae) hostes comminui posse. Itaque nunc sensim cedendo, nunc acri conatu hostes repellendo faciunt isti, & Turcae itidem insidias suspicati à persequendo subsistunt, prorupitque interim tanta è nimbis pluuia, ut repente suffunderet Iuoniae tormenta, quae illi magno vsui erant, & apparuit Valachorum admodum exigua manus, & terrae facies maximè fœda, truncis, cruore, cadaueribus. Igitur Bassa Dacorum paucitate conspecta aut despecta, recentes in eos Tartaro-



tarorū turmas immittit, his protinūs Genitzaros cum æneis tormentis summittit, quibus illi validi, tantum ferreæ grandinis in aciem sunt iaculati, vt promiscuè Dacos & Tartaros in acie sternerent ictibus, modo victoria penes se integra, licet cruenta maneat. Iuonia camen nihilominus ante suorum ora volitare, animum addere & fiducia implere nō desinebat, licet multi ad latus & tergum occisi essent, omniaq; ictibus peruia manerent. Sed Fatum aliunde stetit equitesq; sui circumfusa Tartarorum legione acrius pressi, & tormentorum globis disiecti, cum nulla haberent subsidia saluti fuga consuluerunt, Iuoniamque ipsum in acie deseruerunt. Solus se non deseruit, cum immoto gregario agmine & ducentis quinquaginta Kozaccis, (cum cæteri fortiter procubuissent in acie) ad quos animosè *Nunc video viri fortissimi, in quem nos casum flagitium Hieremiæ per duxerit, quo & ipse inglorius occubuit & nobis fortè finē exitus attulit; sed ubi capita vestra procumbent,*  
*illic &*



*illic & meum iacebit, animæ in cælum beatæ migrent.* Ad ea Swierſczouius: *Nulla mors o Iuonia formidabilis nobis, qui tota vita ultrò eam quærimus, & ſummis votis appetimus, in acie pro CHRISTI Dei glorioſo nomine mori.*

*Quod tamen priusquam eueniat nobis, nunc hoſce perfidos canes, factò agmine inuadamus fortes.* Et mox Kozaccis equis deſilire iuſſis, aggreſſibus ſe iungit, ne, ſueta velitatione hoſtem cū laceſſeret, peditum ordinem equis perturbaret, cum quibus impetu ingenti prælium occipiens mox Bōbardarios hoſtium in fugā cōiecere, & obtinuere tormēta, quorum non cōtemnendę magnitudinis vnū ſolus Iuonia traxit: ſed arctius equorum impulſu præſſus, quia huic incōmodo opitulari nequiuit, reliquit omnia puluere ſulphureo vt diſrumpantur repleta. & ipſe animorum & ſpei plenus, nihil ſegne, nihil remiſſum agi ſinebat. Et cum præter modum mortis contemptor eſſet, maximo animo facinora in armis edebat, ad milliareq; vnicum cum aggreſſibus



stibus progressus, qui & pugnabant simul, & procedebant, substitit cum iam Sol in occasum præcipitaret, in loco villæ inflammatae, & circumuallauit sese, sed ob aquarum inopiam minimè tuto, fessis ac pane enectis siti militibus, qui ad horam ferè nonam continenter in acie dimicarunt. Bassa itaque reuocatis qui persequebantur fugientes Valachos suis, extemplò circumfusus copiis obsidere Iuoniam statuit, & ne quis ingredi, egrediue possent, aut commeatus quicquam importare, attentissima cura tormentis adhibitis providebat, proximis domibus quia luna minimè pernox erat igne iniecto. Postridie verò exorto sole pugna atrocem committi imperat, quæ triduo indefinenter durabat, ne nocte quidem obsessis spacio ad quietem dato; sed strenuè cunctis pro vallo & fossa propugnantibus, & Kozaccis extra munitiones assiduè procurrentibus, perumpere aut inrupere nullo modo poterant, qui in sola virtute salutis spem repositam habens, adeo pertinacibus o-



bus odijs decertarunt, vt licet omnes fauciati  
essent & fame confecti, nullus tamen locum in  
quo constiterat defereret, sed obligatis conti-  
nuò vulneribus succedentes telis, pilis, & sagit-  
tis proturbarent. Cæterum longius prælio pro-  
cedente, omni bello & calamitate grauior fa-  
mes vrgeret obsessos & fessos cæpit, & siti triduâ  
inediâq; confecti, cum omnes insomnes duce-  
rent noctes, visi sunt pugnare aliquanto remissi-  
us, sed nihil æquè quam sitis pallentes fatigabat.  
Itaq; erigente cum Swiersczouio Iuonia vnum  
id afflictæ remedium decreuere, mori pro patria  
& religione, pugna extra vallum commissa, sic  
vt ne vnus quidem victus & vinctus in hostium  
manus veniret. Obstupescit ea alacritas & vir-  
tus Bassam, ideo missis ad Iuoniam qui veniam  
nunciarent, suasit cum nulla se ratione tueri  
posset, potentiori obtemperandum, & fortunæ  
tempestatiq; concedendum, ac ne diutius af-  
flictari miseram plebem pateretur, ob solam  
virtutem illius, sciret mansuetissimum se cun-



etis futurum. Iuonia audito nomine plebis, à qua vnice amabatur & amabat, habendam rationem illorum duxit, ne fæda occidione occūbant, tot laboribus & fame enecti, quam diutius herbis ac radicibus teneris intra vallum consumptis ferre haud potuissent. Igitur cum conatum omnem frustra esse pro libertate videret, prodijt vallo hisce conditionibus depactus, vt Kozaccis quò vellent libera abeundi potestas esset, & ipsum incolumem Constantinopoli sisterent. Aggrestium verò nullam mentionem fecit, sed eo ipso dari veniam putauit, quod trucidare deditos sæuū, & Principi damnum, cū tam fertilis prouincia diu inculta maneret. Iuramento itaque recepto, cum Kozaccis vallo egressus talibus sibi obuios Turcas affatur. *Siquidem ita superis visum, vt hodie ego in vestris manibus essem, resistere fatis nec possum nec audeo, sed quæ illa voluerunt victus pareo. Diuinitas enim profundo consilio hunc ordinem disponit, ditat, euertit, sublimat, adfligit, & rursus in melio-*



*meliozem fortunam quem constantem aut supplicem videt restituit. Quare cum presentem sortem meam intueor & altius considero, iuste mihi Deum meum subiratum esse inuenio, quem tot vitiis cupidine dominandi scelestus offendi, futilia Machumetis vestri deliria ineptiens, ut sese modò in gratiam Principis, à quo Imperium, insinuarem: sed quia inuitus amisi, quid mirum? fortunæ hæc iniuria est. Vobis victoribus obedio, & per numen aduocatum Machumetemque vestrum rogo, ut bona fide conditiones expleatis patias, maxime vero ut hosce fortissimos milites, securos ad penates abire permittatis, quibus si ob virtutem egregiam insensi estis, in meo capite ulciscimini iniurias. Tum ad adstantes eos, Pro vestris fratres summis in me beneficiis & laboribus, ultimas hodie gratias ago, sed præmium nullum præsto; verum si me patria (quod non dubito) reducem Selimo annuente videbit, æternum exemplar obsequij & remunerationis ero. Nunc autem id ipsum præmij capite, quod ad ultimum vitæ spiritum, memoria vestri in*



pectore meo durabit. Ad ea Swierſczouius: *Vtrumuis horum eueniat, Magnanime Iuonia, nos tamen ſpiritum antequam ultionem amiſſuros ſcito: nam ſeu ſolita ibi barbarorum perfidia concides, nos per memoriam tui obteſtamur, non deſituros à bello, donec ipſi fato eodem iniquam vindicando mortem ſuccumbemus: ſeu etiam incolumis, quod maxime auemus, in patriam (cuius eximia hæc in te & ſincera pietas eſt) reuenies, ultimum nobis vitæ finem tuæ ſortis ultio adferet. Nunc verò cede Deo, cede temporibus, & teipſum orbitâ firmatum, mollioribus & melioribus fatiſ reſerua. Dixerat, & ingenti luctu exoſculatus dextram, cunctis ſuſpirantibus contingendam de ordine monſtrat. Tum ad ducen-  
tos paſſus Iuonia ab ijs progreſſus, reliquã multitudinem vallo cum lacrimis educit, & laudibus gratibusque pro conſtantia veneratus, ſupremũ vale edicit. Et reuerſus iterum ad Kozaccos quicquid apud ſe ex vnionibus precioſum habuit, totum eis diſtribuendũ dedit inquiring.*

*Malo*



*Malo hæc apud vos, commilitones mei relinquere, quam his perfidis canibus inuitus dare, quorum nefariæ pedes nequam hoc patrium meum solum calcarent, si vestrum numerus mihi esset paullo prægrandior, vel ad summum illi superuixissent mille, quos licet illustris acies sustulit, tamen præmature exitu eripuit mihi. sed quia eripuit & me quondam florentem comminuit, frustra questus & dolores, cum ipsi talem prouocauimus indignationem Dei, cuius fatis seu decretis necessario est parendum. exoptandumque ut salui & incolumes tandem vos ad penates vestros, ego ad Principem meum deuenire valeamus. unde numine eodem adiutus iterum imperium hoc capere non dubito, vobisque & tnclyto Polonorum nomini addictus, hanc gratiam promereri spero, quorum fidam constantiam, & inuictum robur, tot bellis & tot periculis sum expertus in vobis. Moxque vilem penulam indutus & vnicco Polono (Osmolski is erat) comitatus, hostium castra ingreditur inermis, à quibus ad Præterianos perductus, militariter & nullis precibus  
miseri-*



misericordiam requirens Bassam salutauit, cum quo Turcica lingua circiter quatuor horas collocutus, cum voce acerbiorē lāsisset, graui vulnere ab ipso percussus, in terram collapsus est, & iacenti circumstantes Genitzari caput illico amputarunt; quod postea in hasta alta suspensum, ad terrorem & fidem circumtulērunt. cadauer verò ipsum Dromedarijs adligatum, & dilaceratum bifariam, milites in frustra conciderunt, cruorem telis contingentes seu intingentes, quo tales & ipsi bellatores euadant. Postea in gregarios signum prorumpendi datum, qui hortante & erigente Swiersczouio vt in aperto, belli iure non inulti caderent, insignem stragem in hoste fecerunt. Cæterum occupato à Genitzaris vallo quo sese recipere adnitebātur, omnes in vestigio mori, quàm inferuitutē abduci maluerunt, Swiersczouius etiam vt cunque res casura esset, in confertissimum agmen cum suis Kozaccis illatus, omnibus amissis ipse cum duodecim præcipuis captus est. Quorum egregiam  
virtu-



virtutem hostes etiam ipsi cælo ferebant. sed intulit Deus, iustus arbiter & munerator meritorum, pro cuius illi glorioso nomine sanguinem fundere non dubitârunt. Swiersczouius verò Constantinopolim ad Selimum deductus, liberali stipēdio cum suis commilitonibus ad belligerandū in Cappadocia contra Persas inuitabatur. & renuentem grandi pecunia Zaporozenses eliberarunt. Valachiam verò Petrus continuò inuasit & vi tenuit, sed reuera non prospexit, à Kozaccis temporibus Stephani, optimi fortissimique Regis multoties expulsus, & ab eodem ac Bathoreis sæpius restitutus.

FINIS.





AD SERENISSIMVM  
PRINCIPEM CAZIMIRVM  
Potentissimi Regis Poloniae  
SIGISMVNDI III. FILIVM  
Epigramma

NICOLAI ZORAWSKI.

**V**irtutem vnde petas, fateor quod grande Parentis  
Magnanimi, exemplar pulle Leonis habes.  
Seu tu scire cupis. populos quâ dirigar arte,  
Enses Mauortis cum siluere feri.  
Bellator sequitur vel quando castra, Smolenscum  
Expugnaturus, sub dolo Moschetuum:  
Sed tamen, antiquos atavum memorare triumphos  
Quid nocet? hoc virtus viuida calcar habet,  
Fortunate, viris tot nate illustribus, hostes  
(Omen habes) vertent terga superba tibi.





# Eiusdem

## AD AVTHOREM.

**A**rmatas acies, & structa in praelia castra,  
Quòd STAROWOLSKI scripta tua ista sonent,  
Non miror, genti vestrae mos vincere Regem  
Obsequio, & meritis condecorare fuit.  
Ut taceam patrem, iuueni clii Regis in aula,  
Fecit olorinum, tarda senecta caput.  
Ut taceam fratres, vario qui Marte perempti,  
Monstruere suis, Regibus obsequia.  
Dignus sed Samuel, cum forti Joanne referri  
Inter stellati sydera laude poli.  
Quorum alter, Regis qui nunc dominatur, ab hoste  
Vexillum ereptum, detulit ante pedes.  
Alter devictum, duro certamine Turcam,  
Sulfureas Erebi iussit adire domos.  
Hos quoque, tu sapiens SIMON, stimulatus amore  
Virtutis fratrum, Regia gesta refers:  
Perge alacer, gladio nam non modò gloria parva  
Esse solet, calamo saepius illa venit.







# Rerum Contentarum INDEX LOCUPLETISSIMVS

## A.

<i>Alexandri Regis funus</i>	4.	<i>uans ingreditur</i> 80. <i>Tartaros in Podoliam immittit</i> 114. <i>moritur</i>	
<i>Alberti rebellio</i> 142. <i>apostasis</i> 186.		<i>cladibus famosus</i>	233.
<i>Homagium</i> 190. <i>ad Sigismundū</i>		<i>Belgradum Kozacci expugnant</i>	282.
<i>oratores</i>	237.	<i>Beresina fluuius</i>	86.
<i>Anastasia Slucensium Ducissa obsi-</i>		<i>Bidgosca oppidum</i>	161.
<i>detur à Glinscio</i>	17.	<i>Bogdanus Podoliam populatur</i>	44.
<i>Arx Cracouiensis conflagrauit</i>	241.	<i>de pace agit</i> 49. <i>Tartaros fudit</i>	130.
<i>Aslamsultanus Podoliam hostiliter</i>		<i>Bogusius in Moscouiam legatus</i>	125.
<i>ingressus</i>	184.	<i>ad pontificem</i>	131.
<i>Augustus natus</i> 153. <i>Dux Lituaniae</i>		<i>Bona Sigismundo nupsit</i>	127.
<i>creatus</i> 211. <i>in Regē coronatus</i> 212.		<i>Borysthenes ad Orsam</i>	87.
<i>iura iureiurando confirmauit</i> 241.		<i>Boratinus Moscouitas vicit</i>	128.
<i>contra Turcas mouit</i> 248. <i>vxorē</i>		<i>Brailouū ab Iuonia expugnatum</i>	276.
<i>duxit</i> 259. <i>eandem deseruit</i>	260.	<i>Brosouecij duellum</i>	155.

## B.

<i>Baltazar Maximiliani legatus</i>	113.	<i>Camenecius Zauolgenses superauit</i>	9.
<i>Bartensteini expugnatio</i>	148.	<i>Cazimirus Brandeburgensis</i>	71.
<i>Barmini oratores</i>	187.	<i>Clementia Sigismundi</i>	93. 39.
<i>Barisan Kozaccus</i>	266.	<i>Conuentus cum Vladislao fratre</i>	99.
<i>Barbara Regina obiit</i>	III.	<i>Congressus cum Maximiliano</i>	102.
<i>Batholomaeus Dux Monsterbergen-</i>		<i>Constantinus à Moschis captus</i>	30.
<i>sis submersus</i>	100.	<i>Tartaros in Volhynia cecidit</i>	41.
<i>Basilus Moscouitarum Princeps pa-</i>		<i>Moschouitas ad Borysthenem su-</i>	
<i>cem oratum mittit</i> 153. 38. <i>merca-</i>		<i>perauit</i> 88. <i>Captiuos hostium beni-</i>	
<i>tores spoliati</i> 43. <i>Smolenscum o-</i>		<i>gnè traxit</i> 93. <i>Vilnam per tri-</i>	
		<i>umphum ingressus</i> 96. <i>ad Sokalum</i>	
		<i>supera-</i>	

## C.



# I N D E X.

superatus 135. ad Canioniam vi-  
 ctor 205. Cracoviam victor in-  
 troiuit 206. Frederici Crucigerorū Magistri de-  
 cessus 53.  
 Crucigerorum ad Germanos dese-  
 ctio 50. pacta cum Sigismundo  
 & Polonis 71. de victoria Sigi-  
 smundi gratulatio 95.  
 Cuscinianus Viennæ præfectus 98.  
 Czeladinus captus 90.  
 Czekouiensis arx recepta 14.

## D.

Daniel Sczenie, exercitus Moscoviti-  
 ci ductor 24.  
 Dantisci obsidium 163.  
 Daskowic Lituaniam intrat cum exer-  
 citu Basilij 18. ad Sigismundum  
 redit 39.  
 Druckum cum Mscislauiensibus Glin-  
 scio adhæret 22.  
 Dzaladinus Scythæ mortem obiit 69.

## E.

Elbinga oppugnata à Sodalibus 152.  
 Elizabeth Ferdinandi filia Augusto  
 desponsata 215. Cracoviam dedu-  
 ctæ 255. eius mores ibidem.

## F.

Favurei Tartaros profligavit 111.  
 Fœdus Sigismundi cum Cracopitis 8.  
 Firlei, raptum Moscos cum Con-  
 stantino missus 29. Tartaros per-

sequitur 116. bello Pruthenico præ-  
 ficitur 143. In Turcas mittitur 182.  
 Frederici Crucigerorū Magistri de-  
 cessus 53.

## G.

Gastoldus Trocos in vincla missus 40.  
 Gedanensium classis 150. tumultus 187.  
 Genitzari à Valachis caesi 280.  
 Glinscius obuiam exit Sigismundo 3.  
 Budam ad Vladislaum proficisci-  
 tur 11. literas Sigismundo tradit  
 & conqueritur 12. patriam prodit  
 seque Basilio tradit, ibidem. Du-  
 catum Seueriensem populatur 77.  
 Smolenscum capit 79. caecere de-  
 tinetur 83.  
 Gnesnensis Archiepiscopus legatus  
 natus 112.  
 Gnoinius ad Mohatium occisus 203.  
 Gustavus Rex Sueciæ creatur 178. le-  
 gatus ad Sigismundum mittit 180.

## H.

Hedwigis Ioachimo nuptui tradita  
 240. eius virtutes 254.  
 Helena decessus & exequiæ 75.  
 Helias Valachia Princeps 261.  
 Helizabeth soror Sigismundi Fride-  
 rico copulata 111.  
 Hieremiæ scelus 286.  
 Herbortii in pugna do pertinetia 140.  
 Heilsberga Episcopi Varmienensis ci-  
 uitas 154.



# I N D E X.

<i>Heiligebeinum obsidetur</i>	146.	<i>Koscieleccius Margbaurga prefe-</i>	
<i>Homia Glinfcio se dedit</i>	21.	<i>ctus</i>	161.
<i>Choinice oppidū à Firleio captū</i>	165.	<i>Kmita Regni Marsalcus</i>	197.
<i>Hollandum obsidetur</i>	146.	<i>Krzyczouum deditur Glinfcio</i>	21.
<i>Hlebonicius exploratum à Constanti-</i>		<i>Kretkouius ad Soleimannum missus</i>	
<i>no missus</i>	31.		247.

## I.

## L.

<i>Iaglouecius exercitū generalis</i>	264.	<i>Lata captus</i>	74.
<i>Iezouij constantia</i>	84.	<i>Latalfcius ad Oczakouiam captus</i>	211.
<i>Ioānes Rex Hungariæ in Polonia</i>	115.	<i>Latalfcius Rōma legatus</i>	76.
<i>Ioachimus Margrauius hæresim am-</i>		<i>Lascij apostasis</i>	255.
<i>plexus</i>	154.	<i>Lauckoronij vigilantia</i>	64. 116. ad
<i>Iudæorum nefarium scelus</i>	255.	<i>Belgradum victoria</i>	118. ad Mie-
<i>Ilouij ausa</i>	177.	<i>dzibogium</i>	120.
<i>Iuonia Valachia Palatinus</i>	264.	<i>Leopols à Bogdano oppugnata</i>	45.
<i>lum Turcis denunciat</i>	265.	<i>Kozaccos</i>	
<i>accersit &amp; alloquitur</i>	267. 287.	<i>Leonis Pontificis ad Sigismundum o-</i>	
<i>cidatur pag. vltima.</i>		<i>ratores</i>	144.
<i>Inimicitia inter Zabrzeziniū &amp; Glin-</i>		<i>Lemburga Stolpensium Duci dona-</i>	
<i>scium, vnde, &amp; quales</i>	10.	<i>ta</i>	200.
<i>Isabella Sigismundo nata</i>	133.	<i>Legati ad Sigismundum Regis Da-</i>	
<i>Hungariæ Regi nuptui tradita</i>	250.	<i>ciæ</i>	54. Principis Moldauia 230.
		<i>Soleimanni ad Ordines Regni</i>	240.
		<i>Ludouici ad Sigismundum oratores</i>	
		<i>134. fatalis dies</i>	201.

## K.

<i>Kisielicius captus</i>	87.		
<i>Kiska ad Wiedrossam cum Constanti-</i>			
<i>tino fusus</i>	31.	<i>ad expugnandam We-</i>	
<i>smam à Sigismundo missus</i>	32.	<i>Maximilianus irascitur Sigismundo</i>	
<i>Kopac occisus</i>	55.	<i>62. eidem recōciliatus munera mit-</i>	
<i>Kozaccorum mentio, differentia, &amp;</i>		<i>tit</i>	107. Obijt vita illustris 132.
<i>virtus</i>	19. 272. 282. 284. &c.	<i>Melsak oppidum</i>	155.
<i>Kosciegowski Palatinus Witeb.</i>	118.	<i>Miechouita vaticinium</i>	104.

## M.

*Miedy-*



# I N D E X.

*Miedzyrzec oppidum à Germanis expugnatum* 157.

*Minscum à Glinfcio oppugnatum* 16.

23. *Mindikierei Zauolgenses superavit* 55. *Sigismundū decepit* 94.

*Moscuus Lituaniā hostiliter ingressus* 13. *fusus* 14.

*Moscouitarum crudelitas* 237.

*Moscouitæ à Lituaniis caesi* 142.

*Moscouia conflagrauit* 43.

*Morawiec Tartaros fudit* 41.

## N.

*Namurkum proditione ab Alberto captum* 169.

*Nidbog expugnatur* 146.

*Niepolomicensis Venatio* 230.

## O.

*Obertina victoria* 218.

*Ociefcus ad Soleimannū legatus* 240.

*Opalinius in Hungariā missus* 214.

*Constantinopolim ablegatus* 227.

*Oposca infeliciter à Constantino oppugnata* 126.

*Ornetia ab Alberto capta* 155.

*Orsa capta* 21.

*Cratio Constantini ad Milites* 32.

*Oslam Sultanus ad Sigismundum confugit* 192. *eius fides* 210. *eius clades* 225.

*Oslaphianus Circassorum praefectus* 130.

*ad Oczakouiam captus* 1. 9. *ad*

*Oczakouiam praeliatur* 208. *arcibus à Sigismundo honoratur* 229.

*Moscouiam populatur* 234.

*Ourucium direptum* 18.

*Ouczyna populatur Lituaniā* 237.

*capitur* 239.

## P.

*Patriarcha Constantinopolitanus ad*

*Reges venit* 100.

*Pantaleon legatus Maximiliani in Moscouia* 113.

*Pacta Sigismundi cum fratre Vladislao 8. cum Basilio* 38.

*Perecopenses Podoliam ingressi* 120.

*à Iaslouecio superati* 208. *Volchy-niam peragrarunt* 236.

*Pierzchliny casus* 28.

*Polus Kozaccus insignis* 41.

*Potoccus* 67.

*Polonorum militum deuocio* 82. *ebrietas* 160. *clades ad Seretū* 245.

*Polociae excidium* 236.

*Pontificis Maximi, in propulsandis barbaris studium* 51. *in extirpandu haeresibus diligentia* 217. *ad Augustum legati* 251.

*Pocucia à Valachis vastata* 217.

*Pugna Sigismundi cum Moscouitis ad Orsam* 25.

*Plaza Ornetam amisit* 155.

*Proles Cazimiri Regis* 2.

*Pratificij amor erga patriam* 257.

*Quidgi-*



# I N D E X.

## Q.

*Quidginum oppidum à Firleo in de-*  
*ditionem receptum* 144.  
*Quomodo non cōueniat Regibus cum*  
*mimis iocari* 231.  
*Quod sit officium Regis* 178.

## R.

*Radochosczam Constantinus expu-*  
*gnauit* 235.  
*Radiuillus Homiam recepit* 238.  
*Raistembergum oppidum* 154.  
*Romæ de victoria Sigismūdi depre-*  
*cationes habita* 96.  
*Rohatinum à Bogdano direptum* 45.  
*à Turcis oppugnatum* 182.

## S.

*Sapieha in Moscouiam legatus* 38.  
*Sampolinius* 89. 67.  
*Secigniouiis Tartaros cecidit* 121.  
*Pruthenos superauit ad Prusmar-*  
*cum* 146. *ad Brunsbergam* 147.  
*ad Heilsbergam* 154.  
*Setkirei Circassos obsidet* 226.  
*Sieniauiorum virtus* 183.  
*Sigismundus, Dux Lituaniæ renun-*  
*ciatus* 5. *in Regem electus* 6. *coro-*  
*natus* 7. *paciscitur cum Perecopē-*  
*sibus* 60. *Barbaram despondet* 61.  
*Arcem Cracouiæ ædificat* 70. *Vil-*  
*nam ouans ingreditur* 95. *Alber-*

*tum dimittit* 151. *Sueciæ regna re-*  
*spuit* 177. *dat auxilia Ferdinando*  
*227. à Soleimanno ad nuptias in-*  
*uitatur* 250. *moritur* 262.  
*Soleimannus Tartaros in Podoliam*  
*immittit* 201. *legatos ad Sigismū-*  
*dum mittit* 217.  
*Sokolouij virtus* 279.  
*Solohub Smolensci præfatus* 79.  
*Sokaliensis clades* 135.  
*Schonbergius bellum denunciat* 157.  
*Kamien oppidum capit* 160. *à Za-*  
*remba profligatur* 164.  
*Scholz Luteranæ factionis primas*  
*196. capitis damnatus* 199.  
*Slupecius cecidit* 92.  
*Sluchouix oppugnatio* 161.  
*Sleinic legatus Imperatoris* 73.  
*Stuckum à Glinscio obsessum* 22.  
*Smolenscum proditum* 79. *inflam-*  
*matum* 236.  
*Spargaldus peditum ductor* 80.  
*Strus occisus* 153.  
*Starodubum inflammatum* 234.  
*Starogardiæ debitio* 162.  
*Swieresczouiis Polonorū ductor* 88.  
*Moscouiam euasit* 110. 125.  
*Swieresczouiis Kozaccus* 266.

## T.

*Tartari à Glinscio cæsi* 11. *à Constan-*  
*tino superati* 66.  
*Tarnauus Turcas profligat* 183. *Vala-*  
*chum*



# I N D E X.

<i>chum cedit</i> 218.	<i>Cracoui am per tri-</i>	<i>Victi à Tarnauio</i> 221.	<i>Pocuciam va-</i>
<i>umphum intrat</i> 223.	<i>Chocimiam</i>	<i>starune</i>	244.
<i>oppugnat</i>	249.	<i>Vagrouicij conuentus</i>	156.
<i>Tarlo ad Fei dinandum legatus</i> 240.	<i>Vladislaus Rex Hungariae obijt</i>		123.
<i>Teczynij virtus</i>	158.		
<i>Teczynius ad Seretum victus</i>	246.		
<i>Thehinia expugnata</i>	281.		
<i>Trepka affatus</i>	84.	<i>Wiedrussa fluius &amp; Wiedrussi cam-</i>	
<i>Treboula oppidum</i>	108.	<i>pi</i>	30.
<i>Trzebinij strenua virtus</i>	158.	<i>Wielkolucenses à Glinccio deprada-</i>	
<i>Torunij conuentus</i>	143.	<i>ti</i>	94.
<i>Tsczouum à Schonbergio captū</i>	162.		
<i>Turonia expugnata</i>	18.		
<i>Tuo ouius Podoliā praesidio curat</i> 60		<i>Zauolgenses Podoliam incursant</i>	9.
<i>Tumultus ordinum Regni ad Leop-</i>		<i>Zabyeginius occisus</i>	15.
<i>lim</i>	242.	<i>Zatomira expugnatur</i>	16.
<i>Turce ad Ocjakouiam à Polonis spo-</i>		<i>Zacharinus profligatur</i>	27.
<i>liati</i> 260. à <i>Iuonia supe. ati</i>	273.	<i>Zakzeuius cum Soleimanno pacisci-</i>	
		<i>tur</i>	56.
		<i>Zareba Germanos profligat</i> 164.	159.
		<i>Zoracinius Bohemus</i>	166.
		<i>Zborouius cecidit</i>	92.

W.

Z.

V.

Sit laus omnipotenti Deo.







7991  
1897



